

**BOSNA I HERCEGOVINA  
FEDERACIJA BOSNE I HERCEGOVINE  
Tuzlanski kanton  
GRAD TUZLA  
GRADSKO VIJEĆE**

# **S T E N O G R A M**

**SA DVADESETDRUGE SJEDNICE GRADSKOG VIJEĆA TUZLA ODRŽANE  
22. DECEMBRA 2022. GODINE U POSLOVNOM OBJEKTU „GRAFIČAR“ SA  
POČETKOM U 10,00 SATI.**

**- SJEDNICI PRISUSTVUJE 30 VIJEĆNIKA.**

**U Tuzli, decembar 2022. godine**

## NATAŠA PERIĆ – predsjedavajući Gradskog vijeća Tuzla

Pozivam vijećnike da uđu u salu.

(Intoniranje himne Bosne i Hercegovine.) Poštovani vijećnici Gradskog vijeća, poštovani gradonačelnice, obrađivači materijala, predstavnici medija, otvaram 22. redovnu sjednicu Gradskog vijeća Tuzla.

Konstatujem da prema evidenciji Stručne službe Gradskog vijeća, sjednici prisustvuje 27 vijećnika, što je...što je punovažno za rad i odlučivanje. Svoje kašnjenje je najavila vijećnica Lejla Osmančević.

Obavještavam vijećnike da su Admir Čavalić i Omer Berbić 30.11. dostavili obavijest da je predsjednik Zajedničkog kluba vijećnika Stranke za Bosnu i Hercegovinu i Naše stranke Omer Berbić umjesto Admir Čavalića, kao i da je Platforma za progres 01.12.2022. dostavila obavijest da je predsjednik Kluba Platforme za progres Selma Čatibušić umjesto Esane Kavazbašić Huskanović.

Podsjećam vijećnike da su uz materijale za današnju sjednicu dobili i Zapisnik, a za svaki klub vijećnika i Stenogram sa 21. redovne sjednice Gradskog vijeća Tuzla, održane 30.11.2022. i sa 6. vanredne sjednice, održane 02.12.2022. godine.

Da li ima primjedbi na Zapisnik sa 21. redovne sjednice? Ako nema, molim vijećnike da se izjasne u vezi Zapisnika sa 21. redovne sjednice.

Glasanje je okončano.

Konstatujem da je **Zapisnik sa 21. redovne sjednice Gradskog vijeća Tuzla** održane 30.11. usvojen sa

27 glasova za, nije bilo protiv i nije bilo suzdržanih.

Da li ima primjedbi na Zapisnik sa 6. vanredne sjednice Gradskog vijeća?

Molim vijećnike da se izjasne.

Glasanje je okončano.

Konstatujem da je **Zapisnik sa 6. vanredne sjednice Gradskog vijeća Tuzla** održane 02.12.2022. usvojen sa

27 glasova za, nije bilo protiv i nije bilo suzdržanih.

Za današnju 22. redovnu sjednicu Gradskog vijeća predlažem Dnevni red koji ste dobili u materijalu za sjednicu.

Kolegij Gradskog vijeća Tuzla je na 26. redovnoj sjednici, prilikom definisanja Dnevnog reda današnje 22. redovne sjednice Gradskog vijeća Tuzla, u prijedlog Dnevnog reda uvrstio tačku pod nazivom RAZMATRANJE IZVJEŠTAJA MANDATNO-IMUNITETSKE KOMISIJE O ODLUCI CENTRALNE IZBORNE KOMISIJE O DODJELI MANDATA VIJEĆNIKU SA LISTE STRANKE ZA BOSNU I HERCEGOVINU.

Naime, kako vam je poznato, Admir Čavalić, vijećnik izabran na Lokalnim izborima 2020. sa liste političkog subjekta Stranke za Bosnu i Hercegovinu, 01.12.2022. je podnio zahtjev Centralnoj izbornoj komisiji Bosne i Hercegovine za utvrđivanje prestanka mandata vijećnika u Gradskom vijeću Tuzla.

Centralna izborna komisija je 13.12.2022. donijela Odluku o prestanku mandata i dodjeli mandata sljedećem kvalificiranom kandidatu.

Članom 41. Poslovnika Gradskog vijeća Tuzla, propisano je da Mandatno-imunitetska komisija razmatra izvještaj nadležne izborne komisije o naknadno dodijeljenim mandatima i o tome podnosi izvještaj Gradskom vijeću.

No, kako prema informaciji dobijenoj od Centralne izborne komisije Bosne i Hercegovine, navedena Odluka Centralne izborne komisije Bosne i Hercegovine o prestanku mandata i dodjeli mandata sljedećem kvalificiranom kandidatu još nije postala pravosnažna,

odnosno kako Mandatno-imunitetskoj komisiji još nije dostavljena pravosnažna odluka nadležne izborne komisije o naknadno dodijeljenom mandatu, Mandatno-imunitetska komisija je 22.12. obavijestila Gradsko vijeće da, kao predlagač povlači iz Dnevnog reda 22. redovne sjednice Gradskog vijeća Tuzla tačku pod nazivom:

**RAZMATRANJE IZVJEŠTAJA MANDATNO-IMUNITETSKE KOMISIJE O ODLUCI CENTRALNE IZBORNE KOMISIJE BOSNE I HERCEGOVINE O DODJELI MANDATA VIJEĆNIKU SA LISTE STRANKE ZA BOSNU I HERCEGOVINU.**

Imajući u vidu naprijed navedeno, konstatujem da je Mandatno-imunitetska komisija, kao predlagač povukla iz Dnevnog reda 22. redovne sjednice Gradskog vijeća, tačku pod nazivom:

**RAZMATRANJE IZVJEŠTAJA MANDATNO-IMUNITETSKE KOMISIJE O ODLUCI CENTRALNE IZBORNE KOMISIJE BOSNE I HERCEGOVINE O DODJELI MANDATA VIJEĆNIKU SA LISTE STRANKE ZA BOSNU I HERCEGOVINU,** te će današnja sjednica Gradskog vijeća imati samo radni dio.

Kolegij Gradskog vijeća je na 26. redovnoj sjednici, prilikom definisanja Dnevnog reda današnje 22. redovne sjednice, predložio Gradskom vijeću da se tačka „Vijećnička pitanja i inicijative“, zbog današnje rasprave o Budžetu Grada Tuzla za 2023. razmatra kao zadnja tačka, a ostale tačke redoslijedom pomjere.

U skladu sa članom 163. stav 1. Poslovnika Gradskog vijeća – drugi prečišćeni tekst kojim je propisano da se „*Vijećnička pitanja postavljaju pismeno, a čitaju se u pravilu na početku sjednice, osim ako Gradsko vijeće odluči drugačije*“, stavljam na izjašnjavanje prijedlog Kolegija i pozivam vijećnike da se izjasne.

Glasanje je okončano.

Konstatujem da je prijedlog Kolegija Gradskog vijeća da se tačka VIJEĆNIČKA PITANJA I INICIJATIVE, razmatra kao zadnja tačka Dnevnog reda, a da se ostale tačke redoslijedom pomjere, usvojen sa

26 glasova za, nije bilo protiv i jedan suzdržan.

Gradonačelnik je 19.12.2022. dostavio prijedlog da se u Dnevni red 22. redovne sjednice Gradskog vijeća Tuzla uvrste sljedeće tačke Dnevnog reda:

- RAZMATRANJE PRIJEDLOGA ODLUKE O DAVANJU SAGLASNOSTI NA STATUTARNU ODLUKU O IZMJENI I DOPUNI STATUTA JAVNE ZDRAVSTVENO-NASTAVNE USTANOVE DOM ZDRAVLJA „DR. MUSTAFA ŠEHOVIĆ“ TUZLA (PREČIŠĆENI TEKST) I

- RAZMATRANJE PRIJEDLOGA ODLUKE O ZAMJENI NEKRETNINA UZ NADOKNADU.

Stavljam na izjašnjavanje prijedlog gradonačelnika da se u Dnevni red 22. redovne sjednice Gradskog vijeća uvrsti tačka pod nazivom:

- RAZMATRANJE I USVAJANJE ODLUKE O DAVANJU SAGLASNOSTI NA STATUTARNU ODLUKU O IZMJENI I DOPUNI STATUTA JAVNE ZDRAVSTVENO-NASTAVNE USTANOVE DOM ZDRAVLJA „DR. MUSTAFA ŠEHOVIĆ“ TUZLA (PREČIŠĆENI TEKST) i molim vijećnike da se izjasne. I predlažem da se ova tačka razmatra kao tačka 6.

Glasanje je okončano.

Konstatujem da je prijedlog gradonačelnika da se u Dnevni red 22. redovne sjednice Gradskog vijeća Tuzla uvrsti tačka pod nazivom:

- RAZMATRANJE I USVAJANJE ODLUKE O DAVANJU SAGLASNOSTI NA STATUTARNU ODLUKU O IZMJENI I DOPUNI STATUTA JAVNE ZDRAVSTVENO-NASTAVNE USTANOVE DOM ZDRAVLJA „DR. MUSTAFA ŠEHOVIĆ“ TUZLA je usvojena sa 26 glasova za, jedan je bio protiv i nije bilo suzdržanih.

I ova tačka se dakle razmatra kao tačka 6.

Sada stavljam na izjašnjavanje prijedlog gradonačelnika da se u Dnevni red 22. redovne sjednice Gradskog vijeća Tuzla uvrsti tačka pod nazivom:

- RAZMATRANJE I USVAJANJE ODLUKE O ZAMJENI NEKRETNINA UZ NADOKNADU i predlažem da se ova Odluka razmatra kao tačka 10. Dnevnog reda, a da se ostale tačke redosljedom pomjere.

Molim vijećnike da se izjasne.

Glasanje je okončano.

Konstatujem da je prijedlog gradonačelnika da se u Dnevni red 22. redovne sjednice Gradskog vijeća uvrsti tačka pod nazivom:

- RAZMATRANJE I USVAJANJE ODLUKE O ZAMJENI NEKRETNINA UZ NADOKNADU usvojena sa

27 glasova za, nije bilo protiv i nije bilo suzdržanih.

I ova tačka se dakle razmatra kao tačka 10.

Sada stavljam na izjašnjavanje Dnevni red u cjelini.

Molim vijećnike da se izjasne.

Glasanje je okončano.

Konstatujem da je Dnevni red u cjelini usvojen sa

27 glasova za, nije bilo protiv i nije bilo suzdržanih.

## **D N E V N I R E D**

- Usvajanje Skraćene verzije Zapisnika sa 21. redovne sjednice Gradskog vijeća Tuzla, održane 30.11.2022. godine i Skraćene verzije Zapisnika sa 6. vanredne sjednice Gradskog vijeća Tuzla, održane 02.12.2022. godine

### **1. RAZMATRANJE I USVAJANJE:**

a) **BUDŽETA GRADA TUZLA ZA PERIOD 1. 1. - 31. 12. 2023. GODINE**

b) **ODLUKE O IZVRŠAVANJU BUDŽETA GRADA TUZLA ZA PERIOD 1. 1. - 31. 12. 2023. GODINE**

c) **ODLUKE O IMENOVANJU INVESTICIJSKOG MENADŽERA ZA GRAD TUZLA**

d) **PRIJEDLOGA POLITIKA INVESTIRANJA RASPOLOŽIVIH NOVČANIH SREDSTAVA GRADA TUZLA ZA 2023. GODINU**

### **2. RAZMATRANJE I USVAJANJE PROGRAMA RADA GRADSKOG VIJEĆA TUZLA ZA 2023. GODINU**

### **3. RAZMATRANJE I USVAJANJE:**

a) **ZONING PLANA REKREACIONE ZONE „ŠIĆKI BROD“ U TUZLI**

b) **ODLUKE O PROVOĐENJU ZONING PLANA REKREACIONE ZONE „ŠIĆKI BROD“ U TUZLI**

c) **ODLUKE O USVAJANJU ZONING PLANA REKREACIONE ZONE „ŠIĆKI BROD“ U TUZLI**

### **4. RAZMATRANJE I USVAJANJE ODLUKE O DAVANJU PRETHODNE SAGLASNOSTI NADZORNOM ODBORU JP RPC TUZLA - INKUBATOR “LIPNICA” D.O.O. TUZLA, ZA IMENOVANJE DIREKTORA DRUŠTVA.**

### **5. RAZMATRANJE I USVAJANJE ODLUKE O PRIVREMENOM OSLOBAĐANJU PLAĆANJA ADMINISTRATIVNE TAKSE ZA IZDAVANJE ODOBRENJA ZA REGISTRACIJU SVIH VRSTA SAMOSTALNIH DJELATNOSTI NA PODRUČJU GRADA TUZLA ZA 2023. GODINU**

**6. RAZMATRANJE I USVAJANJE ODLUKE O DAVANJU SAGLASNOSTI NA STATUTARNU ODLUKU O IZMJENI I DOPUNI STATUTA JAVNE ZDRAVSTVENO-NASTAVNE USTANOVE DOM ZDRAVLJA „DR. MUSTAFA ŠEHOVIĆ“ TUZLA (PREČIŠĆENI TEKST)**

**7. RAZMATRANJE I USVAJANJE:**

a) **ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM JU ZA PREDŠKOLSKI ODGOJ I OBRAZOVANJE “NAŠE DIJETE” TUZLA**

b) **ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA UDRUŽENJEM ZA POMOĆ ŽRTVAMA I PREŽIVJELIM SEKSUALNOG NASILJA U RATU “NAŠ GLAS”**

c) **ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM JKP “SAOBRAĆAJ I KOMUNIKACIJE TUZLA” DOO TUZLA**

**8. RAZMATRANJE I USVAJANJE PRAVILNIKA O KRITERIJIMA I POSTUPKU ZA OSTVARIVANJE PRAVA NA JEDNOKRATNE NOVČANE POMOĆI IZ BUDŽETA GRADA TUZLE**

**9. RAZMATRANJE I USVAJANJE ODLUKE O VISINI ZAKUPNINE ZA STANOVE U VLASNIŠTVU GRADA TUZLE I STANOVE NA KOJIMA GRAD TUZLA IMA PRAVO RASPOLAGANJA**

**10. RAZMATRANJE I USVAJANJE ODLUKE O ZAMJENI NEKRETNINA UZ NADOKNADU.**

**11. RAZMATRANJE INFORMACIJE O AKTUELNIM PITANJIMA U OBLASTI BORAČKO-INVALIDSKE ZAŠTITE I REALIZACIJI PRAVA PRIPADNIKA BORAČKE POPULACIJE**

**12. RAZMATRANJE INFORMACIJE O REALIZACIJI AKTIVNOSTI NA RJEŠAVANJU STAMBENIH PROBLEMA RASELJENIH LICA I SOCIJALNE KATEGORIJE STANOVNIŠTVA**

**13. RAZMATRANJE INFORMACIJE O OPREMLJENOSTI SLUŽBI ZAŠTITE I SPAŠAVANJA FORMIRANIH NA PODRUČJU GRADA TUZLA**

**14. RAZMATRANJE INFORMACIJE O PROVEDENIM INTERVENTNIM MJERAMA NA SANACIJI KLIZIŠTA NA PODRUČJU GRADA TUZLA U 2022. GODINI**

**15. RAZMATRANJE IZVJEŠTAJA KOMISIJE ZA IZBOR I IMENOVANJA**

**16. TEKUĆA PITANJA**

**17. VIJEĆNIČKA PITANJA I INICIJATIVE**

Prelazimo na realizaciju Dnevnog reda.

Prva tačka:

**RAZMATRANJE I USVAJANJE BUDŽETA GRADA TUZLA ZA PERIOD 01.01. DO 31.12.2023. GODINE,**

b) **ODLUKE O IZVRŠAVANJU BUDŽETA GRADA TUZLA ZA PERIOD 01.01. DO 31.12.2023. GODINE,**

c) **ODLUKE O IMENOVANJU INVESTICIJSKOG MENADŽERA ZA GRAD TUZLA I**

d) **PRIJEDLOGA POLITIKA INVESTIRANJA RASPOLOŽIVIH NOVČANIH SREDSTAVA GRADA TUZLA ZA 2023.**

Predlagač je gradonačelnik Grada Tuzla.

Obrađivač: Služba za budžet i finansije.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za prostorno uređenje i zaštitu okoline pod a) i b), Komisija za komunalne poslove i pitanja mjesnih zajednica pod a) i b) i klubovi vijećnika.

Podsjećam vijećnike da su u dopuni materijala dobili i mišljenje Ministarstva finansija Tuzlanskog kantona, broj 07/1-11-33656/22 od 16.12.2022. o usklađenosti planiranih prihoda i primitaka i planiranog tekućeg bilansa iskazanih u prijedlogu Budžeta Grada Tuzla za 2023. sa članom 33. stav 1. i članom 43. stav 1 Zakona o budžetima u Federaciji Bosne i Hercegovine.

Od strane obrađivača materijala Službe za budžet i finansije obaviještena sam da su izvještaji sa javne rasprave o Nacrtu budžeta Grada Tuzla za period 01.01. do 31.12.2023. i Nacrtu odluke o izvršavanju Budžeta Grada Tuzle za period 01.01. do 31.12.2023. potkrale dvije tehničke greške, na trećoj strani pored imena Sabiha Mujkanović Mujačić, greškom je navedeno Savez za bolju budućnost, umjesto samostalna vijećnica, pa se evo izjašnjavam.

Na strani 5 pored imena Hasib Hirkić, greškom je navedeno Socijaldemokrati Bosne i Hercegovine, umjesto samostalni vijećnik.

Napominjem da je Služba za budžet i finansije izvršila ispravku, te da je korigovani izvještaj o provođenju javne rasprave podijeljen svim vijećnicima neposredno pred početak sjednice.

Obavještavam vijećnike da je amandmane na Budžet Grada Tuzla za period 01.01. do 31.12.2023. godine, podnio vijećnik Omer Berbić, petnaest amandmana. Podnesene amandmane ste dobili u dopuni materijala.

U dopuni materijala ste dobili i mišljenje gradonačelnika Grada Tuzla o amandmanima na prijedlog Budžeta Grada Tuzle za period 01.01. do 31.12.2023.

Ima li potrebe za uvodnim izlaganjem? Ima. Zamoliću gospođu Suadu Isaković da da uvodno izlaganje, pomoćnik gradonačelnika Službe za budžet i finansije.

## **SUADA ISAKOVIĆ – Pomoćnik gradonačelnika za Službu za budžet i finansije**

Pozdravljam sve prisutne i evo kao što je predsjedavajuća najavila imamo ove tačke Dnevnog reda (NATAŠA PERIĆ – Molim vas malo tišine) vezano za Budžet Grada Tuzle za 2023. godinu.

Kao što vam je poznato, Nacrt budžeta Grada Tuzle, usvojen je na Sjednici Gradskog vijeća krajem oktobra mjeseca ove godine, kada je Gradsko vijeće donijelo i Odluku o provođenju javne rasprave vezano za nacрте ova dva dokumenta i zadužilo gradonačelnika da svojom odlukom utvrdi način provođenja javne rasprave, što je gradonačelnik i učinio i odmah po usvajanju, znači, ovih dokumenata, donio je Odluku o načinu provođenja javne rasprave, kojom je zadužio resorne službe da svako u svojoj nadležnosti provede javnu raspravu, a istovremeno je objavljen i javni poziv u javnim medijima i na službenoj stranici Grada Tuzle, kojim su pozvani svi građani, nevladin sektor, privredni subjekti, bilo da se radi o javnom sektoru ili privatnom sektoru i svi drugi zainteresirani građani i subjekti da mogu pismenim putem dostaviti u Gradsku upravu svoje sugestije i primjedbe ili prijedloge vezano za Nacrt budžeta Grada Tuzle za 2023. godinu i Odluku o... nacrt odluke o njegovom izvršavanju.

Sastavni dio javne rasprave je i Stenogram sa sjednice Gradskog vijeća, kada su usvojena ova dva dokumenta. Javna rasprava je održana onako kako je propisano i rezultat javne rasprave, odnosno, svi prijedlozi, primjedbe i sugestije ili zaključci koji su doneseni u postupku javne rasprave, iskazani su izvještaji o provedenoj javnoj raspravi, koja je sastavni dio, ovaj, današnjeg izlaganja vezano za ove tačke.

Evo ja se još jednom ispred Službe izvinjavam vijećnicima, gdje je došlo do greške u, ovaj, tamo pripadnosti određenoj stranci. Žao mi je što je to bilo, ali evo ispravićemo i neće u javnost otići tako, jer će se izvještaj objaviti na web stranici.

Prilikom okončanja, odnosno i u toku same javne rasprave u Gradskoj upravi održano je i puno sastanaka sa resornim službama i sa gradonačelnikom. Pokušali smo, znači, iznos raspoloživih sredstava koji smo raspolagali u prijedlogu u odnosu na utvrđeni način, što pravilnije, odnosno rasporediti onako kako su prioriteti u odnosu na iskazanu javnu raspravu i u odnosu na nadležnosti Grada Tuzle, kao jedinice lokalne samouprave.

Budžet Grada Tuzle u prijedlogu Budžeta u odnosu na utvrđeni Nacrt, veći je za 14.267.333,44 marke ili za oko 25%.

Ukupna sredstva budžeta za dvadesettreću godinu, iznose 71.344.726,12 maraka.

Ovih 14 miliona maraka za koji je uvećan prijedlog budžeta u odnosu na utvrđeni nacrt, odnose se na sredstva prenesenih rezervacija za započete poslove i obezbijedena sredstva u budžetu iz 2022. godine, u iznosu od 9.650.578,44 marke, a razlika od 4.616.759 maraka su nova sredstva koja su se mogla rasporediti za finansiranje novih rashoda u prijedlogu budžeta u odnosu na utvrđeni Nacrt za 2023. godinu.

Ova nova sredstva rezultat su nove projekcije prihoda koje smo 17. novembra dvadesettreće godine, znači, nakon što je utvrđen Nacrt budžeta, dobili od Kantonalnog ministarstva finansija.

U ova četiri miliona su uključeni novi prihodi, odnosno, nove projekcije poreza na dodanu vrijednost i poreza na dohodak za 2023. godinu, u iznosu od oko 2,8 miliona.

Zatim, nova projekcija više očekivanih prihoda po osnovu PDV-a i poreza na dohodak u dvadesetdrugoj godini u odnosu nego što je to bilo utvrđeno ranijom projekcijom.

I imamo, Služba je procijenila da će i ostali prihodi koji su planirani u dvadesetdrugoj godini, a nisu u nadležnosti viših nivoa vlasti, što se tiče projekcije njihovog planiranja, se ostvariti u većem iznosu od 565.000, tako da smo to kao višak prihoda uključili u novu raspodjelu Budžeta, a istovremeno smo u prijedlogu budžeta u odnosu na utvrđeni Nacrt umanjili planirana sredstva od naknade koje uplaćuje Elektroprivreda po osnovu rada Termoelektrane Tuzla, koja se nalazi na području grada Tuzle. Prihode smo umanjili za 200.000 maraka, iz razloga, što, evo, zadnjih par godina ovi prihodi se u kontinuitetu smanjuju i oni su vezani za proizvedenu količinu električne energije, tako da u dvadesetdrugoj godini, oni neće dostići 4.000.000, bit će otprilike blizu 4.000.000, a sjetit ćemo se kada su ovi prihodi se počeli ostvarivati u Budžetu, 2015. godine, bili su otprilike pet i po miliona maraka.

U rasporedu Budžeta za dvadesettreću godinu, moram reći da i dalje najviše sredstava se izdvaja za komunalnu infrastrukturu, negdje oko 31,4 miliona maraka se ukupno izdvaja za troškove komunalne infrastrukture, bilo da se radi o tekućim troškovima, ili novoj gradnji, odnosno rekonstrukciji postojećih komunalnih objekata. Od ovih 31,4 miliona, kapitalni budžet, odnosno nova gradnja iz budžeta i rekonstrukcija u idućoj godini se planira u vrijednosti od 17,9 miliona ili 25,8% budžeta, što ukazuje da karakter našeg budžeta je i kapitalni i razvojni, a poslije ću nešto reći i o socijalnim izdvajanjima, znači, da se ne radi o potrošačkom budžetu, jer veoma značajno učešće, ovaj, izdataka o ukupnim izdacima za kapitalne, ovaj, troškove iz budžeta, govori da se, ovaj, pokušava što više sredstava uložiti u komunalnu infrastrukturu, obzirom da je to jedna od osnovnih nadležnosti Grada, kao jedinice lokalne samouprave, a i da postoji potreba za izdvajanjem za komunalnu infrastrukturu, čak i puno veća, ali obzirom na ograničena sredstva u prijedlogu budžeta su, ovaj, iskazani ovi iznosi.

U samom kapitalnom budžetu cestovna infrastruktura, znači, nova gradnja i rekonstrukcija cesta je preko 8.000.000 maraka.

Projekt energetske efikasnosti je oko 1,3 miliona. Toplifikacija oko 1.000.000 maraka. Izgradnja Gradskog groblja Drežnik, neutrošeni dio je 2,3 miliona maraka. I vodosnabdjevanje

oko jedan i po milion. Ali evo da ja ne bi pojedinačno nabrajala cifre, vi u obrazloženju imate detaljno, ovaj, izdvajanja za komunalnu infrastrukturu i sva ostala izdvajanja.

Kada sam rekla da je naš budžet kapitalni, moram reći da veoma značajan segment u našem budžetu čini, čine socijalna izdvajanja. Grad Tuzla već mogu reći i desetljećima radi u oblasti socijalne zaštite, ovaj, i isto tako treba reći da Grad Tuzla nema osnovnu nadležnost u oblasti socijalne zaštite, nego je to na nivou kantona, osim što mora finansirati instituciju Centra za socijalni rad, čiji je osnivač i tako je predviđeno zakonom da lokalne zajednice finansiraju ove institucije. Međutim, Grad Tuzla je davno prepoznao i potrebu i utvrdio obavezu da finansira različite oblike socijalnih davanja, pa evo i u ovom Budžetu je značaj iznos izdvojen za socijalna davanja i to za različite oblike negdje oko 2,7 miliona maraka se direktno daje, osim finansiranja, znači, Centra za socijalni rad i Grad je prepoznao i finansiranje, znači, građana koji su u stanju socijalne potrebe, bilo da je u pitanju nabavka hrane, ogreva, školovanje djece, prevoz učenika i penzionera. To će biti vjerovatno novo pravo koje danas imamo na sjednici Gradskog vijeća, Pravilnik kojim se šire prava u oblasti, ovaj, socijalnih davanja.

Grad već dugi niz godina finansira prava iz oblasti boračko- invalidske zaštite. Značajan projekat koji se realizuje putem Crvenog križa Grada Tuzle, tuđa njega i pomoć u kući, koji je započet zajedno nekad sa švajcarskim Crvenim križom, koji je većinski, su oni finansirali. Međutim, od prošle godine Grad Tuzla je morao preuzeti ukupnu obavezu da finansira ovaj projekat koji se pokazao jako dobrim i evo mi smo u ovom budžetu i povećali sredstva za ta izdvajanja.

Također smo povećali u prijedlogu i određene jednokratne pomoći, zatim sredstva za plaćanje obaveznog zdravstvenog osiguranja. Povećana su sredstva za kamate za subvencioniranje mladih, znači, projekti za mlade su prepoznati ovim prijedlogom budžeta, tako da imamo ove kamate su povećane, povećana su sredstva za stipendije i tamo imamo jednu stavku koja se realizuje za različite projekte kojim, u kojima, ovaj, mladi koji su organizovani u različite nevladine organizacije apliciraju kod naše Službe za sport i kulturu.

Kao što sam rekla na početku ukupno, znači, za nove troškove u prijedlogu budžeta u odnosu na Nacrt izdvojeno je 4.616.000. Od toga je najveći iznos izdvojen za Službu za komunalne poslove i izgradnju i poslove mjesnih zajednica oko 1.450.000 ili 31%. Služba za kulturu, sport i mlade oko 700.000 ili 15% ovih novih sredstava. Služba za ekonomski razvoj i poduzetništvo oko 14,5% ili 663.000. Ovdje moram napomenuti da se, ovaj, bilo je potrebe da se dodatno obezbijede sredstva za oblast poljoprivrede i zapošljavanja, što je i učinjeno kroz ovaj prijedlog u odnosu na Nacrt i, ovaj, za ostale, znači, rashode, evo mogu reći pojedinačno po namjeni za izgradnju i rekonstrukciju puteva preko 1.000.000 maraka, za održavanje javne rasvjete 320.000. Govorim o ovim novim sredstvima u prijedlogu. Zelene površine i rad zimske službe 100.000 maraka. Nabavka urbanog mobilijara 200.000. Tekuće održavanje prostorija mjesnih zajednica 70.000. Značajna izdvajanja za sport, pa ste vidjeli da smo tamo povećali izdvajanja, jer nismo mogli u Nacrtu obezbijediti iznos koji je do tada imala, ovaj, Radničko sportsko društvo „Sloboda“. Evo u Prijedlogu budžeta su ta sredstva povećana i negdje preko 1.800.000 maraka iz Budžeta se izdvaja kao grantovi za sport bez, znači, finansiranja javne ustanove koja upravlja stadionom i rekonstrukcije održavanja stadiona, značajna sredstva su se ove godine izdvojila. Za grantove privatnim preduzećima i poduzetnicima i aktivnim mjere zapošljavanja dodatnih 120.000. I također smo morali obezbijediti sredstva za provođenje privremenih izbora koji će se održati početkom februara mjeseca 110.000 maraka. Zatim smo uvećali sredstva već planirana za naše javne ustanove Centar za socijalni rad, Centar za kulturu, Stadion „Tušanj“, što su bili i u toku rasprave prijedlozi i od strane vijećnika i od strane samih javnih ustanova i institucija. Sastavni dio prijedloga budžeta je kapitalni budžet, zatim, osim obrazloženja, znači, imate i pregled rezervacija u budžetu Grada Tuzle gdje su vam tačno prikazani svi poslovi u onih 9 miliona i nešto, koji su prenešeni kao višak iz budžeta za započete poslove u 2022. godini. Znači, radi se o iznosu od 9.650.000 i u ovom materijalu možete



pojedinačno vidjeti svaki taj posao koji je započet, bilo da je započeta javna nabavka ili je potpisan ugovor, a realizacija će se vršiti u dvadesetdruj godini.

Često su pitanja zašto mi to prenosimo ta sredstva iz ove godine u iduću? Al evo sami ste svjedoci da smo mi imali rebalans budžeta krajem oktobra mjeseca, da smo tada značajno uvećali sredstva za komunalnu infrastrukturu. To je već bio kraj oktobra mjeseca. Da službe nisu mogle provesti javnu nabavku. Uglavnom se radi o otvorenim postupcima koji traju dva i po mjeseca i da je bilo nemoguće potrošiti ova sredstva i to je razlog, znači, poslovi stalno idu u kontinuitetu i ne može se godina završiti sa 31. decembrom kalendarski, nego se poslovi nastavljaju, samo se pravi presjek 31.12. i vrši se inventura o ostvarenim prihodima i rashodima koji obuhvataju kalendarsku godinu.

Ovi dokumenti će se kada se usvoje na Gradskom vijeću objaviti određeni u Službenom glasniku, a određeni na web stranici Grada, kao što je to čitav Budžet, obrazloženje, izvještaj sa javne rasprave, tako da će to sve biti dostupno i građanima i svim drugim zainteresiranim.

Što se tiče Odluke o izvršavanju budžeta, to je pravni akt koji definiše način trošenja utvrđenih sredstava u Budžetu i prijedlog u odnosu na Nacrt se razlikuje u tome što imamo neke nove grantove koje smo uveli i samo smo definisali način njihovog trošenja u prijedlogu u odnosu na utvrđeni Nacrt.

Što se tiče materijala, odnosno Odluke pod tačkom c) odnosno Odluke o imenovanju investicijskog menadžera za Grad Tuzlu, vi znate da smo mi u ranijem periodu imenovali gradonačelnika Jasmina Imamovića, za investicijskog menadžera. Znači, da ova funkcija se veže i za ime, morali smo, znači, promijeniti ovu odluku, jer je došlo do prestanka vršenja funkcije od strane Jasmina Imamovića i imamo novog menadžera, VD gradonačelnik Zijad Lugavić se predlaže ovom odlukom da se imenuje, a tako i predviđa zakon kojim se uređuje ova oblast.

Što se tiče materijala pod d) politike investiranja raspoloživih novčanih sredstava Grada Tuzla za dvadesettrću, ovo je svake godine, znači, se donose ove politike investiranja. Ukoliko Grad Tuzla bude u određenom periodu godine imao sredstva koja ne treba angažovati, odnosno koja čekaju momenat plaćanja, predlaže se ovom odlukom da se ista mogu oročiti kod poslovnih banaka. Procedura oročavanja je vrlo stroga propisana Zakonom o investiranju javnih sredstava. Obavlja se putem javnog poziva. U najmanje četiri banke se moraju oročiti sredstva, znači, po 25% ne može u jednoj banci. Sam iznos oročavanja se, radi ga Služba za budžet i finansije i veže se za novčani tok. Znači, ukoliko se procijeni da će u jednom određenom periodu biti raspoloživa određena sredstva, Služba za budžet i finansije predlaže gradonačelniku koji je to iznos sredstava i gradonačelnik, znači, može donijeti odluku i predlaže se i period oročavanja i onda u skladu sa dobijenim uslovima iz javnog poziva se sklapaju ugovori sa poslovnim bankama, a oni ne smiju biti duži od godine dana, odnosno, ovaj, ne mogu preći u narednu kalendarsku godinu. Eto toliko. Hvala.

**NATAŠA PERIĆ**

Hvala gospođi Isaković. Zamoliću sad gradonačelnika, gospodina Zijada Lugavića da se obrati.

**ZIJAD LUGAVIĆ – novoizabrani vršilac dužnosti  
gradonačelnika Grada Tuzle**

Poštovana predsjedavajuća, dopredsjedavajući, uvažene vijećnice i vijećnici Gradskog vijeća Tuzle, kolegice i kolege, dragi gosti. Sve vas srdačno pozdravljam.

Prije svega želio bih da se zahvalim veoma velikom angažmanu naših građana i građanki, koji su uzeli učešća u javnoj raspravi prilikom izrade ovog Budžeta. Isto tako,

posebno zahvalnost dugujem vama vijećnicama i vijećnicima koji ste uspjeli naći vremena i izdvojiti ga da zajedno prazgovaramo o Nacrtu budžeta o vašim prijedlozima, o vašim viđenjima Budžeta za 2023. godinu i mislim da smo imali veoma konstruktivne razgovore i da smo na zajednički način došli do jednog, čini mi se veoma kvalitetnog prijedloga budžeta Grada Tuzle za 2023. godinu.

Takođe, koristim ovu priliku da se zahvalim i sektoru privrede, sektoru poduzetništva, nevladinom sektoru, koji su takođe dali dobar dio sugestija i prijedloga kako bi ovaj Budžet bio još bolji i još kvalitetniji. I u to ime bih uzeo sebi za pravo da kažem da obzirom da smo od Nacrta do Prijedloga budžeta usvojili veliki broj primjedbi i prijedloga i sugestija i ugradili u Prijedlog budžeta, od građana, od vas vijećnika i vijećnica, od privrednog sektora i nevladinog sektora. Možemo slobodno reći da je ovo Budžet građana Tuzle i koji je urađen za građane Tuzle.

Evo Suada je prije mene kazala da Budžet u prijedlogu iznosi 71.344.726,12 Konvertibilnih maraka i da je on otprilike za nekih 25% veći u odnosu na Nacrt koji je bio.

Meni je veoma drago, možda ću se malo i ponavljati, ali je značajno da apostrofiramo i istaknemo neke značajne karakteristike budžeta, a to je, mi moramo reći da je ovaj Budžet kapitalni. Kada govorimo da je on kapitalni, on je odmah i razvojni. Dakle, budžet i kapitalni i razvojni su veoma usko povezani. On je takođe socijalni budžet. Obzirom da nažalost evo iz godine u godinu, zahvaljujući možda i uzrokom ove generalne i globalne ekonomske krize, dobivamo sve veći broj građana, koji dolaze nažalost u stanje socijalne potrebe i iz tog razloga smo evo i ove godine, što ću malo kasnije u izlaganju reći, poseban akcenat stavili na ove socijalne kategorije. U ovom segmentu je veliki broj uvažanih vijećnica i vijećnika i komentarisao i razgovarali smo tokom javne rasprave i ugradili smo veliki dio tih primjedbi u, ovaj, Budžet.

On je kapitalni, dakle i razvojni iz razloga što bez kapitalnog investiranja, investiranje u infrastrukturu, u širenje te infrastrukture, nemoguće je govoriti i o razvojnom budžetu, jer kada imate nekog investitora koji želi da investira u naš grad, da napravi određenu kompaniju u kojoj će raditi ljudi, on gleda i kakav je onaj ambijent života koji će ti uposleni i ti investitori imati nakon što završe, dakle, svoj posao. Tako da kroz ove kapitalne investicije mi stvaramo preduslove za još bolji i kvalitetniji život svih onih koji rade ovdje, jer bez toga oni će otići negdje drugo, neće ostati kod nas. Iz tog razloga 44% budžeta koji se odnosi na kapitalne investicije i komunalnu infrastrukturu, uz dodatnih skoro milion i petsto koji je direktno namijenjen kroz finansijska sredstva pomoći privrednicima, odnosno poduzetnicima, za razvoj svojih djelatnosti, u pravom smislu govori da je naš budžet, da je naš budžet razvojni.

S druge strane, dakle, u oblasti poduzetništva, pa ću se vratiti onda na kapitalni dio. Ono što mi direktno podržavamo iz našeg budžeta za razvoj privrede, jeste recimo projekat „Siguran start“, koji je doživio svoj strahoviti rast u ovoj godini u odnosu na protekle godine, kada smo iz budžeta podržali 179 privrednika - obrtnika, koji su registrovali svoju djelatnost na području Grada Tuzle, i zahvaljujući vama koji ste glasali za ovaj budžet za dvadesetdrugu godinu, mi smo obezbijedili sredstva i podržali 179 djelatnosti, odnosno njihovo poslovanje u prvoj i drugoj godini.

Analiziravši situaciju na terenu kako nam je to bilo ove godine, obzirom da smo koristili jedan proaktivan pristup i u razgovoru sa poduzetnicima, u razgovoru sa Udruženjem obrtnika, vidjeli smo da su nam tu potrebna dodatna sredstva, tako da smo predložili da se za ovu namjenu u 2023. godini, dodatno povećaju sredstva kako bismo i u obimu, kada govorimo o obimu, dakle, u veličini finansijskih sredstava po pojedinačnoj podršci mogli da povećamo, a i u ovom obuhvatu da još veći broj obrta i privrednih subjekata obuhvatimo, tako da smo tu povećali sredstva za 70.000 Konvertibilnih maraka.

Sljedeća kategorija koja nam je veoma bitna, a to su ranjive kategorije stanovništva, gdje ih podržavamo već dugi niz godina za zapošljavanje. I ove godine smo povećali i u tu

namjenu sredstva, obzirom da želimo da budemo partneri i onim teže zapošljivim kategorijama stanovništva, da motivišemo privrednike, da ih upošljavaju i da i oni nađu svoj posao.

Ovdje moram naglasiti u ovom segmentu da poseban akcenat i u ovoj godini i u narednoj godini će biti stavljen na poduzetništvo mladih i žensko poduzetništvo, jel smo opet kroz razgovor i sa građanima i sa privrednicima vidjeli da tu imamo rezervi, da tu trebamo dodatno da podržimo i mlade, a i ovaj, žene u okviru, ženskog, ženskog poduzetništva.

Dalje je povećana oblast poljoprivredne proizvodnje. Ove godine smo aplicirali na dodatna sredstva preko projekta „Impakt“, pardon „Muslim MAID“, gdje smo obezbijedili sufinansiranje dvadeset platenika, dakle, dvadeset porodica koje su opet bile u stanju socijalne potrebe su dobili dvadeset platenika i počeli su da ostvaruju prihode od ove djelatnosti i tu smo im zajedno sa vama pomogli da oni opstanu, da počnu da privređuju, da ostvaruju prihode i da stvaraju sebi bolji i kvalitetniji ambijent za život i za privređivanje.

Takođe smo radili veoma veliki broj projekata sa nevladinim sektorom, koji imaju onaj dalji neki domet. Nevladin sektor je veoma značajan kako u oblasti socijalne zaštite, tako i u oblasti privrede, jer oni na poseban način pomažu određenim kategorijama stanovništva, tako da smo realizovali veliki broj projekata i u oblasti poljoprivrede i u oblasti poduzetništva.

Ono što želim da naglasim jeste još jedan projekat sa međunarodnom organizacijom rada koji se realizuje ovu i iduću godinu i sa „Impakt“ organizacijom, a gdje ćemo obuhvatiti 145 nezaposlenih osoba, u dvije linije podrške. To su prekvalifikacije i stručno usavršavanje, s jedne strane. Druga strana jeste razvoj poduzetničkih ideja gdje će oni ideju razviti u biznis plan i biće podržane najbolje ideje da registruju svoju djelatnost i otpočnu sa poslovanjem, iz budžeta projekta, a svi oni drugi koji budu imali dobar biznis plan, takođe ćemo ih podržati kroz siguran start, o čemu sam malo prije govorio, tako da ćemo 145 nezaposlenih osoba biti u mogućnosti da im damo posao, posao u ruke.

Ovdje ćemo još, puno možemo govoriti o ovom sektoru privrede i poduzetništva i svim projektima koji realizujemo i nadam se, ovaj, odnosno siguran sam, jer smo vidjeli kroz razgovore da ste u potpunosti saglasni sa svim ovim aktivnostima, a koje ćemo zajedno sa vama i u idućoj godini i narednih godina, siguran sam još bolje dorađivati, još bolje razrađivati, da one budu još bolje, još kvalitetnije, da obuhvatimo još veći segment i potrošača i obrtnika i svih onih kojima je potrebna pomoć iz našeg budžeta.

Druga komponenta jeste ona socijalna komponenta na šta smo mi svi osjetljivi. I Grad Tuzla već u kontinuitetu dugi niz godina, kao što je to i Suada prethodno rekla, iako nismo izvorno nadležni, mi ogromna sredstva izdvajamo za socijalne kategorije stanovništva, jer Tuzla je takva. Svi vi ste ovdje takvi i znam da stalno razgovaramo, najviše o toj kategoriji i tu ćemo se najviše usaglašavati, jer nažalost kao što sam malo prije kazao, moramo se zajedno boriti da pomognemo našim sugrađanima, koji su u stanju socijalne potrebe, da im što bolje i što kvalitetnije olakšamo njihov taj problem, u kojem su se, u kojem su se oni našli. U tom kontekstu je izdvojeno 2,7 miliona Konvertibilnih maraka ili 3,70% za socijalna davanja, a to su jednokratne pomoći boračkoj populaciji, socijalnim kategorijama stanovništva, sredstva za obavezno zdravstveno osiguranje, Crveni križ posebno kroz projekat njega u kući osobama treće životne dobi, ali i svim onim kojima je ona potrebna, koji leže na krevetu, ne mogu da sami sebi pomognu, a nemaju nikog drugog, tako da je to veoma značajan projekat koji je nekada davno počeo od strane švicarskog Crvenog križa, a Grad Tuzla je preuzela sada kompletno finansiranje na sebe. Zatim, prošireni vidovi pomoći.

I imamo nešto novo što je opet proistaklo, proisteklo od vas ovdje koji ste nam predložili da na neki način krenemo i nađemo modus da pomognemo onima koji su u stanju socijalne potrebe po pitanju plaćanja autobuskih karti. Ovdje ćemo danas razgovarati, ne znam tačno pod kojom tačkom jel šest il je sedam, čini mi se osam, tačkom Dnevnog reda ima pravilnik gdje smo usvojili ono šta smo razgovarali kada smo govorili o prijedlogu ovog budžeta i to je

proisteklo od vas vijećnika, a što smo mi naravno, ovaj, prihvatili je za dobrobit svih naših sugrađana. Dakle, još jedan iskorak smo napravili. To smo ugradili, ugradili u budžet.

Zatim nabavka ogreva, nabavka lijekova, udžbenika i tako dalje, dakle, širok je spektar socijalne pomoći koje idu iz ovog budžeta.

Ja ću se ovdje samo još referirati na nekoliko stvari. A to je recimo jednokratna pomoć korisnicima BIZ-a, koja je u dvadesettrećoj godini planirana u iznosu od 835.000 Konvertibilnih maraka. Zatim, socijalne jednokratne pomoći, koje su u 2022. godini, ostvarili preko 1500 naših građana. One su takođe povećane. A ovdje moram da naglasim da su recimo 2019. godine, izdvajanja za ovaj vid socijalne jednokratne pomoći bila 344.000 Konvertibilnih maraka. Za dvadesettreću godinu su planirana u iznosu od 620.000 Konvertibilnih maraka. Skoro pa smo uduplali, uduplali taj iznos.

Zatim, subvencioniranje kamata za stambeno zbrinjavanje mladih. Planirano je 120.000 Konvertibilnih maraka, što još jednom pokazuje naše i vaše opredjeljenje prema, prema mladima, jer su nam oni, oni veoma bitni.

Zatim, 110.000 Konvertibilnih maraka za kulturne manifestacije.

Njega u kući, što sam malo prije rekao je planirano u iznosu od 230.000 Konvertibilnih maraka, a 2019. godine, ovaj ekonomski kod je iznosio samo 65.000 Konvertibilnih maraka. Dakle, tu smo utrostručili, utrostručili sredstva.

Zatim, obavezno zdravstveno osiguranje lica u stanju socijalne pomoći, trenutno je tu oko 400 naših građana, ali iz godine u godinu imamo trend rasta, tako da smo i u 2023. godini planirali uvećana sredstva, a opet u dogovoru s vama i hvala vam na tome što nas i vi nekada napomenete, pokažete i pomognete da bude, bude što kvalitetniji budžet.

Takođe, evo ovdje i Merhamet Narodna kuhinja za koje je planirano 260.000 Konvertibilnih maraka u 2023. godini, što opet pokazuje naše opredjeljenje da pomognemo svima onima kojima je ta pomoć potrebna, a svi znamo da je broj korisnika ove kuhinje opet se stalno povećava, pa možda evo i u toku 2020. godine, zajedno da analiziramo, pa ako bude potrebe da se ovdje dodatno povećaju sredstva, ja sam siguran da ćete svi, ovaj, prihvatit, prihvatit jednu takvu, ovaj, prijedlog rebalansa ili neke, neke preraspodjele.

Nagrade studentima, učenicima i sportistima za natprosječne rezultate iznose 70.000 Konvertibilnih maraka. Veoma, veoma značajna stavka, obzirom da motivišemo sve one koji imaju ideje, koji žele da se nečim istaknu, da uče, da rade, da budu još bolji, ovaj, mi ih podržavamo kroz ovaj projekat. Nedavno sam bio u organizaciji Kameleona, Hakaton koji je bio organizovan, čini mi se četrnaesti i petnaesti, ili trineasti i četrnaesti, dva dana, ovaj, gdje je bilo dvadeset ekipa po četiri člana mladih, koji su radili. Ja ću to nazvat brainstorming, ovaj, za Kampus. Izvanredne, izvanredne ideje. Ja sam ih primio i razgovarali smo, ovaj, imamo izvanrednu omladinu. Imamo izvanrednu budućnost. I mislim da na ovakav način trebamo da im damo potporu da ih podržimo i da ih još više motivišemo.

Još ću kratko. Izdvajanje za sport i manifestacije iz oblasti sporta. Opet, iako nismo izvorno nadležni za sport. Opet mladi, dakle, 530.000 Konvertibilnih maraka je planirano u Budžetu za 2023. godinu. Dakle, želimo da podržimo i zdravlje mladih i bolji i kvalitetniji razvoj, psihološki, fizički. Stručnjaci u ovoj oblasti, doktori, to ćete vi bolje znat, jer to nije moj, ovaj, fah, al sam siguran da je ovo jedan kvalitetan pokazatelj da mi mislimo na naše mlade, mislimo na njihovu budućnost. I opet kažem, iako nismo nadležni, želimo svi zajedno da ih podržimo, da im napravimo, da im...ovaj grad i ova država budu još bolja.

Još dvije tri stvari. To je obdanište. Želim da vas informišem da i kroz Budžet smo povećali sredstva za rad obdaništa, obzirom da svi znamo evo kakva je globalna i generalna slika. Da im pomognemo na veći i još bolji način, a u toku iduće godine ćemo razgovarati o još nekim drugim vidovima podrške obdaništima, što smo opet razgovarali, u vidu, ovaj, javne rasprave. I ovdje smo planirali 2.100.000 Konvertibilnih maraka, ali evo da vas obavijestim da bi u aprilu ako javne nabavke budu bez problema provedene, da ne bude žalbi, pa da se moraju

odužiti, nabavka opreme didačkog materijala i drugog materijala. Obdanište u Solini bi trebalo da počne sa radom nekada u aprilu. Tako da ćemo evo imati još povećane kapacitete i za one koji eventualno čekaju na nekim listama, da ne čekaju više, nego, evo, povećat ćemo kapacitete.

Drugi. Što se tiče ovih obdaništa. Aktivnost jeste da je u toku javni poziv za odabir izvođača za unutrašnje uređenje obdaništa u Slavinovićima. Obzirom da nam je jedan prvi tender pao, jer je bila ponuda daleko veća od procjene, nismo mogli da je prihvatimo. Sada smo bili primorani da raspišemo drugi javni poziv i nadam se da u toku iduće godine ćemo okončati i te radove i obezbijediti taj objekat, dakle, za svu onu djecu koja gravitiraju lokaciji, dakle, Slavinovića, da obezbijedimo dodatne kapacitete za obdanište, a što je ujedno i razvoj. Vidite, kada roditelji nemaju gdje da ostave svoju djecu, a kada im mi to obezbijedimo, onda će oni biti brižniji na poslu, fokusiraniji na poslu i u radu i u svom životu. Dakle, radimo jednu dobru društvenu korist.

I treće. U Simin Hanu obdanište, zašta ste vi već donijele odluke. Tu smo obezbijedili određena sredstva i tu će se početi realizovati aktivnosti u toku iduće godine za izradu projektne dokumentacije i svih onih drugih aktivnosti, kako bi i tu lokaciju za djecu koja gravitiraju u Simin Hanu, da bi im obezbijedili još bolje i kvalitetnije uslove za taj, za taj dio.

Iz budžeta kao što je to Suada već rekla, planirana je dodatna podrška i Centru za socijalni rad, Centru za kulturu. Evo obdanište smo već spomenuli. Takođe i apotekama i drugim ustanovama za koje sam ja siguran da vi svi podržavate i želite da oni budu što bolji, jer su oni javni i oni pružaju javnu uslugu svim našim građanima. Mi trebamo konstantno da insistiramo da ta njihova usluga bude što kvalitetnija i da bude fokusirana na građane i na njihove potrebe.

Evo ja bi ovoliko, ovaj, u najkraćem, što se tiče budžeta. Naravno, o budžetu se može dosta, dosta šire pričati, jer je to veoma značajan, veoma značajan dokument.

I želio bih još da kažem da oni projekti i oni prijedlozi koji nisu bili moguće da se obuhvate ovim budžetom za 2023. godinu, u obliku prijedloga, dakle, spremni smo na razgovaranje, da vidimo sve ono što je kvalitetno, da prihvatimo, kao što smo pričali i razgovarali, da u toku dvadeset treće godine, kroz rebalans, kroz neku preraspodjelu, prihvatimo sve dobre prijedloge, a sve u interesu naših sugrađanki i sugrađana, privrednih subjekata, poduzetnika, nevladinih organizacija, da napravimo takav ambijent, koji pogoduje i životu građana, koji pogoduje razvoju poslovnih i privrednih djelatnosti i, dakle, koji u konačnici pogoduje ekonomskom, društvenom, kulturnom, sportskom i svakom drugom razvoju našega grada. Hvala vam lijepo.

## **NATAŠA PERIĆ**

U redu. Hvala vama. Da li ima potrebe da se pročitaju izvještaji komisija?

Otvaram raspravu klubova vijećnika. Vijećnik Anel Ibeljić, predsjednik Kluba SDP-a. Izvolite.

## **ANEL IBLJELIĆ – vijećnik Socijaldemokratske partije**

E, hvala vam predsjedavajuća. Prije svega, želio bih sve da vas srdačno pozdravim, da vam pošelim sreću u današnjem radu, te nadam se da ćemo dana biti konstruktivni u svojim diskusijama.

Pozdravljam i pohvaljujem službu koja je izradila ovaj prijedlog budžeta, jer svi znamo koliko je to težak posao, a imajući u vidu i činjenicu da treba uravnotežiti i prihodovnu i rashodovnu stranu (ELVIR BIJEDIĆ – Izvinjavam se. Molim vas za malo tišine. Hvala). Dakle, smatram da je budžet izuzetno kvalitetno odrađen, uravnotežen je i sve čestitke nadležnim službama na čelu sa gradonačelnikom Zijadom Lugavićem.

Iz Prijedloga budžeta jasno proizlazi da Grad Tuzla nastavlja sa realizacijom ciljeva utvrđenih u dugoročnoj strategiji razvoja do 2026. godine.

Ono što možemo s ponosom reći za ovaj budžet jeste da će Grad Tuzla dobiti budžet za građane. Vidljivo je da su svi, gotovo svi zahtjevi, kako građana, a isto tako i nas vijećnika uvaženi i usvojeni, te usvajanjem ovog budžeta, mi dobijamo jako kvalitetan temelj za sljedeću godinu.

Moram isto tako naglasiti da ukoliko danas usvojimo ovaj budžet, dobićemo budžet koji ima i razvojni i kapitalni i socijalni karakter, a sve s ciljem da poboljšamo kvalitet života naših sugrađana.

Na razvojnu i kapitalnu komponentu budžeta otpada skoro polovina istog, negdje oko 44% i to iznos oko 32.000.000 Konvertibilnih maraka. Tako su predviđena velika novčana sredstva za rješavanje problema u cestovnoj infrastrukturi, zatim, poboljšanje opremljenosti postojećih komunalnih objekata, širenje i rekonstrukcija vodovodne, kanalizacione i toplovodne mreže, izgradnja, rekonstrukcija i održavanje javne rasvjete, ulaganje u tekuće održavanje komunalne infrastrukture, izrada prostorne dokumentacije i mnogi drugi projekti.

Za projekte energetske efikasnosti predviđena su sredstva za oko 1,3 miliona KM, a za toplifikaciju sredstvo u iznosu od preko milion KM, a dok su ukupna sredstva za Službu za komunalne poslove predviđena u iznosu od oko 24.000.000, što je jako pozamašna cifra (NATAŠA PERIĆ – Ja se izvinjavam Anele. Molim vijećnike da uđu u salu. Ipak razgovaramo o budžetu. Malo ozbiljnosti. Molim vas. Na ivici smo kvoruma. Izvolite Anele. Izvinite). Hvala.

Tokom cijelog našeg mandata, jedno od pitanja koje se najčešće prožimalo kroz sve naše sjednice i diskusije jeste rješavanje problema u vezi gradskog i prigradskog prevoza. U rješavanje ovog problema smo se svi uključili, pa su tako proistekli brojni zaključci Gradskog vijeća koji su jednoglasno usvojeni. Mnogi od nas su na različite načine pozivali, apelovali da se iznađe odgovarajuće rješenje za ovaj problem. Pa tako u ovim kriznim, izuzetno teškim vremenima za život običnog čovjeka, a posebno imajući u vidu da imamo manji budžet u odnosu na prošlu godinu, ne mogu a da ne pohvalim gradonačelnika i druga Ziju Lugavića, koji se odmah po preuzimanju dužnosti gradonačelnika uhvatio u koštac sa ovim problemom. Očito uvažio sve ono o čemu smo mi diskutovali i razgovarali. I uspio je da pronade sredstva za pomoć našim najugroženijim građanima kroz novčane naknade u iznosu od 100 KM, za plaćanje dijela troškova gradskog i prigradskog prevoza na području grada i to za redovne učenike srednjih škola, redovne studente, penzionere i korisnike stalne novčane pomoći, čime je učinjen prvi, ali važan korak ka rješavanju ovog problema. Ovo ćetakođe biti i predmet rasprave na današnjoj sjednici u okviru tačke koja se odnosi na donošenje novog pravilnika, a kojim se uvode i nove kategorije koje će koristiti socijalne pomoći, što je svakako jako pohvalno.

Mnogo me raduje i činjenica što je gradonačelnik uvažio gotovo sve prijedloge koje sam ispred Kluba Socijaldemokratske partije iznio tokom diskusije o Nacrtu budžeta. Cijeli dosadašnji mandat sam posvetio unapređenju onih stvari koje će poboljšati kvalitet života naših sugrađana, sa posebnim akcentom, na mlade i to kroz njihovo školovanje i osposobljavanje, zapošljavanje i stambeno zbrinjavanje. Pa tako imamo i povećanje izdvajanje sredstava za subvencioniranje kamate za stambeno zbrinjavanje mladih za dodatnih 20.000 Konvertibilnih maraka, grant za aktivnu politiku zapošljavanje povećano za 10.000 Konvertibilnih maraka, te je meni jako bitno, kao doskorašnjem redovnom studentu, nagrade, studentima, učenicima i sportistima za natprosječan uspjeh su povećane za dodatnih 10.000 Konvertibilnih maraka.

Takođe iz razgovora sa nadležnim osobama došao sam do saznanja da nema potrebe da se u ovom budžetu obezbjeđuju sredstva za realizaciju jedne od mojih inicijativa od prošle godine za izgradnju adrenalijskog parka, odnosno da su sredstva za izgradnju već obezbijedena, te da ćemo na Ilinčici u narednom periodu dobiti jednu takvu atrakciju koja će da uključuje

adrenalijske sadržaje u vidu Zipline-a i stijene za penjanje i koristim ovu priliku da pohvalim sve one koji su doprinijeli realizaciji ovog projekta.

Uvažavajući činjenicu da se prilikom raspoređivanja sredstava moralo voditi računa da se obezbijedi minimum funkcionisanja svih oblasti, naravno, sve radi očuvanja stabilnosti budžeta. Vrijedna isticanja su po mom mišljenju izdvajanja za sport i sportske klubove, a koja sredstva su ostala na prošlo godišnjem nivou, uprkos činjenici što su prihodi Grada značajno manji.

Smatram da je od izuzetne važnosti da je Grad Tuzla prepoznao potrebu za omasovljenje sporta kroz nesebičnu podršku gotovo svim sportskim kolektivima koji egzistiraju na području grada.

Takođe ne mogu, a da ne istaknem da Grad Tuzla izdvaja više od svih drugih gradova u Bosni i Hercegovini za sport i sportske klubove, finansirajući trenažni proces za oko 30 sportskih klubova, a ukupna sredstva za aktivnosti sporta predviđena su u iznosu od oko 1,9 miliona Konvertibilnih maraka.

Evidentno je da je Grad Tuzla vrlo aktivan kada je u pitanju demografska politika, ali i ozbiljnog shvatanja i provođenja strategije za mlade, koja je usvojena za period 2017.-2026. godina, pa tako su prijedlogom budžeta predviđena značajna sredstva za finansiranje lica na stručnom osposobljavanju bez zasnivanja radnog odnosa, kao i grantovi za projekte za mlade.

Važnost razvoja obrazovanja, kulture i umjetnosti prepoznao je Grad Tuzla.

U budžetu Grada povećana su sredstva za rad Narodnog pozorišta Tuzla na iznos od ukupno 590.000 KM, Narodne Univerzitetske biblioteke „Derviš Sušić“ Tuzla na iznos od 245.000 KM. Za grantove organizacijama iz oblasti kulture predviđena su sredstva u iznosu od 335.000 KM, kao i značajna sredstva za organizovanje manifestacija od posebnog značaja za grad, kao i za realizovanje manifestacije književni susreti „Cum grano salis“.

Veoma mi je drago i pozdravljam izdvajanje dodatnih sredstava za rad Javne ustanove „Naše dijete“ kojom smo kroz ovaj budžet omogućili širenje njihovih kapaciteta kroz kapitalni grant u iznosu od 119.000 KM i nabavku zgrade u iznosu od 207.000 KM.

Ono što me posebno raduje jeste aktivna politika brige za osobe treće životne dobi, koja se provodi unazad nekoliko godina na područje grada. Ne mogu, a da ne spomenem da je grad Tuzla prvi grad u Bosni i Hercegovini, koji je razvio lokalnu strategiju za osobe treće životne dobi, sa vizijom da do 2026. godine, Tuzla bude prepoznata kao prvi bosanskohercegovački grad sa prijateljskim ambijentom za dostojanstveno starenje i mogućnošću cjeloživotnog napretka i društvenog učešća za sve generacije. Trenutna procjena da u Tuzli živi preko 20.000 stanovnika starih od 65 godina života, pri čemu treba uzeti u obzir trend porasta broja starijih osoba, usred trenda starenja stanovništva na nivou Bosne i Hercegovine, uvažavajući i poštujući pravo osoba treće životne dobi na kvalitetan život, kao jedno od osnovnih ljudskih prava. Gradsko vijeće Tuzla je ranije usvojilo strategiju za osobe treće životne dobi grada Tuzle 2020. – 2026. godina, sa akcionim planom za period od dvadesete do dvadeset treće, a koja je strategija razvijena u skladu sa deset prioriteta dekade za zdravo starenje Svjetske zdravstvene organizacije (NATAŠA PERIĆ – Privodite kraju. Molim vas. Minuta još).

Aktivno provođenje strategije imamo trenutno na djelu. Naime, Grad Tuzla je tokom ove godine u saradnji sa Domom penzionera Tuzla otvorio Centar za demenciju, te znatno poboljšao energetska efikasnost Doma penzionera Tuzla. Dalja briga treće životne dobi se nastavlja kroz finansiranje Udruženje penzionera grada Tuzla, te mnogobrojnim vidovima pomoći iz budžeta. Sve ovo je vidljiva socijalna osjetljivost i briga o našim sugrađanima koji su u trećoj životnoj dobi, a u cilju zaštite njihovog mentalnog zdravlja, kao unapređenja kvaliteta njihovih života, kao preduslova zdravog i aktivnog starenja.

Ovdje svakako treba spomenuti i sredstva namjenjena za pružanje pomoći socijalno ugroženim osobama, što se vrši putem dodjele jednokratne pomoći građanima koji se nalaze u teškoj socijalnoj situaciji, dodjele jednokratne novčane pomoći korisnicima boračko –

invalidske zaštite, te brojnim drugim načinima podrške iz budžeta. Značajna pomoć ovim osobama se pruža indirektno putem finansiranja aktivnosti Narodne kuhinje „Imaret“, Crvenog križa Tuzla i Udruženja iz oblasti boračko – invalidske zaštite.

Tokom pripreme za današnji budžet upoređujući ovaj prijedlog sa ranijim nekim prijedlozima, zapazio sam i s ponosom mogu reći da smo u ovom mandatu pokazali empatiju i po ko zna koji put dokazali da smo socijalno osjetljiva partija koja na sve načine pokušava da pomogne najugroženijim kategorijama stanovništva, odnosno onima koji su u stanju socijalne potrebe.

Naime, izdvajanje za socijalnu i zdravstvenu zaštitu na nivou Službe za kulturu, sport, mlade i socijalnu zaštitu, prije tri godine je iznosila oko 700.000 Konvertibilnih maraka, a danas su ona preko 1,4 miliona Konvertibilnih maraka.

Na nivou grada, prije tri godine za ovu namjenu bila su predviđena sredstva u iznosu od oko 3,7 miliona KM, a danas su preko 5,7 miliona KM.

Ono na čemu ću u svome radu dalje insistirati su upravo ovakva i slična pitanja, odnosno pomaganje osobama kojima je naša pomoć najpotrebnija. Nastaviću diskusiju u sljedećem krugu.

## **NATAŠA PERIĆ**

Može u drugom krugu. Može. (vijećnik Omer Berbić govori bez uključenog mikrofona op.a). Nije tačno. Nije tačno. Sljedeći za riječ se javio vijećnik, njega sam prekinula bila pa zato, a i vama uvijek dam minutu, uvijek vam dam minutu dvije više. Vijećnik Ćerim Rastoder ispred Kluba zaje... Zajedničkog kluba, pardon Kluba samostalnih vijećnika. Neka se pripremi vijećnik Nedžad Jusić.

## **ĆERIM RASTODER – samostalni vijećnik**

Zahvaljujem predsjedavajuća. Pozdravljam sve prisutne kolegice i kolege, kao i ostale goste koji se trenutno nalaze u sali. Nastojaću da ovih desetak minuta kažem neki naš sažetak našeg kluba vezano za Budžet.

Osnovna stvar što treba istaći jeste da je vrlo važno da ovaj najvažniji dokument donosimo na vrijeme.

Drugo što je bitno istaći jeste da su donošenjem ovog budžeta ispoštovane sve zakonske procedure.

A treće što je takođe važno istaći i što je zaista pozitivno jeste činjenica da je dosta prijedloga, sugestija koje su proistekle iz javnih rasprava i nas vijećnika, klubova vijećnika, na neki način uvrštene u skladu sa mogućnostima, što je jako pozitivna i dobra stvar, a većina tih prijedloga se odnosila na zahtjev i pomoć građanima, tako sa nekom dozom sigurnošću možemo reći da, ovaj, Budžet može slobodno nositi naslov „Budžet građana Tuzle“.

Mi smo kao Klub bili na konsultacije kod gradonačelnika i kod šefova službe koji su nadležni za donošenje budžeta. Istakli smo nekoliko zahtjeva građana i naših prijedloga i oni su obuhvaćeni u potpunosti.

Ono o čemu smo mi posebno obratili pažnju jeste na proširenje, davanje, odnosno pomoći socijalno ugroženim i taj naš prijedlog je obuhvaćen i on će biti danas, onaj, ako usvojimo Budžet, naravno i ovaj Pravilnik u potpunosti implementiran i to nam je jako drago za ta sredstva, odnosno za taj prijedlog o kojim smo mi, ovaj, dogovarali, povećana sredstva negdje oko 700.000 Konvertibilnih maraka. To se radi znači o prevozu boraca djece, penzionera, djece i tako dalje.

Sasvim je normalno, evo ja ne bi puno i gradonačelnik je rekao i Anel i šefica Službe Isaković, oko ovih cifara, ali ono što je vrlo važno istaći, kad pogledamo, znači, cjelokupan



Budžet jeste da je i ove godine socijalnih davanja da je najveći dio sredstava kao i ranije negdje kolko rekostmo 44; 45% je planiran za komunalne djelatnosti. Samim tim, znači, Budžet dobija ovu komponentu i kapitalnog i investicijskog i razvojnog segmenta i to je ono što je važno. Mi smo tražili i to je prošlo, jeste da je minimalno, ali smo zadovoljni i nadamo se da će možda rebalansom se povećat, da se malo sredstava poveća ovoj boračkoj populaciji, Službi za boračko -invalidsku zaštitu. Ja sam, na primjer, onaj, prošle godine, ne mogu reć igrom slučaja, nego u više navrata obilazio ova boračka udruženja i upoznavao ih sa nekim problemima i jako mi je drago da su na jedan efikasan, vidio sam da rade na jedan efikasan način, da imaju baze podataka i ratni vojni invalidi i demobilisani i da veoma brzo i jednostavno, onaj, licima koja, koja su u potrebi, priskaču u pomoć, znači, nema tu odugovlačenja. Tako da hoću da pohvalim ta naša boračka udruženja. A vidjeli smo tokom prošle godine da većina tih naših boračkih udruženja, predsjednika da su po cijeloj godini visjeli na nekim kućama, rade, popravljaju krovove, kuće, pomažu najugroženijim. I to je ono što je jako važno i bitno i trebamo, znači, tim boračkim populacijama dati i dalje određena sredstva i povećavati kada god to budemo mogli.

Tražili smo takođe i dobili smo isto određena povećanja da se određena sredstva povećaju za Crveni križ i s tim smo zadovoljni, znači, koji obim rada ima Crveni križ.

Ono što mi je posebno drago, a ja sam to lično prošle godine tražio rebalansom i povećano i ove godine su izdvojena sredstva za Merhamet. Čuli smo od gradonačelnika da se ne ponavljam koje su to kategorije i koji su onaj, pogledi vezano za projekcije vezano za budućnost.

Vrlo je važno istaći da mi ovim budžetom imamo veliki broj radova. Evo ja sam samo, ja ću konkretno samo ovdje istaći znači, mi imamo planirano negdje oko 30 pravaca što sanacija, što rekonstrukcija puteva. Nije to malo za jednu godinu. Naravno, onaj, meni kao vijećniku koji živim u Solani najviše odgovara, odnosno, najviše mi je drago, najviše sam zainteresovan za ovaj putni pravac dole prema otpadu, gdje ima, prema deponiji, gdje ima dosta problema, ali pored njega znači imamo i ovih 30 drugih. To je vrlo važno i bitno.

Ono što mi je drago da smo mi na prošlom mjesecu povećanjem one osnovice na neki način izašli u susret i svim korisnicima gradskog budžeta za ovu godinu imajući u obzir kakva je teška situacija, finansijska inflacija i tako dalje.

A ono što bih htio istaći jeste da ćemo mi morati kao Gradsko vijeće bez obzira, onaj, na situaciju na neki način uhvatit se u koštac, će donosit neke teške odluke, u smislu pomoći našim javnim i komunalnim preduzećima koji petnaestak dvadeset godina ne povećaju cijene naplata. Znamo u kakvoj se situaciji nalazi. Moraćemo vidjeti kako i na koji način pomoć na primjer Vodovodu i kanalizaciji, Komunalnom preduzeću, koji vrši odvoz smeća i tako dalje i tako dalje. Znači, to je ono da mi kao grad trebamo zaista dati neki naš doprinos.

Takođe, evo da ne bi sad ponavljlo, imo sam napisano, al neću s obzirom da je rečeno, jako mi je drago da smo proširili ova sredstva i na mlade, da se daje i dalje sportistima, da ćemo ovom odlukom koju je gradonačelnik pripremio, koju ćemo danas usvojiti, od oslobađaja taksi na neki način pomoć našim građanima i sve to nas dovodi do jednog zaključka da je ovaj Budžet zaista evo još jednom potenciram, još jednom govorim, da je on prilagođen svim građanima i posebno je važno da je proširen obim građana koji će imati određene subvencije, određenu dobit iz Grada. Znamo da budžet Grada pune svi građani. Na ovaj način, mi ove godine, a nadam se sljedeće godine uvodimo još neke nove ljude, neke nove osobe kojima je potrebno pomoći, koji...pomoć iz Grada iz budžeta Grada Tuzle.

Imo sam još nekoliko stvari, al evo ne bih s obzirom da je gradonačelnik neke stvari i Anel koje sam ja planiro već da su istakli. Tolko. Hvala. I naravno mi ćemo podržat ovaj budžet.

## **NATAŠA PERIĆ**

U redu. Hvala. Vijećnik Nedžad Jusić, predsjednik Kluba nacionalnih manjina. Neka se pripremi vijećnik Omer Berbić.

### **NEDŽAD JUSIĆ – nezavisni vijećnik iz reda nacionalnih manjina**

Hvala. Poštovana predsjedavajuća, zamjenici predsjedavajuće, sekretaru, kolege, kolegice, vijećnici i vijećnice, gradonačelnice, predstavnici službi i drugi, želim da vas srdačno pozdravim.

Između ostalog, evo imamo tačku Dnevnog reda gdje razmatramo kao što kolega reče jedan od najvažnijih dokumenata Grada Tuzle, a to je Budžet Grada Tuzle za period 01.01. – 31.12.2023. godine. Normalno, svjesni smo toga, ukoliko se i stvore određene potrebe u toku 2023. godine, a imamo sredstava da možemo izvršiti i rebalans budžeta, odnosno preraspodjelu pomenutih sredstava, ali stanje je sada takvo kakvo i jeste.

Kolege su rekly da vezano za ovaj Budžet je dosta socijalni i to je tačno i mislim da smo svi za to da trebamo svi podržati, ovaj, najviše one njugroženije i između ostalog kroz ovaj Budžet mnoge kategorije su obuhvaćene i siguran sam u tome da će građani grada Tuzle u 2023. godini ostvariti pomenuto pravo, odnosno prava, a pogotovo, evo sad se šire određena socijalna prava, ovaj, u Gradu Tuzla za određene kategorije, tako da će građani, ja se nadam biti zadovoljni sa izmjenom Pravilnika o, o pomoći, o socijalno pomoći, kao i o pomenutom Budžetu.

Naime, ja bi se samo malo osvrnuo vezano na određene stavke u pomenutom Budžetu, odnosno vezano za Službu za kulturu, sport, mlade i socijalnu zaštitu. Al prije toga prije nego što krenem u diskusiju vezano za pojedine budžetske stavke, želim da naglasim da je dobro na kraj krajeva što imamo negdje oko tridesetjedan, tridesetjedan i po milion za komunalnu infrastrukturu, od toga sedamnest koma devet, blizu osamnest miliona (NATAŠA PERIĆ – Molim samo malo tišine), blizu oko osamnest miliona maraka za novu izgradnju komunalne infrastrukture, odnosno oko trinest miliona maraka za sanaciju postojeće komunalne infrastrukture.

I evo ja sam siguran u tome, a ovaj, iako ću podnijeti danas inicijativu, ovaj, da će se od ovih trinest miliona maraka sanirati ulica Zlatana Mešića, od mezarja Kalebići do broja 100, jer evo već i drugu godinu govorim, jer stvarno neophodno je da se ta ulica sanira, jer prije 40 godina je urađena i sigura...al nisu neka velika finansijska sredstva i siguran da će se nać finansijska sredstva od ovih trinest miliona maraka da se sanira pomenuta ulica.

Nadalje želim reći da u razgovoru i priči sa drugim nacionalnim manjinama i potrebama jep okrenuta inicijativa da se povećaju finansijska sredstva za očuvanje kulturnog identiteta drugih nacionalnih manjina u gradu Tuzla i za njihove potrebe i dobro je da je u ovom budžetu povećana finansijska sredstva na iznos od 27.000 maraka, tako da će druge nacionalne manjine, osima Roma, imati povećana finansijska sredstva, kako bi ostvarivali svoje ciljeve i planove u skladu sa svojim aktivnostima u udruženju.

S druge strane, možda će sad ovo nešto zvućiti, ovaj, drugaćije od drugih. Sredstva za Rome su se smanjila. I to je dobro. Sad će se mnogi upitat zašto je to dobro? Pa smanjile su se potrebe. Smanjile su se potrebe. I ja težim ka tome. Ja težim ka tome za ovaj period dok se ja bavim politikom, dok sam u Gradskom vijeću, a nadam se da ću biti i naredna dva tri mandata još, ovaj, ja se nadam, ovaj, da će, dok se bavim politikom, doći do toga da ovu stavku potpuno izbrišemo, jer će se stvoriti mogućnost, stvorit će se prilike da svi građani u gradu Tuzla imaju ista prava, iste obaveze i iste potrebe. I dobro je na kraj krajeva, a ovaj što se ova sredstva smanjivaju, ali s druge strane, ukoliko se u međuvremenu pojave određene specifićne potrebe. Ja sam siguran u tome da ćemo mi prilikom rebalansa budžeta povećati ta finansijska sredstva

i da se zadovolje ponovo kažem te specifične potrebe. Takođe je vrlo važno na kraj krajeva, ja težim ka tome, a ovaj, da svi građani grada Tuzle, samim tim i romska nacionalna manjina se uklapa u sve druge tokove, tako primjera radi, Romi koriste i druga prava iz ovog budžeta, kao jednokratne novčane pomoći i zdravstveno osiguranje.

Evo, ja se nadam ponovo da ćemo i kroz komunalnu infrastrukturu, da će se riješiti i ti problemi i jednostavno siguran sam u tome, ponovo kažem, da svi građani u gradu Tuzla jesu ravnopravni, ali imaju posebne specifične potrebe i trebamo ići u tom pravcu i na kraj krajeva, ovaj, u nekom narednom periodu da rješavamo probleme, stvarne probleme, građana u gradu Tuzla.

Ja, kao pripadnik nacionalnih manjina, kao vijećnik u Gradskom vijeću Tuzla, ću podržati ovaj budžet. Ponovo kažem, iz razloga jer se i finansijska sredstva povećala za druge nacionalne manjine. S druge strane, siguran sam u tome da ćemo u narednom periodu kroz finansijska sredstva koja se odvajaju za komunalnu infrastrukturu, ovaj, sanirati, rekonstruisati određeni dijelovi puta tamo gdje živi veći broj nacionalnih manjina, kao i drugi građani i samim tim ćemo učiniti dobrobit za građane grada Tuzle. Hvala.

## **NATAŠA PERIĆ**

Hvala vijećniku Jusiću. Sljedeći za riječ se javio vijećnik Omer Berbić ispred Zajedničkog kluba Naša stranka, Stranka za Bosnu i Hercegovinu. Neka se pripremi vijećnik Mirel Mišković. Izvolite.

## **OMER BERBIĆ – vijećnik Naše stranke**

Hvala ljepo. Pa evo pustit ćete me prije izlaganja samo da čestitam, ovaj, prestojeće praznike, svima koji slave, naravno i želim vam puno sreće, puno sreće i veselja.

Evo na prvi pogled kada sam gledao ovaj Budžet nije bilo puno, odnosno nije bilo drastične razlike u odnosu na budžete koji su bili prije.

Samo ovdje ima jedna zaista drastična razlika, što ja vidim na neki način želju, htjenje gradonačelnika da se ovaj grad pomakne s mrtve tačke i kao što je on rekao da napravimo jedan ambijent u kojem će biti kulturnog, sportskog, ekonomskog razvoja. I to mi je drago da čujem, pošto do sada se uvijek pričalo o nekom turističkom razvoju, što je, hajd, fama jedna koja se ovdje puno spominjala, koja nema uporište u realnosti. I to je činjenica. Činjenica da mi bez ekonomije, bez industrijskih zona, bez novih zapošljavanja nećemo imati ni kulturu, ni sport. Sloboda će se boriti tamo za ostanak u ligi. Rukomet li la. Košarka nikada neće doći do liga. Ali uz jedan jak razvoj ekonomije, uz ono što se recimo dešava u Živinicama, gdje sada najavljuju dobijanje deset proizvodnih hala. Kada bi mi takav jedan model i bolji naravno, bolje, bolji model ovdje implementirali, zaista mislim da bi Tuzla dobila novi segment života i da bi se Tuzla vratila na stare one slave industrijskog grada.

I, zašto ovo govorim? Pa evo ja sam temeljno proučio Budžet. I nekako na prvu sam odlučio da dam povjerenje novom VD gradonačelniku. I nadam se da on i službe naravno neće iznevjeriti naše povjerenje kao Naše stranke, kao što je to uradio prošli gradonačelnik Jasmin Imamović, kada je javno pred dvadeset ljudi u Pozorištu obećao da će se završiti jedan, od jedan, jedan od amandmana koji smo mi davali. A to je bio amandman da se izgradi javni wc na Trgu soli, tamo gdje izlaze mladi i gdje, ovaj, gdje zaista ima potreba da ljudi tamo uriniraju na obližnje fakultete na, na ustanove, kulture i tako dalje. Javno je to obećao i nije ispunio. Rekao je da se pare za to mogu naći u jednom od stavki budžeta.

Sada imam obećanja da će se sve one dobre inicijative, svi oni dobri amandmani koji sam ja ispred Naše stranke priložio da će biti usvojeni.

I ovom prilikom evo kažem opet javno. Želim zaista da vjerujem novom VD gradonačelniku ukoliko ostane na toj funkciji. Ukoliko ne. Halalosum. Ukoliko ostane na toj funkciji da će se ove stvari, da će se ove stvari promijeniti.

Međutim, ima ovdje nekih stvari koje mene zaista zanimaju, ali ima i nekih stvari na koje sam ponosan. Pa ću evo ja prvo, ovaj, reći neke stvari na koje sam ponosan i neke stvari za koje mislim da će nam poboljšati grad.

Recimo činjenica da je projekat LED rasvjete trebao da počne prije deset godina kada je gradonačelnik Imamović to i najavljavao, pa nije počeo evo do sada, ovaj, ima indicija u ovom budžetu da će početi zamjena obične rasvjete LED rasvjetom, što će donijeti do ozbiljne uštede, ali što pokazuje da će se možda grad Tuzla napokon okrenuti ka nekom digitalnom razvoju, ka nekoj, nekom pametnijem ulaganju, a ne da opet ulažemo u neke manifestacije koje nemaju nikakav odjek u javnosti, kao što je recimo bio „Cum grano salis“. Iz tog, iz tog vidim da, da će Saobraćaj i komunikacije preko 200.000 maraka uložiti u LED rasvjetu. I zato predlažem zaključak da ukoliko Saobraćaj i komunikacije završe sve nabavke LED rasvjete i ugradnje, da se na rebalansu daju veća sredstva kako bi se ovaj projekat ubrzao i kako bi se kroz nekih pet godina došlo do tolike uštede u budžetu da možemo pogurati i druge projekte koji bi bili jako zanimljivi i jako bitni.

Dalje. Primjetio sam da je VD gradonačelnik da je sebi smanjio tekuću rezervu. To je za svaku pohvalu, s obzirom da je tekuća rezerva nešto što je, kako bih rekao njemu, direktno može trošiti bez nadzora Vijeća i smanjivanje tekuće rezerve, tu se pokazuje jedna fina inicijativa da se pare ne dijele bez Vijeća, odnosno građana i njihovih, njihovih glasova.

E sada. Ima par stvari koje me zanimaju. Prije svega 400.000 maraka za Mjesnu zajednicu Sjenjak. 400.000 maraka mislim da je to prostor nekih 130; 150 kvadrata po ovim cijenama, možda i veći. Zanima me ko je došao do ove cifre i kako se došlo do cifre od 400.000 maraka i zbog čega će mjesnoj zajednici prostor od 130; 150 kvadrata?

Dalje. Kaže se tamo da se utrošilo 200.000 maraka na sanaciju Korza. Ja ne znam dal ste vi prolazili Korzom prije šest mjeseci i danas? Ali apsolutno tu ništa nije završeno. Samo su pročišćeni odvodi. Ja nisam vidio nikakvu, ama baš nikakvu razliku u sanaciji samog Korza.

Ono što me najviše zabrinjava u ovom budžetu je da se planira upošljavanje 23 nova čovjeka, odnosno žene. Ovo 23 ljudi može dati indikacije da se radi o nekim promjenama u samim službama, ali također može biti indicija da se ovdje radi jedno predizborno zapošljavanje u januaru i februaru. Jabi volio evo da možda i službe odgovre zbog čega će 23 nova čovjeka biti zaposlena u Grad Tuzla, kada znamo da Grad Tuzla ima 40% više zaposlenih od odsjeka, a koji ima otprilike približno stanovništvo.

Idemo dalje. Vidjeli smo tamo neke planirane projekte cestovne infrastrukture. Ja znam kada smo tražili bilo koji projekat cestovne infrastrukture, da se tražilo učešće građana od 20%. U ovim projektima za cestovnu infrastrukturu zanima me koliko projekata je uplatilo 20% unaprijed, a koliko se samo proizvoljno onako po osnovu nekog izbornog rezultata ili druge formule radi bez da ima uplaćenih 20% para ili 10% para u budžet, što je ja mislim jednim zaključkom definisano da tako cestovna infrastruktura, infrastruktura radi.

Ono što je zaista za pohvalu da evo sada imamo jednog VD gradonačelnika koji nije unaprijed odbio sve amandmane, koji je rekao da će sagledati amandmane koje smo mi predložili i za ovo i za Nacrt budžeta i da će dobri amandmani, po, naravno, njegovom mišljenju i mišljenju njegovih stručnih službi i ovog Vijeća biti usvojeni, pa dolazili oni iz opozicije ili, ili iz vlasti.

I ovo je jedna zaista pozitivna promjena u odnosu na Jasmina Imamovića koji tamo izađe kaže: „Glasajte protiv svega, sve obaramo, ne zanima nas“, koji je bio jedan brutalni... (NATAŠA PERIĆ – Nemojte tako da govorite, nije tako govorio). Pustite. Molim vas (NATAŠA PERIĆ – Pa nemojte). Nemojte. Niste vi njegov advokat. (NATAŠA PERIĆ – Nisam njegov advokat. Al nemojte. Nemojte tako da govorite. Nije nikad izašao za govornicom

da tako kaže). Pustite vi. (NATAŠA PERIĆ – Amandmane nije samo oborio...nije prihvatio gradonačelnik, nije ni Vijeće prihvatilo. Prema tome, nemojte molim vas tako da govorite). Jeste završili? (NATAŠA PERIĆ – Pogotovo u odsustvu Jasmina Imamovića). Molim vas, imate, imate, imate po Poslovníku repliku (NATAŠA PERIĆ – Molim vas). Javite se za repliku i kažete mi nemojte prekídat upo (NATAŠA PERIĆ – Nemojte, nemojte molim vas tu govor mržnje da širite cijelo vrijeme. Ja ću vas zamolit). Hm...govor mržnje. Nemojte. Evo tužite me. Al nemojte me prekídat. (NATAŠA PERIĆ – Neću. Nisam ja vi. Hajte). Nemojte. Nemojte me prekídati u mom izlaganju. Ako želite da, da mi odgovorite, imate po Poslovníku repliku i replicirajte. A to što vi gore sjedite, ne daje vama za pravo da me prekídate (NATAŠA PERIĆ – Nemojte tako da razgovarate samnom). Kako vi razgovarate, a imate...(NATAŠA PERIĆ – hajte, molim vas, nastavite. I nemojte da širite govor mržnje). Neću da širim govor mržnje. Ja širim govor istine (NATAŠA PERIĆ – Patologiju negdje drugo liječite). Istina je...Molim vas ovo je, ovo je uvreda. Ovo po Poslovníku je uvreda (NATAŠA PERIĆ – Nastavite). Dobro. Evo drago mi je da ovaj, da ova predsjedavajuća tako misli o opoziciji, da treba da se liječimo. Svaka vam čast (NATAŠA PERIĆ – Ispravka krivog navoda). Ne možete sad imati ispravku krivog navoda (NATAŠA PERIĆ – Ispravka krivog navoda). To nakon, to nakon, ovaj, nakon mog izlaganja. (NATAŠA PERIĆ – Pa naravno). Evo vidíte. Sad ste mi uzeli dvije minute da bi vi neki svoj hir tu dokazali, da ste vi nešto glavni, šef. Žao mi je da predsjedavajuća ovdje glumi, glumi advokata (NATAŠA PERIĆ – Ja ne glumim advokata). I evo želim. Molim vas nemojte mi upadat u riječ. Ima li iko da prekíne ovo? Ako ste predsjedavajuća ne mora značit da možete upadat u riječ. (NATAŠA PERIĆ – Ima pet minuta). Hvala ljepo.

U suštini hoću da kažem sljedeće. Nadam se da ovaj Budžet neće biti onaj Budžet kao što je bilo prošli puta kada sam javno slagan par puta i kada su se odbijali svi amandmani zato što su dolazili odavdje. Žao mi je što opet nema amandmana, ovaj, za Zmajevu srce, odnosno kafić u koje, odnosno što nije usvojeno kafić u kojem rade djeca, ovaj, sa poteškoćama u razvoju. Mislim da bi to, da je to bio jedan amandman koji smo u Nacrtu predložili, a koji bi zaista dobro odjeknuo, ovaj, i u javnosti, a i bilo bi od velike pomoći, ovaj, koja tamo rade, da ne ostanu bez posla. To je ono što je meni žao.

Žao mi je evo što vidim da se mnogi amandmani koje je gospodin Čavalić ovdje iznjeo, da se nisu usvojili, odnosno možda su se usvojili u nekim stavkama i nadam se da će to biti jedan od, ovaj, projekata razvoja, pa i ono svjetlo na Kapiji koje je on govorio, a koje smo mi zaključkom ovdje defnínisali.

Zanima je jedna stvar. Još od službe i neću više puno pitati. Zaključak koji smo mi prošli puta na Nacrtu budžeta donijeli jeste da se pripreme pare za izbore u mjesnim zajednicama. Šta se dešava s tim i da li su pare u ovom budžetu pripremljene za izbore u mjesnim zajednicama? Da vas podsjetim. Gradsko vijeće je jednoglasno prošli puta donijelo zaključak da se nađu pare za izbor u mjesnim zajednicama 2023. godine. Ukoliko služba to nije stavila u budžet, to znači da se direktno krši zaključak Gradskog vijeća koji je jednoglasno donesen, a koji je bio predložio gospodin Čavalić dok je tu bio. Ja mislim da je to projekat i da mi ne možemo i ne smijemo kršiti statut grada, zato što ovdje neko želi da se krši statut grada. Ako smo donijeli takav zaključak, zanima me da li je taj zaključak stavljen u Budžet, jer ja nisam vidio da on jeste stavljen u Budžet.

I na kraju. Želim da se zahvalim gospodinu Lugaviću, VD gradonačelniku, što je usvojio određene amandmane. To je zaista jedan dobar pomak. Želim da se i zahvalim službama, koje su pripremile ovaj Budžet. Znam da je to puno posla. Da zahvalim drugim službama koje su prihvatile opet neke amandmane. I evo nadam se da će se i neki od ovih amandmana mojih usvojiti. A oni koji se ne usvoje, onda da se ide, ovaj, na njihovo usvajanje na rebalansu budžeta kao što je to ovdje navedeno, jer zaista mislim da ima dobrih i ljepih amandmana koji bi poboljšali, ovaj, život u gradu Tuzla (NATAŠA PERIĆ – U redu. Hvala).

Ne želim da ovo na kraju opet bude „Tresla se gora rodio se miš“, nego zaista želim, ovaj, da se ovakva saradnja nastavi. I ovo je prvi puta od kada sam ja u Vijeću, da ću glasati za Budžet, ovaj, ali ukoliko se stvari ove koje smo dobili informa...da će se usvojiti, ukoliko se one ne usvoje, onda idući Budžet neće imati, neće imati moju podršku.

Za kraj. Želio bi još jednu stvar da kažem. Činjenica da će se prvi puta krenuti u projekat smanjenje karta za GIPS, pa barem to bilo samo za studente i đake, jer činjenica koje me strašno raduje, jer sam ja možda bio i najglasniji oko, oko ovog projekta, a to je inicijativa, po informacijama koje sam ja dobio, koju su, koju su predložile, ovaj u ovom Budžetu kolegice Selma i Esana. I zaista mi je drago da će se ići u pravcu tome da se GIPS dovede u jedno, jednu konstrukciju koja će pogodovati svim građanima i građankama Tuzle. Hvala ljepo.

## **NATAŠA PERIĆ**

U redu. Hvala. Replika Anel Ibeljić.

## **ANEL IBELJIĆ**

Hvala predsjedavajuća. Mislim, mene je stvarno nekako rastužila ova činjenica da je kolega Berbić veći dio svoje diskusije posvetio potpuno neutemeljenoj i neargumentovanoj kritici bivšeg gradonačelnika, a svoje vrijeme nije iskoristio za možda iznošenje nekih prijedloga ili eventualno pohvale svega onog što je jako pohvalno u ovom Budžetu.

Takođe, kolega je rekao da Tuzla nije turistički grad. Mislim, to je potpuno paušalan navod i mislim, ni jednim, ni jednim navodom, znači, dokazom to nije argumentovano. Ukoliko uzmete statističke podatke Turističke zajednice Tuzlanskog kantona, vidjećete da Tuzla svake godine kontinuirano ima porast broja noćenja. Grad Tuzla uplati duplo više od svih drugih gradova i opština u Tuzlanskom kantonu za boravišne takse, a i ono što je vidljivo golim okom, to da je u proteklih sedam, osam, desetak godina u Tuzli otvoren veliki broj novih objekata, koji pružaju usluge smještaja, odnosno hotela, motela i drugih sličnih objekata.

Zatim, kolega Omer privredu Tuzle poredi sa privredom Grad Živinice, što je nemoguće porediti, mislim Tuzla je po svim pokazateljima daleko, daleko ispred Živinica. Čak je Tuzla po nekim pokazateljima i prvi grad u Federaciji, odnosno po broju registrovanih poslovnih subjekata, Tuzla je prvi grad u Bosni, u, u, u cjelokupnoj Federaciji sa preko 10.000 registrovanih poslovnih subjekata.

Zatim, neargumentovano je isto tako kritika što se tiče upošljavanja. Mislim, non stop govorimo o nekoj nezaposlenosti da to trebamo spriječiti, smanjiti tu nezaposlenost (NATAŠA PERIĆ – Molim vas, malo tišine). A sad se kritikuje kad se zapošljava 23 nova čovjeka i to možda ne na nova mjesta, nego možda neki su ljudi otišli u penziju, pa treba popuniti ta radna mjesta. Ja koliko se sjećam prošlog Budžeta bilo je po sistematizaciji, znači, trebalo je zaposliti preko stotinu ljudi. A evo, znači, mi popunjavamo polako ta radna mjesta i ulaganje u kadrove i svakako ulaganje u razvoj našeg grada. Tako da mislim stvarno da ove neke kritike nisu na mjestu. Hvala.

## **NATAŠA PERIĆ**

U redu. Elvir Bijedić (vijećnik Omer Berbić govori bez uključenog mikrofona op.a.). Replika. Ima Elvir Bijedić, pa vi.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Zahvaljujem predsjedavajuća. Pozdravljam sve prisutne. Dakle, kolega Ibeljić je dosta toga rekao, ono o čemu sam ja htjeo da, da, ovaj, da iznesem kao repliku, ali definitivno mi ne možemo pričati, dakle, o Tuzli kao gradu koji nije turistički. To je definitivno turistički grad, ma kako to ko tumačio da nije, a više pokazatelja, ali evo nije prilika da sad to, kad bude izvještaj o radu Panonike, oko toga možemo razgovarat svakako i o broju noćenja kao što je rekao kolega Ibeljić.

Međutim, ono što, što hoću da skrenem pažnju, dakle, da mi ovdje razgovaramo o Budžetu za 2023. godinu, dakle, da se neke lične impresije, zaista mislim da ne nalaze mjesto kada je u pitanju bivši gradonačelnik, za kojeg eto ako već ste ga pomenuli, moram da kažem da je ostavio značajan trag, jedan duboki neizbrisivi trag u istoriji grada Tuzle u zadnje vrijeme u dvadeset i dvije godine koliko je bio gradonačelnik. Dakle, grad neprepoznatljiv u zadnje dvadeset i dvije godine, kako u ekonomskom, turističkom, tako i u drugom segmentu. Pa eto ako hoćete i u sportskom. Kolega Ibeljić je već pomenuo, ovaj, u diskusiji oko budžeta da je Tuzla, dakle, lokalna samouprava, daleko najviše izdvaja za razvoj sporta, odnosno u sportske manifestacije, a da to apsolutno nije njegova izvorna nadležnost. Dakle, ja to i sasvim provjereno znam, mnogo više nego što je to i Sarajevo ili bilo koja druga sarajevska opština. Dakle, izvorna nadležnost je kantonalna. Znamo da sport u Tuzli, ako pričamo o Slobodi za koju sam ja mnogo više emotivno vezan, nego, ovaj, kolega Berbić. Dakle, Sloboda, Radničko sportsko društvo Sloboda, Slobodini klubovi svi opstaju isključivo i smo zahvaljujući dakle, ovom Gradskom vijeću, Gradu Tuzli, dakle, kojeg je vodio zadnje dvadeset dvije godine gradonačelnik Imamović. Hvala ljepo.

**NATAŠA PERIĆ**

Samo malo. Replika Omer Berbić. Kome? (vijećnik Omer Berbić govori bez uključenog mikrofona op.a.). U redu.

**OMER BERBIĆ**

Uopšte neću odgovarati ovo za bivšeg načelnika, odnosno, gradonačelnika. Otišo je u Sarajevo. Sretan mu put i nadam se da će se u penziji nekad ovdje vratiti da vidi kako se grad radi, bez da ima nekakvih blokada i nekih stvari koje je on ovdje zaustavljao, samo radi njegovih ličnih stvari i ličnih hirova.

Što se tiče turizma. Za obojicu. Ako hoćete da gledate podatke. Gledajte podatke. Vi paušalno ovdje opet navodite stvari. Činjenica je da u Tuzlanskom kantonu više Gradačac ima noćenja od Tuzle. Pa ne možete ove stvari zanemarivati. Ne možete vi gledati samo broj buseva, broj noćenja ljudi koji dođu ili, ili buseva koji dođu na Panoniku iz Sapne, Kalesije i okolnih mjesta. Nije turizam samo Panon...samo, samo Panonska jezera. Ako hoćete da uporedite Tuzlu. Nemojte Tuzlu, ovaj, da poredite sa, šta ja znam, Živinicama, sa, sa, sa, sa Kladrnjem. Ako hoćete da uporedite Tuzlu u turizmu. Hajde da malo uporedite sa Sarajevom. Uporedite sa Mostarom. Sa Trebinjem, recimo. Zašto mi tako ne gledamo stvari? Nego ovdje samo gledamo ko je gori od nas, Pa evo ja, ovaj, žao mi je samo što se još nismo uporedili, ne znam ni ja sa Bosanskim Novim. Evo to jedino. Imamo, imamo 200% više noćenja od Bosanskog Novog. Svaka nam čast. Uspjeli smo u tom turističkom segmentu. Mi smo gigant. Nemojte bit smiješni u tom, u tom pravcu. Stvarno nema potrebe da diskutujemo. Više puta smo ovdje ukrštavali argumente, ali je činjenica po svim relevantnim podacima da Tuzla nije turistički grad.

O privredi hoćete da pričamo. Pa znate li vi da je urađeno ispitivanje na dvije i po hiljade domaćinstava? Samo u gradovima i opštinama kantona. I da je po domaćinstvu Tuzla tek četvrti grad u kantonu po prihodima. Po jednom domaćinstvu. To je frampantan podatak da je ispred nas i Gradačac i Gračanica i Živinice. Da su ispred nas. Po domaćinstvu, po prihodima. A mi se busamo u prsa, najveća prosječna plata. Pa kako neće bit kad je sve u birokratiji. Sva birokratija. I kantonalna i gradska. I sve ostalo ovdje. Naravno, imaju plate veće nego privredne, ali kad se uzme prihod po domaćinstvu, vidi se da je Tuzla stagnirala u, u, u privrednom smislu zadnjih petnest, dvadeset godina. Nemojte da budemo smiješni ako o tome pričamo. Jedino ovdje ovaj što gospodin Mensur izganjao ovu poslovnu zonu i što gore sad ganja poslovnu zonu u Gornjoj Tuzli. To je ono što smo mi od privrede dobili u zadnjih deset godina. Da se on nije za to borio, ne bi ni to dobili.

Hoćete da pričamo o kulturi i sportu. Pa Sloboda u svojoj istoriji nije ispala iz lige kada je za vrijeme gospodina Imamovića. Vi kažete neizbrisiv trag. E ovo je neizbrisiv trag. Ispali smo iz lige. I u rukometu i košarka se ugasila (NATAŠA PERIĆ – Ističe vam replika). A o fudbalu... Uz dužno poštovanje, pustit će te me još minut, pustili ste i njih (NATAŠA PERIĆ – Neću vas pustit. Ističe vam još pola minute). Znači, ispali smo iz lige. To se u istoriji nije dešavalo. Svi sportski kolektivi se bore za opstanak. Ne svi, ali većina. Ne igramo ABA ligu u košarci. Pa o čemu, o kojem mi to sportu pričamo? O kojoj kulturi mi pričamo? Jedino što imate dva projekta koje je on zamislio bio sebi „Cum grano salis“ i ne znam ni ja šta. Koja je to kultura? Koji mi to sport imamo, molim vas? A da je bio, a da je bolji nego prije petnaest godina? Nemojte ba o tome. O tome ako hoćete da pričamo (NATAŠA PERIĆ – Isteklo vam je vrijeme) o vašoj emotivnoj vezi sa Slobodom, ovaj, moj djed je igrao sa Slobodu (NATAŠA PERIĆ – Isteklo vam je vrijeme). Ja sam porodično emotivan na svaki drugi način vezan. Vi možda idete više na košarkaške utakmice, ali vas nisam vidio na fudbalskim. Tako da ako ćemo praviti neke, ovaj, neke paralele, onda moramo uzet sve zajedno i evo, žao mi je, moram za kraj da kažem da RSD Sloboda nije našla shodno da zove vijećnike, barem one vijećnike koji su se najviše borili za RSD Slobodu na crveno – crnu noć, niti navijače Slobode, kao što je recimo Suljo Dorić, legenda i tako dalje, nego da se samo niz funkcioniera gore pojavio. Ako ćemo o Slobodi.

## **NATAŠA PERIĆ**

Samo malo. Ispravka krivog navoda. Anel Ibeljić.

## **ANEL IBELJIĆ**

Ispravka svih navoda, znači, sve što je rekao kolega, sve je krivo, tako da neću poimenično i navoditi.

Kratko ću samo referisati se, znači, kada je riječ o turizmu, mislim, kolega stvarno nije iznio ni jedan konkretan podatak, pa da možemo, za nešto, pa da diskutujemo. Znači, on samo govori Tuzla nije turistički grad, nije ovo, nije ono. Pa hajde, dokažite čime nije turistički grad. Iznesite neki podatak. Evo mi smo iznijeli podatak zašto jest. Vi niste iznijeli zašto nije.

Govorimo o privredi. Iznesite podatak koliko je registrovanih poslovnih subjekata u Tuzli, koliko je u općini Centar, koja je druga, znači poslije Tuzle? Koliko je u Mostaru? Koliko je u Zenici i u drugim gradovima? Znači, to je konkretna privreda. Uzmite podac...znači provjerene podatke Agencije za statistku, pa provjerite kolka je prosječna plata u Tuzli i u drugim gradovima. Vi ste bili na jednoj, na jednoj javnoj tribini gdje sam i ja bio, gdje je bi...jedna ne znam kolegica kako se zvala, dal je Džemila, ne znam tačno. Provodila je neko svoje istraživanje, gdje je uzela uzorak od dvije i po hiljade domaćinstava i ona je rekla plate



su tolike, plate su tolike. Znači, uzmite tačne informacije kolike su plate kada se uzme sva znači primanja svakog zaposlenika u Tuzli, pa onda govorite o nekim statističkim podacima. Hvala.

## **NATAŠA PERIĆ**

Hvala. Ispravka krivog navoda. Elvir Bijedić.

## **ELVIR BIJEDIĆ - zamjenik predsjedavajućeg Gradskog vijeća Tuzla, - vijećnik Socijaldemokratske partije**

Zahvaljujem predsjedavajuća. Ma mislim, previše emotivno Omere to sve shvataš i previše lično. Dakle, naprosto se radi o tome da Gradačac ima više noćenja, ali zbog Banje, zbog lječilišta, koje plaća Fond zdravstvenog osiguranja. Dakle, ovaj, dakle, Tuzli ne plaća nikakav fond, znači, Tuzla definitivno postoje Panonska jezera, definitivno i svima jasno da se otvaraju hoteli. Ja Tuzlu nisam kao turističko odredište uspoređivao niti sa Sarajevom niti s Trebinjem. Ja samo sam htio da kažem da Tuzla nije apsolutno bila prepoznatljiva kao turistička destinacija prije dvadeset godina. Da je danas, to, to jeste, dakle, to je neoboriva činjenica. Meni je žao, dakle, ja mogu da razumijem da imaš razloge da ti to kažeš da nije. Ali, evo što kaže kolega Anel, ovo su dakle neoborivi dokazi, neoborive činjenice. Činjenica je dakle da je postojao Hotel Tuzla i ništa više. Danas imamo pored Hotela Tuzla i Hotel i...izvinjavam se Hotel Bristol. Danas imamo i ovaj, Melain i imamo čitav niz malih hotela i izdavanje stanova na dan i tako dalje. Ali evo to je jedna strane priče.

Druga strana priče je opet kad je u pitanju Sloboda. Dobro. Ok, ovaj, jest ja ne idem ni na jednu fudbalsku utakmicu ni na jednu košarkašku. Ima me na svim utakmicama. To je jedna strana priče. A druga strana priče. Govorim sad javno u mikrofon. Dakle, pomoć Slobodi nije samo kupovina karte i odlazak na utakmicu. Dakle, moram sad da budem i ja malo lično i da kažem da pozivam sve koji, evo javno kažem, svi oni rade u Slobodi zadnjih petnest ili dvadeset godina znaju jako dobro kakva je pomoć sa moje strane, ona ne materijalna. Dakle, odgovorno tvrdim pred svima vama. Ogromna je to pomoć i kada je u pitanju i Rukometni klub, o Košarkaškom neću da pričam, Fudbalski klub, Kuglaški klub, Bokserski i tako dalje. Hvala ljepo.

## **NATAŠA PERIĆ**

Ispravka krivog navoda.

## **OMER BERBIĆ**

Pa evo, kolegi Ibeljiću, pa kolegi Bijediću, ovaj, evo pošto je on sve meni ispravio i ja ću njemu sve ovako da ispravim. Pošto tu kod njih očigledno vlada jedna mantra, ova koja se pravila petnaest godina, a to je mantra da smo mi turistički, da smo mi razvijeni, da smo mi ovo, da smo mi ono, pa dovoljno je da izađete, da prošetate, nemate žive duše u centru grada, radnim danima.

Govorite o privredi. Sve te podatke koje ste vi, ovaj, koje ste vi izvadili, ti podaci ne stoje. Jedini pravi pokazatelj privrede u Tuzli jeste činjenica da po domaćinstvu imamo manji prihod nego tri grada Tuzlanskog kantona. Zašto ovo govorim? Vi se hvalite privredom, ali vi nemate privredu. Vi imate birokratiju u Tuzli. Zato što Tuzla ima sve kantonalne institucije, zato što imamo UKC, zato što imamo Vladu kantona, zato što imamo sva ministarstva, zato što imamo Zavod za zapošljavanje, zato što imamo x, y drugih stvari, ovaj i gradskih javnih ustanova i javnih preduzeća koje imaju visoke plate, pa su onda po, ovaj, tim platama nivelise

da mi imamo najveću platu, ovaj, u Federaciji. Al da vidite tamo gdje ima privrede, gdje ima privrednih subjekata, plate su manje. Zato što realni sektor obara, jer nije, nije izdržljivo radi svih nameta koje država stavlja na ljude da daju plate veće od 700; 800; 1000; 1100 maraka. I vi meni ovdje mantru ponavljate da smo mi turizam, da smo mi privreda, a ja živim u ovom gradu isto ko i vi. Pa mi nemamo pet kafića da izađemo. Ako je to turistički i privredni grad. Halalosum. Svaka vam čast. Ja vam skidam kapu. Al za mene ovo nit je turistički, nit je privredni, nit se razvijao i za mnoge ljude i građane ovog grada smo išli u pogrešnom pravcu. A to se najbolje vidi kada vidite koliko je vaših komšija otišlo. Ovi mlađi od 20; 25; 30 godina. Otišli trbuhom za kruhom. I to je najviše u Tuzlanskom kantonu, a posljedično najviše u Tuzli. U cijeloj Federaciji Bosne i Hercegovine. I to je taj razvoj grada koje ste vi napravili. Ako je to razlog, ako se tim ponosite, svaka vam čast. Ja vam opet kažem. Skidam vam kapu, ovaj, naravno da sam malo emotivan kolega Bijedišu. Ja ipak govorim o svom gradu gdje sam rođen, gdje sam odrastao, za koji se borim, za koji svaki dan ovdje živim, radim, gdje ja pravim pet sastanaka dnevno sa ljudima koji su obespravljeni i koja nemaju nikakva prava u odnosu na ove povlaštene grupe, da ih ne nabrajam. Hvala ljepo.

### **NATAŠA PERIĆ**

Ja kolega Berbiću moram da vas ispravim u ovom dijelu gdje kažete da grad nije napredovao, pošto sam ja malo starija od vas, pa sjećam se do 2001 i od 2001, kako je grad izgledao. Možete govoriti uh ili ne uh. Dakle, do 2001. godine, imali smo močvaru u centru grada. Nismo imali trgovu, imali smo parkinge koji su bili jako neugledni. Nismo imali parkove i nije bilo kafića ko danas ima. Samo malo. Imali smo privatna preduzeća. Javna preduzeća danas koja su javna. Bila su privatna. Ne znam čijom zaslugom. Tog se malo ne sjećam. Ali do 2001. i od 2001. na ovamo, grad je ne malo, već puno promijenio svoj izgled nabolje, a o tome svjedoče i nagrade koje je grad odnosno bivši gradonačelnik Imamović dobio u posljednje dvadeset i dvije godine, a imali smo svi priliku da vidimo prošle sedmice, kada je gradonačelnik za jugositočnu...gradonačelnik Imamović dobio nagradu za „Najgradonačelnika na području Jugositočne Evrope“. Tako da ja ne znam, vi možda volite da ovdje budu močvare, da ne budu panonska jezera. Možda volite da su ostali oni parkinzi, da su javna preduzeća privatna, pa da neko određuje cijene građanima. Možda da nekome neda da uđe na Panoniku, da bude privatno preduzeće, pa da cijene budu trideset maraka, pa da naši građani nemaju priliku da uđu na Panoniku, već samo gospoda. Ja mislim da to nije u redu i ne slažem se s vama, tako da...toliko.

### **OMER BERBIĆ**

Uuuf. Veliki nivo patetike predsjedavajuća. Očigledno i vi patite od jedne lažne amnezije. Predlažem da se odete liječiti, ovaj, što se tiče tog dijela. (NATAŠA PERIĆ – Molim vas). Molim vas. Vi ste meni isto. (NATAŠA PERIĆ – Prekidam sjednicu i tražim da se sastane Etički odbor. Eto). Slažem se.

### **NATAŠA PERIĆ**

Prekidam sjednicu.

Molim predsjednike klubova da dođu. I predsjednicu.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Nastavljamo, nastavljamo sa radom sjednice. Za diskusiju klubova vijećnika za sljedeću se javio vijećnik Senad Mehmed...Izvinjavam se. Izvinjavam se Senade. Mirel Mišković. Izvinjavam se. Hvala.

**MIREL MIŠKOVIĆ – samostalni vijećnik**

Mogu ja. Evo (ELVIR BIJEDIĆ – Izvolite Mirele). Sve bi vas pozdravio. Poželio nam danas uspješan rad. Nadam se da će se malo ove tenzije smiriti, da ćemo privest sjednicu kraju onako kako treba.

Evo danas je pred nama najvažniji dokument koji donosimo, a to je Budžet Grada Tuzla za 2023. godinu. Budžet Grada Tuzla je 71.344.726 Konvertibilnih maraka, što je vjerovatno rekordni i najveći budžet koji smo imali do sada.

Detaljno smo pročitali raspored sredstava za 2023. godinu. Pozdravljamo što će se 17 miliona od ovoga budžeta uložiti u kapitalne projekte, najviše u projekte komunalne infrastrukture. Očekujemo da se ovi projekti realiziraju u cjelosti, pogotovo projekti putne infrastrukture, te očekujemo da će se u ovoj godini riješiti putna infrastruktura prema Gradskom groblju Drežnik, kako kako bi, kako bi ovaj projekat bio uobličen onako kako treba i što prije bio pušten u funkciju.

Očekujemo takođe da će higijena grada, održavanje zelenih površina i zimska služba biti ove godine na jednom puno većem nivou, nego do sada, jer su se sva, jer su se povećala sredstva na svim tim stavkama.

Takođe, zadovoljni smo da Budžet ima jednu socijalnu komponentu. Očekujemo da će socijalna davanja doći do onih do kojih je to najpotrebnije. U cilju toga pozdravljamo i odluke koje idu uz ovaj Budžet za, a to je odluka za socijalno davanje i davanje odluke poslodavcima olakšica za registraciju preduzeća, jer time dajemo jednu novu razvojnu komponentu u ovom Budžetu.

Pozivam nas sve kao Gradsko vijeće jednu tematsku sjednicu o gradskim apotekama Tuzla, gdje bi pretresli kompletnu situaciju, utvrdili šta mi to očekujemo od apoteka i šta njima treba od nas da se ispune ta očekivanja.

U projektima komunalne infrastrukture, voljeli bi prije svega da se ove godine nađe sredstava za projekat završetka biciklističke staze, kako bi ona dobila tačne i precizne konture, a ne kao dosad da bude isprekidana i u više dijelova. Mišljenja smo da je taj sadržaj nedostajao ovom gradu, kako bi se moglo bezbjedno voziti biciklo kroz čitac grad.

Na kraju smo zadovoljni što će Radničko sportsko društvo Sloboda dobiti dodatnih 500.000 Konvertibilnih maraka, u odnosu na Nacrt budžeta. I nadamo se da će ta sredstva pomoći Nogometnom klubu Sloboda da ostane u premijer ligi.

Mi ćemo podržat ovaj Budžet. Pratit ćemo njegovo ostvarenje. Očekujemo da će dati najbolje rezultate, a da ćemo sve probleme na koje naiđemo u toku ove godine, rješavati nekim rebalansom ili nekom unutrašnjom preraspodjelom. Evo ja se zahvaljujem.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Hvala vijećniku Miškoviću. Sljedeći za riječ ispred klubova vijećnika javio se vijećnik Senad Mehmedinović, ispred Kluba samostalnih vijećnika. Izvinjavam se. Izvinjavam se. Zajedničkog, jeste, zajedničkog kluba. Izvolite.

## SENAD MEHMEDINOVIĆ – vijećnik Pokreta demokratske akcije

Poštovana predsjedavajuća, zamjenici predsjedavajuće, kolege vijećnici, poštovani gradonačelnice, VD gradonačelnice, predstavnici službi, sve vas srdačno pozdravljam i ja nisam spremio za danas literarni rad, al ono što mogu da kažem vezano za Budžet, mogu da kažem da ovaj kao i svi drugi budžeti koji se usvajaju, oni moraju biti i kapitalni, moraju biti naravno razvojni i moraju biti socijalni. E sad se uvijek može rangirati koliko je i koji budžet na skali od 1 do 10 kapitalan, koliko je razvojan i koliko je socijalni. Naravno na početku želim da kažem da ću podržati Budžet, jer smatram da je budžet lokomotorni aparat Grada Tuzle i on mora da bude usvojen kako bi moglo sve da funkcioniše.

Ja imam nekoliko pitanja u vezi stavki sredstava budžeta, pa evo vjerujem da će na kraju predsjedavajuća ili zamjenik predsjedavajuće, da ćemo mi dobit odgovor, ovaj, od predstavnici službi ili može takođe i pismeno da se dobije odgovor na neka od pitanja.

Ono što možemo da vidimo iz prijedloga budžeta da iznosi 71 milion i ono što sam prvo ovdje primijetio i što mi je drago jeste da imamo suficita, a volio bi da u budućnosti bude suficit na osnovu uštede, a da ne bude suficit na osnovu ne realizovanih projekata koji nisu realizovani u 2022. godini i volio bi da znam razloge zašto od nekih projekata u 2022. godini nisu realizovani, a govorit će evo i o ovom prostoru mjesne zajednice.

Vezano za nazive prihoda, ovdje imamo da će prihodi od indirektnih poreza koji pripadaju jedinicama lokalne samouprave, prijedlog budžeta je 13 miliona. Mene sad zanima da li mi kao grad Tuzla, da li mi osjetimo benefite izmjene zakona o pripadnosti javnih prihoda i da li mi ovo povećanje koje je sad trinest miliona osamstosedamdesetsedam, prošle godine je to bilo 12 miliona. Da li je ta razlika od toga što se smanjio onaj koeficijent sa 1,96 na 1,5 izmjene zakona o pripadnosti javnih prihoda il su to povećana sredstva jednostavno zato što je došlo do poskupljenja, pa samim tim ja mislim da je Upravi za indirektno oporezivanje uplaćeno ove godine za više ove godine u odnosu na prošlu za milijardu i po, ako se ne varam, ovo što sam mogao da propratim da dobijem informacije.

Takođe, ovdje imamo stavku „Naknada za prihode ostvarene radom Termoelektrane“ planirano 4 miliona, pa sad tri miliona i osamsto. Zanima me zašto je manje 200.000 Konvertibilnih maraka? Da li je to manje zbog problema koje ima Termoelektrana, a sami smo mogli da vidimo da par dana nismo imali grijanje, obzirom da ima problem određeni sa cijevima kod silosa u Termoelektrani, al evo zanima me zašto je manje tih 200.000 Konvertibilnih maraka? Naravno, iz sarkazma sam govorio ovo za silose, a jest taj problem u Termoelektrani.

Što se tiče prijedloga budžeta u rasporedu povećanih sredstava po službama i budžetskim korisnicima, možemo vidjeti i što je za očekivati, da je najviše ide Službi za komunalne poslove i izgradnju i poslove mjesnih zajednica, zatim Služba civilne zaštite uvećana za milion i po, Službi za ekonomski razvoj, poduzetništvo i poljoprivredu za 800.000 Konvertibilnih maraka i Služba za kulturu, sport i mlade za 699.000 Konvertibilnih maraka.

Što se tiče sredstava za rad Gradske izborne komisije, vidimo da će biti naknada i biračkom odboru i tehničkom osoblju i to je, onaj, lijepa stavka i ja hoću da pretpostavim da će ova naknada da bude zbog sprovođenje ili realizacije zaključka koje smo mi usvojili na Gradskom vijeću, a to je da se sprovedu izbori u mjesnim zajednicama, a evo imaćemo jel tako izbore i za gradonačelnika grada Tuzle i hoću da mislim da će ove naknade ići u tom pravcu, a ne samo za izbor gradonačelnika.

Služba za ekonomski razvoj, poduzetništvo i poljoprivredu, grant za aktivnu politiku zapošljavanja, volio bi da imam povratnu informaciju koji su efekti, rezultati ovih grantova za aktivnu politiku zapošljavanja? I možda da se na rebalansu razmišlja da se ova sredstva sa 50.000 Konvertibilnih maraka povećaju malo više, obzirom da govorimo o aktivnoj politici zapošljavanja, a tu prije svega, ne mislim ja samo na aktivnu politiku zapošljavanja za mlade osobe. Znači, mislim ja i na aktivnu politiku zapošljavanja osoba srednje životne dobi koje su

radno produktivna, ali evo zbog neke firme koje su propale, izgubile su posao i sad su na tržištu rada. Dakle, kada govorimo mi o aktivnoj politici zapošljavanja, možemo govoriti naravno o mladima. Oni jesu nama prioritet. Al ne smijemo da zanemarimo i srednju životnu dob.

Dolazimo do nečeg što se naziva Služba za komunalne poslove, izgradnju i poslove mjesnih zajednica. I evo otkako sam vijećnik, čitam o nabavci poslovnog prostora Mjesne zajednice Sjenjak. Taj famozni poslovni prostor Mjesne zajednice Sjenjak. I ja mislim na prvoj, kad smo se izabrali za vijećnike, taj iznos ako se ne varam, možda je bio prvo 300.000 Konvertibilnih maraka i evo nakon dvije godine, sad je to 400.000 Konvertibilnih maraka. Znači, da smo mi to uradili prije dvije godine, sad bi ovih 100.000 Konvertibilnih maraka mogli na primjer da usmjerimo za odrađivanje pripravnčkog staža i vjerujem i hoću da vjerujem da nećemo opet čekati dvije godine, jer onda će ova stavka da iznosi pola miliona, obzirom kako se kreću nekretnine i kako to sve je poskupjelo.

Izgradnja, rekonstrukcija i sanacija mostova. Molim vas. Evo apeliram i prema službi i apeliram i prema VD gradonačelniku. Ja znam da se kroz ovo Vijeće provlačile nekoliko puta inicijative i razgovarali smo na Budžetu, a to je sanacija mosta u Slavinovićima, kod Osnovne škole Slavinovići. Znači, molim vas bili smo čak i na jednom sastanku sa predstavnicima službi. Razgovarali smo. Znamo da su to neki malo imovinsko – pravni odnosi upitni. Međutim, veliki broj djece ide u Osnovnu školu Slavinoviće. Prelazi onaj most. Most je oštećen. Nedo Bog da se nešto desi kadaje veliki broj djece na mostu, dakle, mogu da, možemo da imamo velike probleme i zato apeliram da se iz ovih sredstava ozbiljno pristupi rješavanju problema mostu Slavinovići kod Osnovne škole Slavinovići.

Ne znam ko je od kolega govorio vezano za ovo učešće građana u izgradnji cesta od 20%. Ja sam prosljedio vijećničko pitanje. Naravno, nikad nisam dobio odgovor. Na osnovu koje odluke, možda to iz starijeg saziva vijeća znaju, na osnovu koje odluke se građani trebaju da učestvuju sa 20% u finansiranju ceste. Evo između ostalog, u prigradskim mjesnim zajednicama. Ja lično mislim da ovo ne treba u budućnosti da postoji. Dovoljno naši građani plaćaju kroz registraciju za održavanje cesta i tako dalje i naročito mislim za građane, mještane koji su u prigradskim mjesnim zajednicama, da ne trebaju da participiraju sa 20% sredstava, naročito u ovom teškom vremenu u kojem sad živimo i volio bi nekad da raspravljamo o toj odluci i da vidim koja je ta odluka koja definiše 20% učešća građana i možda u budućnosti da se to promjeni da olakšamo da se ne plaća.

Kad je u pitanju Služba za opću upravu i zajedničke poslove, ovdje u rekonstrukciji investicionoj i održavanje administrativnih prostorija u vlasništvu Grada Tuzle, planirano je 40.000 Konvertibilnih maraka. E sad ne znam da li u ovim sredstvima, da li su planirana i sredstva po zaključku koji smo mi usvojili, a to je da se uradi taktilna linija vođenja u Centru za pružanje usluga građanima Tuzle. To je bio zaključak. Ja sam se čuo sa službom. Ja mislim da su bila ta određena sredstva, samo ne znam da li u sklopu ovih 40.000 Konvertibilnih maraka, planirano to da se realizuje zaključak koje je usvojilo ovo Vijeće, a to je eda uradimo taktilnu liniju vođenja za slijepa i slabovidna lica u Centru za pružanje usluga građanima.

Služba civilne zaštite je nešto našto sam bio ponosan naprošlom budžetu, zato što je bilo subvencioniranje troškova sanacije zajedničkih dijelova zgrada i ako se vi sjećate da je bio subvencioniranje uklanjanja arhitektonskih barijera na tim zgradama. Sad ja ovdje u nazivu rashoda, dakle, ne vidim ovo subvencioniranje uklanjanja arhitektonskih barijera. Da li se to podrazumijeva da će u onom javnom pozivu koji bude objavljen za vlasnike zgrada, da li ovaj iznos koji je planiran se odnosi i za subvencioniranje uklanjanja arhitektonskih barijera? Dakle, da li je to izbačena kao stavka ili se podrazumijeva da će to biti u sklopu subvencioniranja troškova sanacije zajedničkih dijelova. Ako sam ja sa vremenom ja ću se nastaviti (ELVIR BIJEDIĆ – Jeste, jeste, već ako, ako ste još kratko, pola minute). Imam još. Ništa ja ću se nastaviti dalje.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Zahvaljujem kolegi Mehmedinoviću. Dakle, odgovore na ova vijećnička pitanja, odnosno proizašle iz diskusije, dakle možemo u pismenoj formi, a i gradonačelnik, ovaj, će se obratiti na, na kraju. Nastavljamo, dale, klubova vijećnika. Sljedeći za riječ se javio vijećnik Admir Hasanbašić, ispred Kluba Tuzlanske alternative. Izvolite.

**ADMIR HASANBAŠIĆ – vijećnik Tuzlanske alternative**

Hvala dospredsjedavajući. Pa evo prijedlog budžeta Grada Tuzla za 2023. godinu, u iznosu od oko 71 milion Konvertibilnih maraka je zaista odlično isplanirano od strane Službe za budžet i finansije i svakako i od našeg gradonačelnika.

Kroz javnu raspravu na Nacrt budžeta za 2023. godinu, bilo je mnogo prijedloga i od gradskih vijećnika, od građana, od raznih udruženja. I zaista mi je drago da je gradonačelnik, odnosno Služba za budžet i finansije uvrstio veliki broj tih prijedloga i sugestija.

Želim istaći samo neke ekonomske kodove za koje se izdvajaju značajna sredstva, a koja su bitna za kvalitetniji život naših građana, jer zaista koleginice i kolege u prethodnim izlaganjima su rekle mnogo toga, pa ne bi želio da se, da se ponavljam.

Evo ja bi naglasio posebne pohvale za izdvajanje sredstava za otvaranje novih vrtića u sklopu Obdanište „Naše dijete“ i to u Mjesnoj zajednici Simin Han i Solina, čime će se svakako smanjiti lista čekanja u centralnim mjesnim zajednicama, a samim tim omogućiti i djeci rubnih mjesnih zajednica da koriste usluge našeg obdaništa.

Bitno je da je ovaj Budžet stavio i poseban akcenat na ekologiju, odnosno čist zrak, jer su izdvojena značajna sredstva za projekte energetske efikasnosti.

Ono što je još jako bitno, rekao je kolega Berbić, sredstva za održavanje javne rasvjete zaista povećana su. To je bitno. Bitno je za budućnost grada. Ostvariće se velika, velika ušteda u potrošnji električne energije ukoliko se i dalje nastavi sa zamjenom halogenskih svjetiljki sa LED rasvjetom, a samim tim dobićemo i kvalitetniju osvijetljenost naših ulica.

Ono što mi je posebno bitno, a to je da su izdvojena i velika sredstva za održavanje i čišćenja vodotoka i regulaciju ne regulisanih riječnih tokova. Zašto je to bitno? Pa svjedoci smo da svake godine budu poplave, a uzrok tome upravo su naše rijeke koje nisu očišćenje u svim segmentima, a to se posebno odnosi na ne regulisane riječne tokove u rubnim mjesnim zajednicama, gdje imamo poplave i nastaju ogromne štete. Izdvajanjem ovih znatnih sredstava, mislimo da će se to u velikoj mjeri smanjiti.

Imao bih jedno pitanje, a ono se odnosi za, na nabavku opreme u Službi za opće, opću upravu i zajedničke poslove, jer su izdvojena sredstva u vrijednosti od 171.000 Konvertibilnih maraka. Interesuje me o kakvoj se opremi radi? Vjerovatno je neka elektronska oprema, digitalizacija ili slično. Nagađam, ali eto volio bi odgovor na, na ovo pitanje.

I, na kraju. Dobro je da su znatna sredstva izdvojena i za održavanje objekata naših mjesnih zajednica i svakako za nabavku opreme u mjesnim zajednicama, jer mjesne zajednice su postale znači mjesta, pogotovo u rubnim mjesnim zajednicama za okupljanje naših građana i građanki. Ukoliko se oni dovedu u još bolju situaciju da budu bolje opremljeni, mislimo da će ta posjećenost ovih objekata biti veća, pogotovo u ovim zimskih, zimskim danima.

I na kraju. Klub vijećnika Tuzlanske alternative svakako će podržati Prijedlog budžeta za 2023. Hvala.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Zahvaljujem vijećniku Admiru Hasanbašiću. Nastavljamo sa daljim diskusijama. Ispred kluba vijećnica, ispred Kluba Platforme za progres, vijećnica Selma Čatibušić. Izvolite.

**SELMA ČATIBUŠIĆ – vijećnik Platforme za progres**

Eh hvala kolega. I ovako. Da pozdravim sve kolege i kolegice. Prvi put se javljam za riječ.

Kada je u pitanju Budžet, odnosno Prijedlog budžeta za 2023. godinu, kao što već znamo on iznosi 71 milion. Nešto je veći u odnosu na prethodnu godinu. Prije svoje diskusije o samom budžetu želim da svakako pohvalim novu praksu, novog VD gradonačelnika, jer nas je prvi put pozvao da razgovaramo i lično, je li, sa njim i sa njegovim službama o samom Budžetu i čak o budućem, je li, rebalansu ovog budžeta, što svakako cijenim i poštujem i zahvalna sam na tome, jer smatram da prvi put se dao značaj svim vijećnicima u ovom, vijećnicima u ovom sastavu Gradskog vijeća. Tako da mislim da je to dobro praksa i eto nadam se da će se ta praksa i nastaviti.

Kada je u pitanju Budžet ono što takođe želim pohvaliti jeste da u okviru javne rasprave, odnosno naših, u okviru prijedloga koje smo mi davali, neki prijedlozi su usvojeni. Nisu svi, što je hajd da kažem razumljivo. Drago mi je što nisu tek tako apsolutno svi naši prijedlozi bez ikakve rasprave, diskusije, pokušaj da se nađe određeno rješenje odbijeni, nego su zaista shvaćeni kao nešto ozbiljno.

Tako da sretna sam što je počelo rješavanje na neki način problema velikih ijena gradskog i prigradskog saobraćaja, za koje smo se kolegica Esana i ja pogotovo zalagali, je li, ne samo mi, nego i ostale kolege u sastavu ovog Gradskog vijeća i evo sada već imamo tako da kažem korak ka rješavanju je li problematike kada je u pitanju ova tema.

S druge strane za šta sam takođe sretna, jeste više sredstava za Ustanovu „Naše dijete“, odnosno i otvaranju jednog novog vrtića. Svi znate da se ja najviše bavim predškolskim obrazovanjem, odnosno boravkom djece u predškolskim ustanovama našeg rada, jer smatram da svako dijete ima pravo na vrtić i da ćemo eto u budućnosti imati priliku da sufinansiramo boravak djece u vrtićima na području našeg grada u što većem broju. Kada smo razgovarali sa trenutnim VD gradonačelnikom, opet smo je li adresirali i ovu temu, te nam je obećano i nadam se da će ovim, da će biti ispunjeno, da ćemo u narednom periodu, a već kroz rebalans ovog budžeta, potruditi se da pronađemo rješenje kako započeti, sufinansirati je li, boravak djece u predškolskim ustanovama. Koje su to kategorije koje će imati prioritet, za početak? Shvatam da Budžet ne iznosi dvjesto ili više miliona, pa da možemo odmah, je li uraditi to kao što su neki drugi gradovi uradili, ali možemo početi sa nekim naj, da tako kažem najoštećenijim kategorijama djece. Da li su to porodice koje imaju svoje, troje ili više djece? Ili djeca sa poteškoćama u razvoju? Uopšteno socijalne kategorije. To ćemo vidjeti i razgovaraćemo i sa direktoricom i uopšteno naći rješenje za, za, za taj problem.

Takođe, što je kolega Omer naveo, želim da pohvalim to što je smanjena tekuća rezerva gradonačelnika. Smatram da su ovaj put sredstva bolje raspoređena u samom budžetu. Smatram da je više socijalni, nego što je razvojni ili kapitalni.

Takođe dobila sam pitanje od gospodina novinara, dal se slažem s time što je najviše novca, je li, planirano za infrastrukturu i za eto same plate? Razumljivo je da je nekako najviše novca i planirano za plate uposlenicima, ali smatram i rekla sam koliko god novca bude planirano za probleme, je li, infrastrukture u našem gradu, uvijek će biti malo, jer je nažalost problema i previše, tako da svakodnevno se susrećemo sa njima i eto svaki dan sve više i više nadam se da ćemo raditi.

U principu slažem se sa velikim brojem diskusija prethodnih kolega i kolegica. I ono što se ne bih složila jeste da, mislim da je kolega Elvir to navodio ili da OK više planirano sredstava i za Radničko sportski klub, Radničko sportsko društvo Sloboda. Svi smo nekako emotivno vezani. Ne možeš se roditi u Tuzli ili živjeti u Tuzli, a da ne budeš emotivno vezan za Slobodu. Čak ni otišo nikad na utakmicu, a pogotovo ako si odrastao, kao što i ja sam odrasla i u Mejdanu i na Tušnju sa svojim tatom, a evo sada i prijateljicama i tako dalje.

Ono što mi je jako žao jeste što smatram da ipak Tuzla ne radi pravu stvar kada je u pitanju sport. Još uvijek. Mi smo, mogu da tako kažem, nagrađeni velikim talentima koji se rađaju u našem gradu, ali mislim kada je sport u pitanju smo skrenuli koliko koliko sa kolosjeka. Ne u potpunosti, nego smatram da sa takvim potencijalom možemo biti definitivno prvi u državi, a možda čak prdnjačiti i u regionu, a trenutno to nažalost nije slučaj.

Kada je u pitanju sam Fudbalski klub Sloboda. Svi znamo problematiku. Svi volimo Slobodu. Svi volimo Slobodu u prvoj ligi. Svi želimo Slobodi titulu. A ne samo neku, kako se kaže tradiciju, nego i titulu. Ne želimo da Sloboda tek tako, hajde da tako kažem, opstaje, nego želimo da gledamo Tušanj koji će biti pun. Ljude koji će tu dolaziti. Ali da bi došlo do toga, moraju se neke stvari brzo, brzo početi mijenjati, a koje su eto prethodnih godina postojale i koje su na neki način se ukorijenile. Tušanj će morati, onda neko postavi pitanje i da se završi Tušanj, da se naprave tribine. Ko će dolaziti na te utakmice? I to je tačno. Niko neće dolaziti na utakmice od, ne znam, dvadeset trideset hiljada ljudi. Sigurno neće doći da gleda drugoligaša. Nažalost. Tako da smatram kada je u pitanju Fudbalski klub Sloboda, konkretno, evo sad ćiu se dotaći, iako je to malo bezveze što govorim o jednom klubu. Tu trebamo velike promjene uraditi. Sad ne znam dal ćemo mi il dal će neki naši nasljednici, ako mogu tako da kažem? Ali, ovako kako ide trenutno, mislim da nije pravi, prava stvar. Mi treba da njeđujemo sport, a ne samo klubove, koliko god bili emotivno vezani za određene klubove. Našem gradu je potrebno da sva djeca. Ja znam kako je bilo kojim roditeljima kad sam trenirala problem, kupiti opremu, kupiti patike, platiti članarinu. Ja mislim da ćemo mi moći govoriti o sportu u Tuzli, tek onda kada sva djeca u ovom gradu budu imala priliku da dobiju, da treniraju bilo koji sport, na bilo kojem nivou besplatno. Ako su strašni talenti, ako će možda otići na Olimpijadu, da za njih imao određeni fond koji će ih čekati za te stvari. Da neće prestajati trenirati iako su ogromni talenti, zato što roditelji nemaju novca da plate 40, 50, 60 maraka članarine, a da ne govorim o nekoj opremi i slične stvari i slični problemi sa kojima se susreću ljudi koji su u sportu bili, ostali ili žele je li da uključe svoju djecu. Da naši treneri neće raditi za 10 maraka, sala, 10 maraka treneru, 10 maraka klubu. To tako ne može funkcionisati. Da jedan trener neće moći voditi djecu od Škole košarke, pa do prvog tima, nego da ćemo imati trenere koji će proći taj cijeli trenažni proces.

Malo sam se odmakla od konkretnog Budžeta 2023. godine, ali eto nekako dotakli smo se i ovih tema i smatram da u nekom narednom budžetu će ove stvari biti na bolji način raspoređene. Ali evo Klub vijećnika, odnosno vijećnica Platforme za progres će usvojiti, odnosno glasati za Prijedlog budžeta za 2023. godinu. Ali hajd da kažemo pod navodnicima uslovno, jer čekamo evo i vršioća dužnosti i ovo Gradsko vijeće da ispoštuje na rebalansu ono o čemu smo razgovarali, o čemu smo govorili. Toliko. Hvala.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Zahvaljujem kolegici, vijećnici Ćatibušić. Zaključujem raspravu klubova vijećnika. Otvaram raspravu vijećnika i napominjem da rasprava vijećnika traje pet minuta. Prvi zadiskusiju se javio vijećnik Anel Ibeljić. Nek se pripremi vijećnik Mensur Alić.



## ANEL IBELJIĆ

Hvala družu Elvire. Ja sam stvarno imao potrebu da se još jednom javim i da kažem nekoliko dodatnih stvari o zaista izvanrednom prijedlogu Budžeta za 2023. godinu. Svoje prethodno izlaganje sam prekinuo upravo na onom najvažnijem pitanju za naše građane posebne, posebno u ovim zimskim danima, a to je širenje mreže toplifikacije. Naš najveći problem u svemu ovom jest u stvari Termoelektrana koji predstavlja jedan od deset najvećih zagađivača zraka u Evropi, koja godišnje spali 3,3 miliona tona uglja. Pored Termoelektrane problem predstavljaju i individualna ložišta koja godišnje spale svega oko dvjesto pedeset hiljada tona uglja. Međutim, ne smijemo zaboravit da je Grad Tuzla konstantno u prethodnom periodu izdvajao velika sredstva za toplifikaciju i širenje mreže su uložene desetine miliona Konvertibilnih maraka. Upravo posljedica, znači pozitivna posljedica svega toga jeste da Tuzla danas ima oko 60% domaćinstava koja su priključena na centralno grijanje. To je ujedno i najviše stanovnika u cijeloj Bosni i Hercegovini, ne centralnom grijanju daleko više od Sarajeva, Banja Luke i Mostara, a što je stvarno rezultat aktivne politike toplifikacije domaćinstava. Treba istaći da Grad Tuzla nastavlja tamo gdje je stao. Nastavlja sa razvojem, te tako su i u prijedlogu ovog budžeta predviđena pozamašna sredstva upravo za ovu namjenu.

Ovu priliku koristim upravo da i djelimično predstavim inicijativu koju sam danas predao prije sjednice vijeća, a koja je usmjerena na smanjenje aerozagađenja i to putem subvencioniranja ugradnjeh solarnih sistema za vlastite potrebe za fizička lica. Navedena mjera predstavlja jednu od mjera za ubrzanje tranzicije ka čistoj energiji i korištenje potencijala solarne energije u Bosni i Hercegovini. Primarni cilj ove mjere je da potakne građane, vlasnike privatnih objekata da koriste solarne panele i kolektore, kao mjeru podrške tranziciji ka čistoj energiji, borbi protiv zagađanje zraka i energetske siromaštva, smanjenja emisija stakleničkih plinova i broja građana koji boluju od respiratornih bolesti. Svakako ovdje treba naglasiti da trenutno postoje određene zakonske prepreke na višim nivoima vlasti, prije svega, mislim na Kanton i na Federaciju, ali imam neke informacije da će se u narednoj godini i te prepreke otkloniti, te mišljenja sam, a i nadam se da će stvarno Grad Tuzla, ovaj, krenuti u realizaciju jedne ovakve inicijative.

Nadalje, vrijedno je i za naglasiti da će se kroz veliki broj različitih projekata, Grad Tuzla pružiti finansijsku podršku za različite mjere u oblasti poduzetništva i poljoprivrede i to u iznosu od preko pola miliona KM, dok su u Budžetu predviđena sredstva u visini oko 6,5 miliona KM za finansiranje rashoda Službe za ekonomski razvoj, poduzetništvo i poljoprivredu.

Tako su predviđeni različiti grantovi kao što je grant za aktivnu politiku zapošljavanja, grant za razvoj primarne poljoprivredne proizvodnje, grant za podršku privatnim preduzećima i poduzetnicima, te brojni drugi grantovi.

Ovdje svakako moramo spomenuti i transfere za rad BIT centra u iznosu od 30.000 KM i Inkubator Lipnica u iznosu od 300.000 KM, a kojim se obezbjeđuju izuzetno povoljni uslovi za smještaj novoosnovanih firmi.

Ne mogu stvarno, a da ne pohvalim gradonačelnika i nadležne službe što su u Prijedlogu budžeta predvidjeli prilično visok iznos sredstava za finansiranje vjerskih zajednica, nacionalnih udruženja na području grada i to u iznosu od 136.500 Konvertibilnih maraka.

S obzirom da je Tuzla kolijevka multikulturalnosti i eklatantan primjer grada u kojem je moguć život po principu živjeti jedni sa drugima, a ne jedni pored drugih.

Raduje me i jako činjenica što su i predviđeni grantovi za kulturno nacionalna udruženja u iznosu od 20.000 KM, grant organizaciji Srpsko građansko vijeće Tuzla u iznosu od 5.000 KM, te grant za Jevrejsku općinu Tuzla u iznosu od 4.500 KM.

Suma sumaru svega ovog jeste da posmatrajući cjelokupan Bdžet, nesumnjivo proizilazi činjenica da pored toga što je socijalni, on istovremeno sadrži i razvojnu komponentu.

Naime, sve u Budžetu što se tiče urbanističke regulative, komunalnih projekata, kao što si širenje, rekonstrukcija vodovodne, kanalizacione, toplovodne mreže, izgradnja, rekonstrukcija i održavanje javne rasvjete i slično, zatim finansiranje različitih vrsta projekata u oblasti ekonomskog razvoja, poduzetništva i poljoprivrede, finansiranje civilnog društva i niza drugih aktivnosti iz oblasti društvene djelatnosti se može itekako smatrati razvojnom komponentom budžeta.

Evo danas smo poslušali, sigurno ćemo poslušati još neke diskusije jako konstruktivne. Ali ono što je najbitnije jeste da smo svi tu sa istom željom i ciljem, a to je da Tuzla bude a i ostane grad po mjeri svih građana koji ovdje žive. Hvala vam.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Hvala kolegi Ibeljiću. Sljedeći za riječ se javio vijećnik Mensur Alić. Izvolite.

**MENSUR ALIĆ – vijećnik Tuzlanske alternative**

Pa evo ja ću, ovaj, prvo sve da pozdravim prisutna na ovom Vijeću. Biću veoma kratak. Sve je rečeno o Budžetu i mislim da ne treba neke stvari ni ponavljati. Puno, ovaj, sam čuo diskusija, gdje su nepotrebne u dužini trajanja ponavljanjem svega onoga o čemu je govorio i VD gradonačelnik i ovaj pomoćnik načelnika za finansije. Mislim da tu trebamo malo smanjiti, da bi što, ovaj, kraće trajao Budžet, al da bude efikasno u dijelu diskusije.

Zbog toga želim samo da podržim ovo o čemu je Anel govorio. A to je kad su u pitanju subvencije za solarnu proizvodnju električne energije. Evo ja sam istrajo nakon dugo vremena. Prethodni ministar koji je bio za prostorno uređenje nije htio da izmijeni zakon kantonalni koji je jedini u Federaciji Bosne i Hercegovine, to je Tuzlanski kanton, imo zakon po kojima, po kojem, da bi gradili solarne panele morate imati urbanističku i građevinsku dozvolu. Ja sam istrajavao u dopisima i ostalim razgovorima sa premijerom. I evo Vlada Tuzlanskog kantona je konačno donijela odluku ukidanje tog člana, jer je jedini kanton u Federaciji Bosne i Hercegovine imao samo Tuzla. Svi ostali nisu imali. I zbog toga smo prošli neke velike muke, prvi koji smo krenuli u realizaciju solarnih panela. I evo očekujem sad, ide na Skupštinu, Skupština da potvrdi i daleko lakše će bit sad i na kućama postavljati i na fabrikama, na, na raznim objektima, zgradama i ostalo o čemu sam govorio što trebasvakako i razmisliti o tome da se osnuje javno preduzeće koje će se baviti proizvodnjom ove električne energije. To želim da, da, da napomenem.

Samo zalaganjem i na većim institucijama sa određenim ljudima u parlamentima možemo postići bolje finansijske rezultate za ovaj grad.

Kad je u pitanju o čemu je govorio kolega Mehmedinović. Mi moramo sjesti, mi moramo da sjednemo, ovaj, da vidimo sa Službom finansija postoje li mogućnosti o čemu je ono napomenuo. Ja sam mislio o tome govoriti da konačno ukinemo to neko pravilo. To zovu „Marka na marku“, a nije „Marka na marku“, nego je 20%. Da pokušamo ako imamo finansijska sredstva obezbijeđena iz drugih, drugih prihoda da to ukinemo. Konačno. Al da vidimo da li je to moguće zakonski, kad je uvedeno i na koji način i kako se to može ukinut, da bi svi građani na prostoru grada Tuzle imali iste uslove kad je u pitanju izgradnja infrastrukture.

Pošto sam rekao da ću biti kratak. Na kraju želim da se zahvalim gradonačelniku, koji je uveo praksu o čemu je Selma, ovaj, govorila. Uzela mi je prethodnu riječ, al ću je samo dopuniti i neka hvala joj, da je zvao sve stranke i pozicije i opozicije na razgovore kada je u pitanju kreiranje Budžeta. To je jedna nova praksa. Ja mu na tome se zahvaljujem i da nastavi tim putem kojim je krenuo i kad bude rebalans budžeta, i, i kad bude Budžet za sljedeću godinu. I u to ime mu hvala u ime moje, zbog toga, a naravno vidim da je to velika stvar i za opoziciju

kad dođe kod gradonačelnika da razgovara o budžetu, onda će manje ovdje, ovaj, i diskutovati i postavljat pitanje, zato ćemo imat prave, prave informacije na licu mjesta. Zahvaljujem.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Zahvaljujem vijećniku Mensuru Aliću. Vijećnik Ibeljić ima repliku. Kome molim vas?

**ANEL IBELJIĆ**

Kolegi Mensuru. Samo kratko. Ja ću samo da podržim svaku njegovu riječ koju je on sad izgovorio. Stvarno drago mi je, ovaj, svi smo svjedoci da je u proteklom periodu mnogo toga uradio upravo kada je riječ o ovom problemu, odnosno da se Tuzlanski kanton na neki način harmonizira sa ostalim kantonom, da otkloni sve prepreke koje trenutno postoje u ovom, u ovom pogledu. Ali takođe imamo po mojim saznanjima i istraživanjima određene probleme na višim nivoima vlasti. Prije svega, mislim na Federaciju gdje se ne dozvoljava, odnosno ne postoji mogućnost da fizička lica prodaju viškove svoje električne energije, odnosno njima se to dozvoljava, ali oni moraju platiti energiju koju prodaju, umjesto da bude obratno. Da vam plati onaj ko kupuje od vas, ovdje je stvarno neka ne popularna mjera, a koja će se prema mojim informacijama u narednom periodu, ovaj, otkloniti i doći do izmjene tih, tih zakonskih propisa. Hvala.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

(vijećnik Mensur Alić govori bez uključenog mikrofona op.a.). Kao može, može, može replika, ovaj. Dobro.

**MENSUR ALIĆ**

Ja, nije replika. Nego dopuna, dopuna njegovom izlaganju. U proceduri je novi zakon o prizvodnji ove električne energije u Solani i on je prošlo proceduru javnu raspravu u Nacrtu i sad kad se vlada nova uspostavi Federalna, ide na prvoj sjednici taj zakon se donosi, daleko, daleko bolji nego što je do sada bio. Evo to je informacija, ovaj, koju si evo možda i ti malo nisi dobro reko, saznao, ali dobro. Slažemo se u tome. Hvala.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Hvala i mislim, ne, ne, ne. Možemo bit ponosni na to da inicijative kreću upravo odavdje iz ovog Gradskog vijeća. Hvala ljepo. Hvala vam. Sljedeća za riječ se javila vijećnica, drugarica Ana Pejić. Izvolite.

**ANA PEJIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem. Evo ja vas sve srdačno pozdravljam, obzirom da se javljam prvi put. Prije svega bih se zahvalila Službi za budžet i finansije i gradonačelniku koji su izradili ovaj prijedlog budžeta. Kako već gradonačelnik u svom izlaganju reče ovaj, u ovaj prijedlog je inkorporiran

veliki broj prijedloga koji su proistekli iz javne rasprave i tako da slobodno mogu da kažem da je ovaj Budžet zapravo predstavlja dalji razvoj i izgradnju našeg grada u kontinuitetu.

Ono što me posebno raduje jeste izdvajanje oko 2.100.000 maraka za Obdanište „Naše dijete“ (NATAŠA PERIĆ – Tišina samo malo, molim vas), jer ipak su to naši najmlađi sugrađani i ujedno najosjetljivija kategorija kojim svakako treba posvetiti posebnu pažnju, a svjedoci smo enormnih poskupljenja cijena životnih namirnica koje ova Ustanova mora i treba svakodnevno da obezbijedi za normalan boravak naših mališana u vrtićima. Također, kad već govorimo o obdaništu, posebno treba da naglasim da mi je evo posebno drago je li za izdvajanje sredstava za otvaranje kompletnog otvaranje vrtića u Solini, obzirom da će se s tim rasteretiti postojeći vrtić na Brčanskoj Malti, jer evo ovaj gore dio od Brčanske, Solina, Dokanj, Breške, taj dio do sada nije imalo, ovaj, vrtić.

Osim navedenog, ja ću se ponovo dotać naših najmlađih, ovaj, sugrađana. Kada je u pitanju održavanje postojećih i nabavka novog urbanog mobilijara, vidim da su sredstva povećana ovim Budžetom, što svakako, ovaj, je veliki plus, je li, ali evo u razgovoru sa našim sugrađanka i sugrađanima iz Mjesne zajednice Batva, razgovarali smo da na tom dijelu nedostaje dječijih igrališta, ovaj i u komunikaciji sa Službom za komunalne poslove, evo raduje me činjenica da će sa ljepšim vremenom krenut se u realizaciju dječijeg igrališta u Mjesnoj zajednici Batva, tačnije Paša Bunar, obzirom da smo ispred Kluba vijećnika, kolega Kapidžić i ja imali već u maju inicijativu za sanaciju i rekonstrukciju tog igrališta, tako da, ovaj, mislim da će to našim najmlađim sugrađanima itekako, ovaj, uljepšati boravak napolju.

I pored navedenog, dotakla bih se samo još sredstava koja se izdvajaju za Službu za civilnu zaštitu, jer je itekako bitno (ELVIR BIJEDIĆ – Molim vas za malo tišine. Hvala) sredstva koja se izdvajaju za sanaciju za klizišta na području našeg grada, a u razgovoru sa nadležnom službom dobila sam informaciju evo da će se započeti u skorije vrijeme i realizacija sanacije klizišta u ulici Bajrama Malkočevića, Mjesna zajednica Brčanska Malta, o čemu je Klub vijećnika SDP-a imao već inicijativu u martu ove godine.

I evo također me raduje što su izdvajanja za sport, iako nije naša izvorna nadležnost, da su izdvajanja 1.800.000 maraka, što je svakako pohvalno.

Još jednom sve pohvale znači za ovaj Budžet i naravno ovaj svakako me raduje činjenica da je veliki broj diskusija iz javne rasprave uzet u obzir. Toliko.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Hvala vijećnici Pejić. Sljedeći za riječ se javio vijećnik Tanasilović, nek se pripremi vijećnik Muratović. Hvala.

**MIODRAG TANASILOVIĆ – vijećnik Socijaldemokratske partije**

Zahvaljujem dopredsjedavajući i evo iskoristit ću prvo priliku da pozdravim sve prisutne u salu. Dakle, kada je u pitanju Budžet za narednu godinu ovom prilikom želim da pohvalim predlagača BUDŽETA GRADA TUZLA ZA 2023. GODINU a to je vršilac dužnosti gradonačelnika gospodin Zijad Lugavić. S obzirom eto da ga poznajem više od 10 godina kako kroz posao ali i privatni život, te da imamo izuzetno dobru saradnju evo slobodno mogu reći drug Zijad Lugavić kao što on sam kaže više voli da ga tako oslovljavamo. Naravno kada je u pitanju kreiranje budžeta tu je sasvim neizostavna uloga Službe za budžet i finansije na čelu sa gospođom Suadom Isaković koja zajedno sa svojim saradnicima dakle, duži niz godina obavlja ovaj posao na naj-bolji mogući način. Ono što je bitno naglasiti da je Budžet Grada Tuzla za 2023. godinu nastavak kontinuiranog razvoja Tuzle koji je zaista intenzivan zadnjih 20 godina. Svi smo evo svjedoci dakle da je Tuzla postala turistički biser koji svake godine privlači sve

više posjetilaca. Prijedlog budžeta za 2023. godinu je svakako razvojni budžet što znači da uključuje sve aspekte budžeta i potrebe naših sugrađana dakle, počev od kapitalnih ulaganja. Sad da ne ulazim u cifre i da se ne ponavljam, sve je to decidno objašnjeno u izlaganju gradonačelnika i gospođe Suade. Dakle, u pitanju je poboljšanje komunalne infrastrukture i cestovne, energetske toplifikacija, vodosnabdjevanje itd. Pored svih ovih aspekata dakle, budžet uključuje jaku socijalnu politiku brigu za boračku populaciju i socijalno ugrožene. Takođe evo u prethodnim diskusijama je se spominjalo u više navrata tekuća rezerva, odnosno njeno ne-zakonsko i ne-transparentno trošenje, evo spominjao se i sport pa ću se kratko osvrnuti i na te stvari.

Što se tiče sporta svi znamo a evo i ponovili smo nebrojno puta da Tuzla, Grad Tuzla izdvaja ogromna sredstva za sport a što uopšte nije u njenoj nadležnosti, odnosno nije zakonska obaveza i kada spominjemo rezultate naših sportskih klubova, pa ne može jedan gradonačelnik ili šef Službe ili mi kao vijećnici da izađemo na teren ni da igramo da ostvarujemo rezultate. Za rezultate sportskih klubova odgovorna je uprava koja vodi te klubove i mi ako želimo da im pomognemo pomoći ćemo im na način da smo obezbjedili da svi ti klubovi imaju uslove za treniranje a do uprave je, odnosno njene sposobnosti da li može namaknuti dodatna finansijska sredstva kako bi se...da bi ostvarili što bolje rezultate.

Što se tiče tekuće rezerve da ona nije ovaj, tekuće rezerve gradonačelnika da nije trošena transparentno itd. kratko ću se evo osvrnuti. Da je o utrošku, Izvještaju o utrošku tekuće rezerve se re-dovno podnosio Vijeću iz njih se moglo vidjeti da su sredstva korištena transparentno i za iznenadne socijalne i društvene korisne potrebe kao što su pomoć školama za uvođenje grijanja, izgradnja kuća za borce, pomoć Ukraini, poplavljenim područjima itd. Dakle, zakonska mogućnost za tekuću rezervu je 3% od ukupnog budžeta što bi u našem slučaju bilo preko 2 miliona. Tekuća rezerva je u mandatima gradonačelnika Imamovića i sada neuporedivo manja i uvijek je trošena transparentno i zakonito. Dakle, treba ovdje istaći da je u 2020-toj godini vršena revizija u Gradskoj upravi, tj. da je bila Federalna revizija i da je konstatovano da su sredstva trošena transparentno i zakonito. U 2022.godini tekuća rezerva je bila 150.000 konvertibilnih maraka. Od tih sredstava utrošeno je za pomoć Ukraini 50.000 konvertibilnih maraka, preko 70.000 konvertibilnih maraka je utrošeno za utopljavanje i uvođenje grijanja u obdanište i u školu u Miladijama Udruženje „Tuzlanska Amica“, za grijanje u objektu Kuća porodica u kojem borave mladi iz Doma za djecu bez roditeljskog staranja, te oko 6.000 konvertibilnih maraka za Zavod za obrazovanje djece sa smetnjama u razvoju. Dakle, ništa od toga nije transparentno i neupotrebno i uvijek je i u ranijem periodu za slične namjene trošena, su trošena ova sredstva, a evo svi smo vidjeli da je u planu za 2023. godinu ovaj iznos od 100.000 maraka dakle, u kontinuitetu se smanjuje. Hvala. Toliko.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Hvala vijećniku Tanasiloviću. Sljedeći za riječ se javio vijećnik Damir Muratović, neka se pripremi vijećnica Esana Kavazbašić Huskanović. Hvala.

**DAMIR MURATOVIĆ – samostalni vijećnik**

Hvala dopredsjedavajući. Pozdravljam sve prisutne kako vijećnice i vijećnike tako i predstavnike službi, VD gradonačelnika i predstavnike medija. Ono što mogu reći vezano za budžet za 2023-u je da sa posebnim ponosom ponovo ističem činjenicu da su u budžetu i za 2023. godinu ostala ista sredstva od 38.000 KM za Udruženje građana roditelji i prijatelji djece sa dijabetesom „Novi horizonti“ i to nam je dokaz svima da se svaka borba na kraju isplati.

Također socijalna komponenta u ovom budžetu za 2023. godinu je zadovoljavajuća. Već su se neki vijećnici osvrnuli na to. Znači, ta socijalna zaštita, intervencije što se tiče socijalne zaštite su jako kompleksne, ali Grad Tuzla je stvarno pokazao sa, sa Službom da su obuhvaćene sve populacije, da može više i bolje može ali ovo je za svaku pohvalu s obzirom na one kodove koje sam dobio u materijalima znači, postoji taj kontinuitet.

Sa moje strane ide kritika. Što se tiče Javne rasprave ide pohvala, što se tiče kritika za ipak je moglo biti više obzirnosti uvažavanja prijedloga što se tiče amandmanskog, amandmanskog djelovanja. Ono što sam ja vidio i onih prijedloga koji su dolazili iz nekih prije svega ustanova i meni nije jasno stvarno mi usvajamo izvještaje tih ustanova i znamo kako posluju ustanove. Svi smo upoznati s izvještajima. Znamo ko su gubitaši ko...ali stvarno neki, neke stavke za koji oni traže bez...po meni ona obrazloženja što su oni pisali nisu baš najjasnija ali evo uporno mi interveniše kada njima po navodnicima zaškripi. Ono što je pohvalno za VD-a gospodina Zijada Lugavića jeste da je razgovarao sa svim vijećnicima i to je jedan novitet i to je, to je za svaku pohvalu i nadam se da će oko svih važnijih pitanja ovo predstavničko tijelo biti konsultovano kolektivno naravno na sjednicama Gradskog vijeća, a individualno preko klubova i individualno preko svakog vijećnika jer svako od nas predstavlja građane ovog grada prije svega. Neću se gađati epitetima nisam ekonomista kako inkluzivan, kapitalan, obuhvatan, realan ali stvarno ne želim da budžet bude kopi pejst i mislim da ovaj budžet ove godine ima dosta stavki, ekonomske stvari opet ne ulazim one moraju bit kopi pejst ali ima nekih stvari koje su što se tiče grantova evo bukvalno prepisane. Ponovo ističem te javne ustanove prije svega npr. veterinarska stanica malo mi to postaje za mene degutantno da mi interveniše. Znamo na koji način radi.

Ono što boli građane prigradskih mjesnih zajednica prije svega, ponovo ističem one što gravitiraju oko termoelektrane jeste ta, taj fond za naknadu od termoelektrane i opet ponavljam. Znam da je po zakonu ali nije ljudi moji dragi stvarno više nije pošteno da se ti transferi upućuju na ove stvari. Znamo da treba i za obdaništa, da treba i za rekonstrukciju objekata u gradu i za sve ostalo i znamo da su kapitalne investicije opravdane i što Mišo kaže transparentne ali mislim da stvarno trebamo učiniti sve da se građani tih prigradskih mjesnih zajednica osjećaju ravnopravno sa gradskim a nisu mislim, može me demantovat neko ako želi ali realno nisu prije svega što se tiče toplifikacije koja bi trebala bit potpuna, kompletna. Govorim o prigradskim mjesnim zajednicama koje gravitiraju oko termoelektrane, a onda i o svemu ostalom što je nerazvijeno, nedovršeno, započeto a nedovršeno u tim mjesnim zajednicama.

Posebno pohvaljujem planirano otvaranje jedinice Javne ustanove obdanište „Naše dijete“ moja malenkost s obzirom na svoju struku se stvarno zalagala i za Slavinoviće i za Simin Han i za Gornju Tuzlu. Znači, apsolutno mi je nebitno ko je predlagao, ali stvarno imam, imam pozitivne, pozitivnu, pozitivan ton o tome i nadam se da će ono što je rekao VD gradonačelnik da će taj rok biti i ispoštovan. Prije svega znamo koje probleme imamo sa poboljš...želimo svi poboljšati i prostorne i stručne kapacitete Javne ustanove „Naše dijete“ ali ne uzimajući za zlo privatnim obdaništima, ali sve je veći broj privatnih obdaništa i to mi kao Gradsko vijeće prije svega i na čelu sa gradskom upravom ne trebamo dozvoliti znači, i usvojeno je ispred Službe gdje je VD gradonačelnik bio šef godinama usvojena je, konkretno je bila moja inicijativa ili zaključak ne mogu se više sjetit vezano za otvaranje obdaništa jedne jedinice na području Bukinja ili Šićkog Broda ali evo dvije, gotov nepune, nepune dvije godine nije ništa realizirano a nadamo se da će i to biti.

Ono što posebno ističem: Stavke u budžetu. Tiče se boračkih udruženja. Da ćemo po prvi puta znači imati dostojan spomenik 15. maj braniocima grada Tuzle i to je za svaku pohvalu. Znači, tu je postojala jedna sinegrija i Službe i boračkih udruženja i svih ostalih. Takođe i ovaj spomenik koji je planiran gore svim tuzlanskim brigama, jedinicama znači, i prvoj, drugoj i trećoj i petnesto, HVO i svim onim jedinicama MUP-a je za svaku, svaku pohvalu. Imat ćemo dostojan spomenik pored onog spomenika iz narodnooslobodilačke borbe

Drugog svjetskog rata i mislim da će to biti jako dostojan spomenik i imamo još jedan datum to je 16. maj. Mislim da ćemo i mi vijećnici tu biti prisutni to je dan tuzlanskih brigada i misli da je i to jedna, jedan historijski, historijski čin znači, ono sve što se mi ponosimo znači „Odbrambeno-oslobodilačkom ratu“ tako da mislim da je za svaku pohvalu ovaj dio. Pogotovo ističem napor boračkih udruženja. Od amandmanskog djelovanja mi smo odustali kolega Mirel je već rekao, jer su amandmani podneseni prošlih godina djelimično, nisu u potpunosti, djelimično usvojeni, prije svega odnosi se na ova igrališta, to smo i u razgovoru sa VD gradonačelnikom utvrdili da i prigradske mjesne zajednice moraju dobiti jedno moderno ili barem, barem jedno a eto i dva u dvije i dvadesettrećoj moderna sportska igrališta.

Ono što još želim istać, a nadam se da mi vrijeme ne ističe? Ako mi možete dati malo? (ELVIR BIJEDIĆ – Isteklo je al može.) Vidi se tu od gospođe Mirele Ulje iz službe vidi se njen plan i program rada. Imao sam priliku saradivati. Ono što nije u njenim rukama jesu ti izvođači znači, ja ih ovdje ne bi navodio piše mi u zagradi, znaju se ko su oni. Ti ljudi crpe budžet, crpe građane znači, novac svih nas znači, a ne drže se rokova, ne plaćaju penale itd. Tako da je to jedan posao za VD gradonačelnika da se stvarno mora ozbiljno pozabavit izvođačima radova koji ostvaruju ekstra profit sa svim tim stanovima a način na koji se ponašaju čak i pretnja nekim službenicima i šefovima službi malo su ponavljam ponovo degutantne. (ELVIR BIJEDIĆ – OK. Hvala.)

Ono što posebno na kraju, na kraju ističem jeste da pružamo podršku i glasat ćemo za budžet prije svega iz razloga što je gospodin Lugavić izrazio spremnost za saradnju sa svim vijećnicima, a u ostalom i sve ove stavke na kojima smo insistirali u ovom dosadašnjem dvogodišnjem radu u svom djelovanju i amandmanskom djelovanju na budžet i svemu ostalom smatramo da su, da su te stavke u većoj, većoj mjeri usvojene i da je uvažen glas bez, glas nas bez obzira što dolazimo iz opozicije. Hvala vam puno.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Hvala kolegi Muratoviću. Sljedeća za riječ se javila vijećnica Esana Kavazbašić Huskanović i molim vijećnika Mehmedinovića da se pripremi za diskusiju. Hvala.

**ESANA KAVAZBAŠIĆ HUSKANović – vijećnik Platforme za progres**

Dobar dan svima. Ja nisam pripremila nešto moje izlaganje posebno za danas međutim, nešto mi je upalo u oko u ovom budžetu, a to je da smo vodili računa o svemu osim ekonomskom razvoju. Ja smatram da ekonomija treba biti prva i jedina osnova iz koje ćemo znači, kreirati sve ostalo. Znači, budžet može biti razvojan, zatim kapitalan i onda na kraju socijalan. Da bi bio socijalan mi moramo imati dovoljno sredstava u budžetu, a da bi imali dovoljno sredstava u budžetu moramo imati dobro razvijenu ekonomiju koja će puniti taj budžet naravno kroz privatne firme, javne ustanove, za sve one organizacije znači koji pridonose novac u budžet.

Smatram i žao mi je što u ovom budžetu znači nisu planirana veća sredstva za industrijsku zonu za stimuliranje manjih privrednika, obrtnika, a naročito onih koji zapošljavaju i jednu osobu za olakšavanje njihovog grada i za stimulaciju znači firmi za zapošljavanje novih osoba. Nadam se da će u nekim drugim budžetima se više raditi na toj stimulaciji i na otvaranju novih radnih mjesta jer kad imamo više radnih mjesta onda nemamo potrebu za izdvajanje većih sredstava za socijalnu pomoć jer će ti ljudi imati negdje raditi, jer trenutno smo u situaciji znači gdje imamo jako puno nezaposlenih osoba ili sa minimalnim primanjima. Dobili smo skoro mail od uposlenih u Javnom preduzeću „Komunalac“ gdje su radnici molili da im se poveća plate i što smatram da je realno pogotovo radnicima koji rade na ulici, koji rade na

higijeni grada, koji podnose najteži dio posla i imaju najmanje plate. I smatram da to treba biti pod hitno promjenjeno u smislu toga da im trebamo pomoć i naći nekako sredstva da im se povećaju te plate. A uz to bi voljela kad bismo u nekim sljedećim budžetima isto razmišljalo da zaposlimo veći broj ljudi isto tako u komunalcu jer trenutno kad pogledamo grad ne izgleda toliko čist i smatram da imamo manjak osoba koje rade na ulici, manjak tih higijeničara znači, nemamo dovoljno znači mobilijara koji treba biti na ulicama pogotovu u naseljima koji se ne nalaze u centru grada. Takođe smatram da koliko trebamo pomoći, mi smo razgovarali u vezi toga „Naše dijete“ kao javnu ustanovu da ako nemamo mogućnosti da kapacitete koje treba popuniti kroz „Naše dijete“ da to uradimo znači, preko privatnih obdaništa, s tim što bismo ih stimulisali na neki način kroz neke programe, kroz novac, kroz te neke beneficije gdje bi mogli znači rasteretiti same roditelje ako nemaju mogućnosti da dođu u javnu ustanovu znači, da mogu ići u privatnu ustanovu ali da otprilike plaćaju istu razliku cijene. Ja sam zadovoljna ovim sadašnjim budžetom jer treba biti realan s obzirom na stanje kako je bilo do sad i situacija koja je trenutno prisutna. Želim pohvaliti sve Službe koje su učestvovala znači u njegovoj izradi da su uradile dobar posao i mi ćemo podržati znači ovaj budžet, ali i zahvalna sam zaista gradonačelniku što nas je pozvao, što smo razgovarali, što smo iznijeli ono što mi kao članice Platforme za progres smatramo da je važno. To je prvi put da se desilo da je uopšte neko želio saslušati to što mi imamo da kažemo za razliku od bivšeg gradonačelnika. I to smatram izuzetno jednim dobrim korakom ako ništa prema nama opoziciji koji smo do sad bili skoro pa nevidljivi. Al et nadam se u nekom budućem periodu 2023. – 2024. da jednostavno moramo intenzivno početi raditi na našem ekonomskom razvoju. Iz ekonomskog razvoja proističe sve ostalo. Imat ćemo bolje zdravstvo, imat ćemo bolju socijalnu skrb, imat ćemo bolje obdanište, imat ćemo...Mi ako nemamo novca u budžetu mi nemamo sredstava za, za daljnji razvoj za bilo šta da radimo. Znači, zamolila bi gradonačelnika, zamolila bi službe da počnemo raditi malo više na toj industrijskoj zoni, da olakšamo firmama da dolaze u Tuzlu, da otvaraju svoje firme, da otvaraju svoje hale, sve ono što mi možemo kao grad učiniti da njima olakšamo, da registruju svoje poslove, da im izađemo tu u susret. Hvala vam.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Zahvaljujem vijećnici Esani Kavazbašić Huskanović. Vijećnik Mehmedinović sljedeći se javio za riječ. Izvolite. Neka se pripremi vijećnik Berbić.

**SENAD MEHMEDINOVIĆ**

Hvala najljepša. Drugi dio. Počinjem tamo gdje sam završio na prvom izlaganju zato što smatram da je veoma bitno naglasiti ponovo ovaj rashod Službe za civil...Službe civilne zaštite i podvlačim i ponavljam subvencioniranje troškova sanacije zajedničkih dijelova zgrada. Volio bi da dobijem informaciju da li se tu isto planira subvencioniranje troškova uklanjanja arhitektonskih barijera?

Mi smo prošle godine ovo usvojili ja mislim za budžet za prošlu godinu u Narodnom pozorištu Tuzla i onog čega sam se bojao, bojao sam se da neće bit dovoljan broj aplikanata koji će aplicirati da bi ostvarili ova prava i onda kada sam vidio rezultate tog poziva obradovala me činjenica da ima vlasnika, da ima etažnih vlasnika stanova koji su aplicirali i time se omogućilo kretanje osobama s invaliditetom u tim zgradama gdje su se realizovali projekti i mislim da je to jedna odlična stvar što smo mi kao Vijeće usvojili za prošlu godinu i očekujem da će to biti i ove godine.

Kada je u pitanju Služba za kulturu, sport, mlade i socijalnu zaštitu apsolutno podržavam povećavanje sredstava za grantove za kulturne manifestacije, sportske manifestacije, grant za



projekte za mlade, za neprofitne organizacije ali je posebno nešto što je značajno je ovaj grant crvenog križa za projekat tuđe njege i pomoći u gradu Tuzla. Ja lično mislim da je ovo jedna ple-menita misija zato što mi u gradu Tuzli imamo znači, to su zvanične informacije oko 24 hilja-de penzionera dakle, osoba koje primaju penziju. Koliki je još broj onih osoba treće životne dobi koji nemaju nikakva primanja. Znamo kakve su migracije, odnosno odlazak mladog stanovništva i nažalost postoji sve veća potreba za tuđom njegom i pomoći starih lica i onih koji su u institucionalnom smještaju i onih koji su sami u stanovima na nivou grada Tuzle. Nažalost se povećavaju i ova sredstva u smislu da imamo potreba u smislu tuđe njege i pomoći, ali dobro je što se povećavaju da ime evo institucija košto je Crveni križ koji radi ovaj plemeniti projekat, plemenitu misiju.

Komunalna infrastruktura jedna od namjena je održavanje, izgradnja, rekonstrukcija semafora, horizontalna i vertikalna signalizacija. Možda bi volio da u budućnosti razmišljamo svi i o zvučnim semaforima koji nedostaju gradu Tuzli i mi imamo samo raskrscopicu evo kod fakulteta, tamo gdje je moje edukacijsko-rehabilitacijski to je Mejdan- Omega dakle, tu imamo samo zvučne semafore. Bilo bi dobro na svim evo većim raskrscopicama i to je inicijativa današnja moja koju sam tu predao, da se urade dakle semafori sa zvučnom signalizacijom i onda imamo. (ELVIR BIJEDIĆ – Molim za malo tišine samo.)

Izgradnja i tekuće održavanje trotoara jedna namjena. A sad dole kad čitam prije Službe iste postoji održavanje trotoara bez izgradnje i prije pisalo arhitektonske barijere sad ne piše arhitektonske barijere. Ne znam samo jel to neka tehnička greška? Ali evo sugestija dakle, da kad govorimo o izgradnji trotoara prije je pisalo uvijek i arhitektonskih barijera i ja mislim da to treba da stoji ovdje i u namjeni sredstava i za kraj.

Ono što se može zaključiti, a bilo je već nekih diskusija vezano kako kotira Grad Tuzla? Dakle, jedni od podataka koji mogu da se gledaju to su socio-ekonomski pokazatelji Federacije Bosne i Hercegovine i za 2021. godinu dakle, nema to još za 2022. godinu, prema indeksu razvijenosti Grad tuzla je deveta na nivou Federacije i u odnosu na 2020. godinu mi smo otišli za jedno mjesto niže. Ispred nas je sad Doboj Jug. To ne-zna-či da se mi nismo razvijali, ali može značit da su neki drugi malo bolje se razvijali u odnosu na Tuzlu.

Šta isto je interesantno a to je broj zaposlenih. Evo s tim završavam. 2020. godine npr. 36.000 zaposlenih je bilo 978 da ne idem sad u detalje. 2021. godine je povećan broj zaposlenih lica na nivou grada Tuzle i to je otprilike za nekih 1300. Ako se i dio od tih 1300 odnosi na onu aktivnu politiku zapošljavanja gdje se izdvajaju sredstva ovo je pun pogodak, što znači da trebamo još više da izdvajamo sredstava za ovu namjenu. I možda ono o čemu bi trebao VD gradonačelnik u budućnosti razmišljat i o čemu bi svi mi trebali da razmišljamo a to je tzv. pronatalitetna politika. Znači, ja znam da to nije na nivou Grada Tuzle, na nivou lokalne zajednice al to su stvari o kojima moramo da razmišljamo. Dakle, govorim o podacima koji su novi. Prirodni priraštaj za nivo Grada Tuzle pazite novorođenih u 2021. godini, novorođenih je 771 a umrlih 1618. za 2020. godinu 829 novorođenih, umrlih 1430.

Predlažem zaključak da u budućnosti VD gradonačelnik zajedno sa svoji Službama održi sastanak i da se uradi analiza demografskog razvoja Tuzle i predlože mjere pronatalitetne politike. Znači, ovo treba da krenemo i od nivoa države, ali evo da mi krenemo od nivoa lokalne zajednice i za ovim postoji potreba jer nam je prirodni priraštaj sve manji. Hvala ljepo.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Zahvaljujem kolegi Mehmedinoviću. Sljedeći za riječ se javio vijećnik Omer Berbić. Koristim samo priliku da kažem Omere da možete dobit vrijeme ukoliko želite da obrazložite svoje amandmane u vašem sada izlaganju. (vijećnik Omer Berbić govori bez uključenog mikrofona op.a.) Hvala.

## OMER BERBIĆ

Hvala ljepo. Evo kolega Mehmedinović je zaista iznjeo neke frapantne podatke ali neću, neću uopšte da ulazim u to, to sam analizirao u prošloj diskusiji. Ja sam predao 15 amandmana na Budžet Grada i amandmani se skidaju sa granta za RTV 7 sa kojim znate da imamo problem jer nije demokratski orjentisan, odnosno uređivačka politika to, to uže rukovodstvo nije demokratsko orjentisano i mislimo da bi se trebalo ono više tržišno pozicionirati nego da mi to iz budžeta plaćamo privatne medije nekih stranaka.

Druga stvar s koje sam skidao jeste transfer za rad parlamentarnih grupa koji je ogroman i možda je ponajveći u Federaciji ako nije najveći, jer mislim da političke stranke trebaju sve više da se povlače u smislu toga da se finansiraju od strane svojih članarina a ne, ne konkretno iz budžeta. Iz budžeta treba jedan dio ali ne ovoliko.

I treća stvar sa koje sam skidao mislim da je bilo u pitanju tekuća rezerva za koju opet kažem zahvalan sam gradonačelniku što je smanjio, ali evo to bi bio moj prijedlog. I sada evo ja bi samo obrazložio kratko ovih 15 amandmana.

Prvi amandman je bio da se napravi 20.000 maraka da se da za "Idejni projekat stare, drvene čaršije". Za one koji ne znaju Tuzla je u historiji bila poznata kao drveni grad. Imali ste dvije kapije i drvenu čaršiju po uzoru na Baščaršiju, tako je izgledala i ovo bi bio projekat Javno-privatnog partnerstva gdje bi Grad Tuzla dao zemljište a investitor bi plaćali da dobiju prostore drvene i to bi uglavnom bili prostori za stare zanate i po uzoru na Baščaršiju dobili bi jedan potpuno novi dio grada gdje bi se moglo razvijati stari zanati, pa u neki dio čak da se prebace one šiša barovi koje bi trebalo zabraniti u užem jezgru grada.

Druga, drugi amandman je bio da se rekonstruira stari bazen u Slavinovićima. Mi svi znamo gdje je stari bazen u Slavinovićima i ja sam ovdje citirao, odnosno Tuzlarije bhstring.net kolika je to zapravo bila atrakcija.

Treći amandman je bio da se saniraju fasade, odnosno da Grad subvencionira saniranje fasada u užem centru grada. Svi smo svjesni da se fasade u užem centru mogu voditi kao jako opasne po život s obzirom na to da malo malo pa otpadne dio fasade samo da nekog opali u glavu, sekunda fali, tako da bi Grad Tuzla ovim pozitivnim poticajem faktički subvencionirao da građani sebi ove fasade na neki način riješe. Ima tu i drugih ideja kao da se napravi takmičenje umjetnika u dizajnu fasada pa bi onda imali 10-15 fasada od umjetnika koji bi u budućnosti postali možda i svjetski poznati u centru grada gdje bi mi postali unikatno lijep grad.

Dalje 350.000 maraka je za subvencije za kupovinu autobuskih karata stanovnicima grada Tuzle. Ovdje sam zahvalan što se jedan dio usvojio pa ide 100 maraka po djetetu ili učeniku za subvencije. To nije mnogo, to nije dovoljno ali evo dobio sam čvrsto obećanje od VD gradonačelnika Lugavića da će se ići u budućnosti da se ovaj problem riješi jer ovo je gorući problem grada Tuzla.

Dalje, izgradnja IT Huba uz objekat Doma mladih. Znači, IT Hub bi bio Hub gdje bi IT nomadi mogli da dolaze, da rade sa svojim istomišljenicima gdje bi se pravile otvorene diskusije itd. po uzoru na svjetske metropole čak ne ni svjetske nego na regionalne metropole. Evo grad recimo Sarajevo ima par tih IT Hubova i mislim da bi Tuzla kao veliki potencijal radi, radi univerziteta i svega treba da se okrene prema, prema ovim novim rješenjima,

Dalje, sanacija platoa ispred rijeke, pored rijeke rijeke Jale u centru grada. Znamo svi za dobro poznati plato gdje se mladi okupljaju, izlaze naveče. Jednom sanacijom ovog platoa mi bi zaista to jedno kultno, kultnu lokaciju u Tuzli doveli da ona postane još posjećenija i još bitnija.

Onda popravka parka kod objekta stare mjesne zajednice Ši Selo. To je objekat u kojem se skupljaju miševi gdje sam imao par inicijativa. Tu je jedan naš fantastični arhitekta Nakić Avdić koji je sad otišao u Njemačku dao jedan prijedlog rješenja gdje se može puno starih materijala koristiti reciklažnih i gdje to ne bih koštalo više od nekih dvadesetak-trideset hiljada

maraka da djeca tog dijela grada, odnosno Ši Sela dobiju jedan trgić, jedan parkić za igranje i gdje bi se moram tako reći alkoholičari koji se tamo skupljaju potjerali ili nadzornim kamerama ili policijom.

Dalje, 3000 maraka za idejno rješenje za sanaciju apartmana u Neumu u vlasništvu Grada Tuzle. Svi znamo da Grad Tuzla posjeduje apartmane u Neumu. Ovi apartmani bi se mogli koristiti za mnogo, mnogobrojne svrhe kao što su socijalne nagrade ali i na kraju krajeva privredne kako bi sami otplaćivali svoj kredit koji bi uzeli za sanaciju ovih apartmana.

Dalje, izrada idejnog projekta za fabriku otpadnih voda. Grad Trebinje je 90% para povukao od Evropskih fonova za fabriku otpadnih voda grad Tuzla to isto može što bi puno smanjilo neugodne mirise i higijenu rijeke Jale, jer bi se dole ispod Jale jedna cijev gdje bi otpadne vode išle i to bi se dovuklo tamo do Šićkog Broda ili negdje dalje gdje struka procijeni i ta fabrika otpadnih voda bi se tu napravila.

Sljedeći amandman je da se napravi igralište za djecu na lokaciji Paša bunar. Tu smo kolega Admir i ja, Ado i ja davali više inicijativa i Selma i ovo je inicijativa koja bi značila da će djeca na Paša bunaru napokon dobiti moderno igralište. Sada je tu neki improvizovani koš koji nema nikakvog smisla.

Dalje, 20.000 maraka za izgradnju prilaza za kolica na objektu Doma zdravlja kod ulaza na Pedijatriju. Djeca već, odnosno roditelji trideset-četrdeset godina nose svoju djecu u kolicima umjesto da ih guraju gore na Pedijatriji. I to je jedna od inicijativa koja se može možda iz tekućeg Budžeta završiti a jako bi bila bitna za grad Tuzla.

Onda, 30.000 za projekat za onlajn praćenje i plaćanje računa svih usluga građana javnih ustanova i javnih preduzeća. Ovom metodom bi mogli preko onlajn bekinga plaćati sve naše račune što bi smanjilo redove čekanja i ostale kerefeke koje nisu potrebne.

Dalje, 200.000 maraka na izgradnju poslovnih zona. Ovdje sam se posebno bazirao na poslovnu zonu Gornje Tuzle koju imamo u Planu rada Gradskog vijeća da će se doći regulacioni plan tu i tu bi znači 200.000 maraka izgradili poslovne zone, odnosno infrastrukturu u poslovnim zonama. Kroz razgovor sa gospodinom Lugavićem govorili smo o tome da će se ići zaista u ovome pravcu ali je upitno je ukoliko sada može ovaj amandman usvojiti tako da evo i ja poštujem i taj i taj odgovor (ELVIR BIJEDIĆ – Samo kolega Berbiću ako, ako ste pri kraju pošto...) Evo ja još tri amandmana da ne bi uzimo drugu diskusiju. (ELVIR BIJEDIĆ – Ja, ja. Ali smo, već smo dobili pa samo ih ukratko pročitajte.) Evo tri amandmana samo da ne idem u drugu diskusiju zato sam ja malo odužio. (ELVIR BIJEDIĆ – Ukratko molim vas. Hvala.)

Znači dalje, 60.000 maraka „Saobraćaj i komunikacije“ da bi se formirala majstorska brigada. Ona bi imala tesare, molere, majstore itd. pod Upravom „Saobraćaj i komunikacija“ koji bi vršili tekuće održavanje, umjesto da tekuće održavanje plaćamo masno iz Budžeta ili kada nam se nešto u potpunosti raspadne da onda mi to moramo na neki način Javnim pozivom rješavati.

70.000 maraka za nabavku zemljišta za Dom kulture u Šićkom Brodu. Pročitao sam ovaj Javnu raspravu. Ljudi su dole željeli Dom kulture u Šićkom Brodu, bio sam u Šićkom Brodu tamo nema apsolutno ništa što bi ljudi mogli raditi u svoje slobodno vrijeme. Mislim da je to opravdano, al tamo Služba kaže da nema zemljište za izgradnju. E pa ovim bi dobili zemljište za izgradnju upravo Doma kulture u Šićkome Brodu pa da onda na rebalansus na idućem budžetu idemo u tom pravcu da se tu, da se tu nešto izgradi.

Ovo je mojih 15 amandmana, 22 amandmana sam imao na nacrtu i nadam se da će se dobar dio, pošto ovi amandmani nisu ni amandmani koji meni nešto previše pogoduju ali bi zaista pogodovali gradu Tuzla i u jednom urbanom razvoju. Većina ovih amandmana se može riješiti Javno-privatnim partnerstvom. Ono što ne može možda se može iz tekućih stavki Budžeta rješavati. Hvala ljepo (ELVIR BIJEDIĆ – Hvala.) i sretno.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Hvala kolegi Berbiću. Vijećnik Hirkić. Izvolite.

**HASIB HIRKIĆ – samostalni vijećnik**

Zahvaljujem. Evo da pozdravim sve prisutne i da nam zaželim uspješan rad danas. Evo kao na početku da se zah-valim gradonačelniku i službama što su prepoznale inicijative kao i amandmane koje sam već podnosio u nekom prethodnom vremenu za izgradnju Spomen obilježja 15. maj, subvencije ove za prevoz učenika, demobilisanih boraca, penzionera itd. nadam se da ćemo u skorije vrijeme riješiti rad ambulanti vikendom. O tome sam već razgovarao i pričao koliko je, koliko je to prijeko potrebno našim građanima imajući u vidu da su male penzije, da neki nemaju nikako primanja, da otežano je doći do, do hitne pomoći u centru grada itd. itd. pa se nadam da, da ćemo evo iznaći rješenje i zato da, dal će raditi ambulante subotom i nedjeljom ili će hitne pomoći Istok i Zapad bit to će opet ostat u nekom narednom periodu da se i dogovorimo kako ćemo to prevazići.

Želio bih da se zahvalim i vezano za apoteke ovo što vidimo da su sredstva znači izdvojena, a na tome je insistirala doktorica Lejla Osmančević. Više puta je znači pominjala, objašnjavala šta, kako na koji način zašto su Gradske apoteke potrebne, na koji način treba da funkcionišu itd. itd. zahvalni smo i mi kao Klub ćemo podržati znači budžet. Definitivno vidimo da je budžet u svakom smislu posložen, da sve prijedloge koji su dolazili da li od vijećnika ili od građana, pa vidimo čak i evo Savjeti mjesnih zajednica da su se uključili, al tako moram napomenuti ono što možda neki nisu vidjeli da od ukupno 40 Savjeta mjesnih zajednica 20 su se složili sa onakvim budžetom kakav je predložen, pa evo da nije sve crno u gradu Tuzla (ne čuje se na snimku op.a.) oni koji vo-de te mjesne zajednice složili se sa ovim ovako kako je napisano i mislim da to treba tako i prihvatiti. Evo zahvaljujem.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Zahvaljujem kolegi Hirkiću. S obzirom da smo iscrpili raspravu, diskusiju vijećnika.

Zatvaram i zaključujem diskusiju vijećnika i pozivam gradonačelnika Zijada Lugavića da nam pokuša odgovoriti na pitanja koja može, a ona koja ne da dakle, Službe da odgovore pismenim putem. Izvolite.

**ZIJAD LUGAVIĆ - novoizabrani vršilac dužnosti  
gradonačelnika Grada Tuzle**

Sve vas srdačno još jednom pozdravljam. Bio je veliki broj pitanja. Ja ću pokušati da na neka odgovorim, na neka ćemo evo odgovoriti pismenim putem, jel bi mi stvarno uzelo dosta vremena da odgovorim na sva pitanja s jedne strane, a s druge strane ne mogu da budem toliko neodgovoran da vam dam bilo kakvo pitanje, bilo kakav odgovor na ovako kvalitetna pitanja i onda bi je bio nefer i nekorektan prema vama a to ne želim, ne želim da budem. Želim svaki odgovor koji vam damo da bude utemeljen na podacima i da on bude kvalitetan.

Prije svega dans mi je malo teško bilo slušati ovu raspravu i nekako bih vas zamolio i sve vas i sve nas da poštujemo dignitet vijećnika i vijećnica. To nam je veoma važno. Mi smo demokratsko društvo. Naravno možemo iznjeti svoj stav, svoje mišljenje ali evo da vodimo računa o dignitetu, da u komunikaciji budemo etični i moralni i da se koristimo tih principa kao što su to naši stari sigurno, sigurno radili.

Ovdje je ovako Termoelektrana jedno je pitanje bilo smanjenje, smanjenje proizvodnje električne energije jeli tako? Odnosno smanjenje prihoda od termoelektrane. Ono je direktno vezano za proizvedene megavat sate električne energije, obzirom da termoelektrana evoiz nekoga razloga iz godine u godinu proizvodi manje megavat sati električne energije onda je i prihod taj, taj manji.

Što se tiče izdvajanja sredstava što ste napomenuli tamo za izbore. Bilo je pitanje u mjesnim zajednicama. Dakle, izdvojena su sredstva i za izbore u mjesnim zajednicama i za prijevremene izbore. To mi je kolegica Asja rekla da je planirano dakle, u Budžetu za dvadesettreću godinu.

Što se tiče pitanja efekti zapošljavanja, odnosno aktivna politika zapošljavanja ranjivih kategorija moram reći da tu posebno ove godine imamo ogroman jedan iskorak jel smo se stvarno još više trudili da dođemo do što većeg broja privrednih subjekata i objasnimo im o čemu se radi, ali 24 osobe su dakle, uposlene kroz aktivnu politiku zapošljavanja. U ranjive kategorije ne spadaju samo mladi. U ranjive kategorije spadaju i osobe do 35 godina, osobe preko 55 godina, romska populacija, žene žrtve nasilja, djeca koja su bila štíćenici SOS sela ili Centra za djecu bez roditeljskog staranja koji su stariji od 18 godina. Dakle, veoma je, veoma je širok, širok spektar onih koji spadaju u ove ranjive kategorije.

Još jedno j epitanje bilo vezano za slijepe osobe u šalter sali. Dakle, kada o ovome govorimo upoznat sam da je ove godine bio raspisan Javni poziv za implementaciju i postavljanje linija koje bi vodile slijepe osobe do usluge koju oni traže u šalter sali međutim, nije bilo moguće pronaći firmu koja to radi. Sredstva su prenesena i u dvadesettreću godinu i nadam se da ćemo uspjeti naći izvođača koji će to implementirati.

Što se tiče sljedećeg pitanja koji je bio vezan za opremu Službi za opće poslove tu je planirano da se nabave dva mala vozila, da se urade dodatni poslovi na digitalizaciji, nabavka računarske opreme i druge opreme.

Kada govorimo o podršci opet privrednicima i poduzetnicima danas ćete razmatrati Odluku o oslobađanju samostalnih djelatnosti od plaćanja taksi prilikom registracije što je evo još jedan iskorak u odnosu na sve ove vidove podrške koje mi direktno iz Budžeta pružamo, ali ne trebamo gledati usko tu podršku jel ovo su direktna finansijska sredstva koja se daju s jedne strane, a s druge strane imamo sve ove indirektno pomoći koje su vezane i kroz infrastrukturu i kapitalna ulaganja i kroz obrazovanje i kroz razvoj i kroz promociju, rad nevladinog sektora. Dakle, to je veoma široka ovlast u kojoj se može radit a koja pogoduje poslovnom i životnom ambijentu.

Kada govorimo o uklanjanju barijera na javnim površinama prvo ću reći ne stoji tačno u nazivu, ali se podrazumijeva i bit će realizovano kao što je to i do sada bilo. Kada govorimo o uklanjanju barijera u zajedničkim dijelovima prostorija tu sam dobio informaciju dakle, da je do sada sufinansirano 95% troška dakle, pravljenja ja ću to sada nestručno nazvati rampi dakle koje pomažu nepokretnim osobama koje koriste kolica da se mogu popeti u zajednički dio dakle, ulaza u zgradi, a evo ja ću pokušati i zajedno s vama da to od 2023. godine bude 100%, da ne bude ni 95%. Dakle, da mi snosimo čitav taj trošak. Takođe u ovom ekonomskom kodu je govoreno da se uređuju fasade, krovovi, zajednički dijelovi prostorija. Dakle, u okviru Službe civilne zaštite imamo planirana ova sredstva i za uređenje fasada i krovova dakle, prema Pravilniku koji ste vi usvojili kako se ona već dodjeljuju.

Još jedan prijedlog je bio. Ja ću to sad nazvat zvučni semafor. Dakle, na postojećim semaforima zvučna signalizacija. Ove godine nismo uspjeli da uradimo. Sa kolegicom Mirelom sam razgovarao dvadesettreće godine ćemo ići na nekoliko raskrsnica da to uradimo, a onda ćemo i narednih godina sigurno ići da proširujemo tu praksu i na što veći broj, što veći broj. Radovi? Bilo je pitanje radovi na Korzu jel tako? Bilo je ja mislim 100.000 maraka ako ne...(vijećnik Omer Berbić govori bez uključenog mikrofona op.a.) 230.000 ove godine je realizovano. Tamo gdje ste vidjeli da su one kanalice bile odvodne bile potonule, bile uništene

dakle, radilo se tu da se napravi što lakše hodanje da kažemo po toj nekoj horizontalnim površinama, mijenjane su one betonske ploče i sve ono kako bi se napravilo što lakši prilaz, hodanje i druženje na toj površini. Nastavit će se aktivnosti u dvadesettrećoj godini dakle, da to napravimo da bude što bolje.

Kada sam govorio o ekonomskom razvoju ekonomski razvoj u bilo kom segmentu u bilo kojoj državi uvijek podrazumijeva i razvoj turizma. Tako i ovdje na području grada Tuzle, ali to ću malo kasnije neke podatke iznijeti.

Ja još jednom kažem, a evo i ističem da sam siguran da ćemo svi zajedno sve one dobre projekte koji imaju velikog uticaja na sve građane, koji će obezbjediti svim građanima boljitak u budućnosti ćemo zajednički evaluirati i dogovarati se za njihovu implementaciju.

Upošljavanje koliko već je planirano? Dakle, mi od korone nismo vršili upošljavanje na mjesta uposlenih državnih službenika i namještenika koji su išli u penziju i tu smo napravili veoma veliku razliku između sistematizovanih i popunjenih radnih mjesta. Sada je ovo samo jednim manjim dijelom dakle, i onih koji idu u dvadesettrećoj godini u penziju je planirano popunjavanje, al opet je veći broj onih koji će otići u penziju u odnosu na ovaj broj popunjavanja. Mi moramo to da radimo sve dok ne dođemo u da kažemo situaciju da imamo veću upotrebu novih savremenih digitalnih tehnologija koje će pospješiti efikasnost rada dakle, javne uprave kroz samu upotrebu al što uveliko trenutno zavisimo i od viših nivoa vlasti i oni moraju da implementiraju određene preduslove da se stvore da bi mi mogli ubrzati taj tempo razvoja al smo na dobrom putu. I to je što se tiče broja uposlenih.

Sjenjak? 300.000 je bilo planirano za nabavku prostora Mjesne zajednice na Sjenjaku. Ove godine Javni poziv se nije okončao iz razloga što za ovu sumu se niko nije prijavio. Planirana su sredstva na osnovu novih procjena stanja na tržištu za dvadesettreću godinu u iznosu od 400.000 konvertibilnih maraka, a obzirom da imamo stalnu potražnju građana Sjenjaka da im se obezbjedi adekvatan prostor i mislim da ćemo naći neki prostor za ovu planiranu sumu. Ovo novci za izbore sam rekao.

Sada da se samo nakratko vratim na ekonomski razvoj. Ja bih želio i ja ne volim paušalne ocjene. Dakle, kada govorimo o bilo kom segmentu moramo da koristimo izvore ali relevantne, relevantne izvore i u tom segmentu ja ću vam uzeti izvor Federalni zavod za programiranje razvoja koji koristi jedinstvenu metodologiju gdje se sve općine, odnosno gradovi mogu porediti gdje su oni poredani po određenim karakteristikama jel jedno je to način i modalitet koji je država rekla, a ne samo država nego je on prepisan iz Evrope i Evropske unije da bi mi mogli da se poredimo s nekim drugim. Šta će nama informacije za nas same ako se ne možemo porediti s drugim, ako ćemo se porediti moramo imati jedinstvenu metodologiju. Po toj metodologiji Grad Tuzla je u 2021. godini po nivou razvijenosti deveti. Kolega je rekao ispred nas su Općine Centar Sarajevo, Novo Sarajevo, Ilidža, Trnovo, Stari Grad Sarajevo, Novi Grad Sarajevo, Vogošća i Doboj Jug nas je pretekao mislim za 0,002 boda. Eh sad kad govorimo nivo razvijenosti nije to ni broj privrednih subjekata, nije to ništa dakle, pokazatelji su napravljeni sasvim drugčiji. Pokazatelji koji se uzimaju u obzir kada se definiše nivo razvijenosti jesu prihodi od poreza po stanovniku, stepen zaposlenosti, kretanje stanovništva, učešće starog stanovništva i stepen obrazovanja stanovništva. Dakle, to su relevantni pokazatelji koji se koriste kod izračuna nivoa zaposlenosti. I ovo je dakle, da smo mi na devet mjestu, Banovići na 22 mjestu, Gračanica na 24 mjestu, Živnice na 29 mjestu, Lukavac na 31 mjestu, Gradačac na 35-om. Dakle, ovo su realni pokazatelji našeg novoa razvijenosti i ostalih općina kantona.

Zatim, kada govorimo o neto prosječnoj plaći ona u Tuzli iznosi 1074 marke u Gračanici 689 maraka, Gradačcu 767 maraka, Kalesiji 765 maraka, Lukavcu 868, Živnicama 811. Prosjek u kantonu je 906 maraka. Govorim za zadnji objavljeni podatak u 2021. godini, u TK-a je 906 maraka, u Federaciji 996 maraka. Prosječna plata nam je iznad kantona i iznad

Federacije i daleko iznad Tešnja gdje je šesto i nešto maraka prosječna plata. Ja imam svoje mišljenje o tome ali ga neću javno reći.

Kada govorimo o prihodu po stanovniku što je još relevantniji podatak ekonomskog razvoja tada Tuzla ima 317 maraka prihoda po jednom stanovniku, Gradačac 150, Gračanica 170, Kalesija 99, Lukavac 208, Živinice 174. I u ovom kontekstu smo bolji nego sve druge općine kantona. U odnosu na prosjek kantona imamo prihod po stanovniku veći za 60%, skoro 61%, a u odnosu na Federaciju imamo veći prihod za 23%. dakle, opet ovo pokazuje gdje smo mi u odnosu na druge. Govorim na osnovu relevantnih pokazatelja. Broj privrednih subjekata na 1000 stanovnika, ne govorim ukupan broj. Ukupan broj naravno u većim sredinama je veći u manjim je manji, al kada govorimo na 1000 stanovnika onda nam to pokazuje gdje smo mi u odnosu na nekog drugog. Dakle, ovdje imamo bolji rezultat nego što je to prosjek u Republici Hrvatskoj, a imamo 89,6 privrednih subjekata na 1000 stanovnika, Gradačac ima 74,8, Gračanica 61,1, Kalesija 47, Lukavac 54,6, Živinice 50,4. Prosjek kantona je 63,2, a prosjek Federacije 68,3 dakle, i ovdje prednjačimo u odnosu na sve ostale općine kantona i u odnosu na prosjek Federacije, odnosno na prosjek kantona.

Sada ću nešto oko turizma i s tim ću završit. Kada govorimo o turizmu. Govorili smo da li je Tuzla turistički grad, da li nije Tuzla turistički grad? Postoje subjektivna mišljenja i objektivna mišljenja. Ali evo ja ću vam iznijeti podatke Turističke zajednice Tuzlanskog kantona koji su relevantni podaci o broju noćenja i prihodima. Ovdje moramo da rasčlanimo dvije kategorije: Turističko noćenje i zdravstveno noćenje. Uzeo sam Gradačac i Tuzlu. U Gradačcu je broj prosječnih noćenja u 2021. godini bio 38.035, u Tuzli je on bio 48603, tako da ne stoji da Gradačac ima veći broj noćenja u odnosu na Tuzlu. Kada govorimo sada za turistička noćenja su nam važnija zbog čega? Zbog tog što za turistička noćenja se plaća turistička taksa, odnosno boravišna taksa. Tu je Tuzla u 2021. godini uplatila 78.159 konvertibilnih maraka, a od ukupno prikupljenih sredstava po ovom osnovu na Tuzlanskom kantonu to je 65,4%. Gradačac je uplatio 3.627 konvertibilnih maraka približno 3%. Dakle, 65,4 naprema 3%. Najsvježiji podaci za dvadesetdrugu godinu dakle, za period januar-novembar opet iz Turističke zajednice Tuzlanskog kantona u Tuzli je bilo 59329 noćenja, a u Gradačcu turističkih noćenja je bilo samo 1318, a zdravstvenih noćenja za koja se ne plaća boravišna taksa je 46075 obzirom da ova zdravstvena noćenja, većina njih kada idu preko Zavoda zdravstvene zaštite i zdravstvenog osiguranja su plaćena dakle, iz sredstava ovog zavoda. Ovo je samo jedan dio relevantnih podataka kojima se dokazuje i pokazuje i ekonomski razvoj i razvoj turizma. Naravno da on može da bude bolji. Naravno da mi imamo i sive ekonomije i crne ekonomije koja se ne računa ovdje, ali sigurno da bi ovi pokazatelji bili bolji i bit će bolji akobogda kad mi uredimo i ovaj segment još kvalitetnije.

Ja se nadam da se neće niko naljutit ako nisam dao odgovore stvarno na sva pitanja. Puno ih je bilo. Dobra su pitanja. Ali nisam stvarno želio da nekog naljutim da dam paušalan odgovor ili loš odgovor jel onda ne bih se ja fino osjećao jel ne bih poštovao svakog od vas pojedinačno ovdje. Hvala vam lijepo.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Zahvaljujem gradonačelniku gospodinu Zijadu Lugaviću zaista na vrlo opsežnim odgovorima i vrlo egzaktnim pokazateljima.

Prije nego što se vratimo glasanju dajem pauzu od 30 minuta. Hvala.

## **NATAŠA PERIĆ**

Molim vijećnike. Ja se izvinjavam. Molim vijećnike ipak da se vrate pošto gradonačelnik ima neke obaveze da ipak sad obavimo ovaj...Izvinjavam se. Izvinjavam se zaista. Ovo će ići brzo.

Molim vijećnike samo da se vrate. Ana vra...Daj.

Prelazimo na glasanje molim vas. Hajde.

## **ELVIR BIJEDIĆ - zamjenik predsjedavajućeg Gradskog vijeća Tuzla, - vijećnik Socijaldemokratske partije**

Samo malo molim vas. Dakle, imajući u vidu mišljenje gradonačelnika Grada Tuzla o amandmanima na prijedlog Budžeta Tuzle za period 01. 01. do 31. 12. dvadesettreće godine pozivam vijećnika Berbića kao podnosioca amandmana da se izjasni da li povlači amandmane ili ostaje kod podnesenih amandmana i traži da se o njima izjasni Gradsko vijeće?

## **OMER BERBIĆ**

Ostajemo.

## **ELVIR BIJEDIĆ - zamjenik predsjedavajućeg Gradskog vijeća Tuzla, - vijećnik Socijaldemokratske partije**

Dakle, dakle, pristupamo glasanju o amandmanima.

Dakle, pozivam sekretara Gradskog vijeća da pročita prvi amandman.

## **SLAĐANA KRAJINA – sekretar Gradskog vijeća Tuzla**

I amandman vijećnika Berbića glasi:

Sa stavke Transfer za rad parlamentarnih grupa-klubovi vijećnika u Gradskom vijeću Tuzla ekonomski kod 0101001111614323, prebaciti sredstva u iznosu od 20.000 konvertibilnih maraka na stavku, "Idejni projekat stare, drvene čaršije", novi ekonomski kod.

## **ELVIR BIJEDIĆ - zamjenik predsjedavajućeg Gradskog vijeća Tuzla, - vijećnik Socijaldemokratske partije**

Pozivam vijećnike da glasaju. Glasanje je okončano.

Konstatujem da je 8 vijećnika glasalo za, 3 je bilo protiv i 17 suzdržanih, tako da amandman nije dobio potrebnu većinu.

Prelazimo na drugi amandman.

## **SLAĐANA KRAJINA – sekretar Gradskog vijeća Tuzla**

II amandman vijećnika Berbića:

Sa stavke Transfer za rad parlamentarnih grupa-klubovi vijećnika u Gradskom vijeću Tuzla ekonomski kod 0101001111614323, prebaciti sredstva u iznosu od 50.000 konvertibilnih maraka na stavku, "Rekonstrukcija starog bazena u Slavinovićima", novi ekonomski kod.



**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Stavljam ovaj amandman vijećnika Berbića na glasanje. Glasanje je okončano.  
Konstatujem da je 7 vijećnika glasalo za, 3 protiv, 18 suzdržanih, tako da ovaj amandman nije dobio potrebnu većinu.  
Molim sekretara za treći amandman.

**SLAĐANA KRAJINA – sekretar Gradskog vijeća Tuzla**

III amandman vijećnika Berbića:  
Sa stavke Transfer za rad-Javno preduzeće "RTV7 Tuzla" ekonomski kod 0104001831614329-10, prebaciti sredstva u iznosu od 70.000 konvertibilnih maraka na stavku, "Subvencija za sanaciju fasada u užem centru grada", novi ekonomski kod.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Pozivam vijećnike da se izjasne. Glasanje je okončano.  
5 vijećnika je glasalo za, 5 je bilo protiv, 18 suzdržanih po ovom amandmanu tako da ovaj amandman nije dobio potrebnu većinu.  
Molim sekretara četvrti amandman.

**SLAĐANA KRAJINA – sekretar Gradskog vijeća Tuzla**

IV amandman vijećnika Berbića:  
Sa stavke Transfer za rad-Javno preduzeće "RTV7 Tuzla" ekonomski kod 0104001831614329-10, prebaciti sredstva u iznosu od 350.000 konvertibilnih maraka na stavku, "Subvencije za kupovinu autobuskih karata stanovnicima grada Tuzla", novi ekonomski kod.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Pozivam vijećnike da glasaju. Glasanje je okončano.  
4 vijećnika su glasala za, 2 protiv, 22 suzdržana, tako da ovaj amandman nije dobio potrebnu većinu.  
Prelazimo na sljedeći.

**SLAĐANA KRAJINA – sekretar Gradskog vijeća Tuzla**

V amandman vijećnika Berbića:  
Sa stavke Transfer za rad parlamentarnih grupa-klubovi vijećnika u Gradskom vijeću Tuzla ekonomski kod 0101001111614323, prebaciti sredstva u iznosu od 100.000 konvertibilnih maraka na stavku, "Izgradnja IT HUB-a uz objekat Doma mladih", novi ekonomski kod.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Pozivam vijećnike da se izjasne. Glasanje je okončano.  
6 vijećnika je glasalo za, 2 protiv i 20 suzdržanih, tako da ovaj amandman nije dobio potrebnu većinu.

Molim sekretara da pročita sljedeći.

**SLAĐANA KRAJINA – sekretar Gradskog vijeća Tuzla**

VI amandman vijećnika Berbića:

Sa stavke Transfer za rad parlamentarnih grupa-klubovi vijećnika u Gradskom vijeću Tuzla ekonomski kod 0101001111614323, prebaciti sredstva u iznosu od 50.000 konvertibilnih maraka na stavku, "Sanacija platoa pored rijeke Jale u centru grada", novi ekonomski kod.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Pozivam vijećnike da se izjasne. Glasanje je okončano.  
6 vijećnika je glasalo za, 2 protiv i 20 suzdržanih, tako da ovaj amandman nije dobio potrebnu većinu.

Molim sedmi.

**SLAĐANA KRAJINA – sekretar Gradskog vijeća Tuzla**

VII amandman vijećnika Berbića:

Sa stavke Transfer za rad-Javno preduzeće "RTV7 Tuzla" ekonomski kod 0104001831614329-10, prebaciti sredstva u iznosu od 30.000 konvertibilnih maraka na stavku sanacija i popravka parka kod objekta stare Mjesne zajednice Ši Selo , novi ekonomski kod.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Molim vijećnike da se izjasne. Glasanje je okončano.  
6 vijećnika je glasalo za, 2 protiv i 20 suzdržanih, tako da ovaj amandman nije dobio potrebnu većinu.

Molim za osmi.

**SLAĐANA KRAJINA – sekretar Gradskog vijeća Tuzla**

VIII amandman vijećnika Berbića:

Sa stavke Transfer za rad-Javno preduzeće "RTV7 Tuzla" ekonomski kod 0104001831614329-10, prebaciti sredstva u iznosu od 3.000 konvertibilnih maraka na stavku, "idejno rješenje za sanaciju apartmana u Neumu u vlasništvu grada Tuzla" novi ekonomski kod.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Molim vijećnike da se izjasne. Ana? Glasanje je okončano.

6 vijećnika je glasalo za, 6 protiv, 16 suzdržanih, tako da ovaj amandman nije dobio potrebnu većinu.

Molim vas da pročitate sljedeći.

**SLADANA KRAJINA – sekretar Gradskog vijeća Tuzla**

IX amandman vijećnika Berbića:

Sa stavke Transfer za rad-Javno preduzeće "RTV7 Tuzla" ekonomski kod 0104001831614329-10, prebaciti sredstva u iznosu od 30.000 konvertibilnih maraka na stavku, "Izrada idejnog projekta za fabriku otpadnih voda", novi ekonomski kod.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Molim vijećnike da se izjasne. Glasanje je okončano.

6 vijećnika je glasalo za, 2 protiv i 20 suzdržanih, tako da ovaj amandman nije dobio potrebnu većinu.

Molim za sljedeći.

**SLADANA KRAJINA – sekretar Gradskog vijeća Tuzla**

X amandman vijećnika Berbića:

Sa stavke Transfer za rad-Javno preduzeće "RTV7 Tuzla" ekonomski kod 0104001831614329-10, prebaciti sredstva u iznosu od 60.000 konvertibilnih maraka na stavku Izgradnja igrališta za djecu na lokaciji Paša Bunar, novi ekonomski kod.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Molim vijećnike da se izjasne. Glasanje je okončano.

8 vijećnika je glasalo za, 2 protiv, 18 suzdržanih, tako da ovaj amandman nije dobio potrebnu većinu.

Molim za sljedeći.

**SLADANA KRAJINA – sekretar Gradskog vijeća Tuzla**

XI amandman vijećnika Berbića:

Sa stavke Transfer za rad-Javno preduzeće "RTV7 Tuzla" ekonomski kod 0104001831614329-10, prebaciti sredstva u iznosu od 20.000 konvertibilnih maraka na stavku, "Izgradnja prilaza za kolica na objektu Doma zdravlja kod ulaza na pedijatriju", novi ekonomski kod.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Molim vijećnike da se izjasne. Glasanje je okončano.

9 vijećnika je glasalo za, 2 su bila protiv, 17 suzdržanih, tako da ovaj amandman nije dobio potrebnu većinu.

Molim sljedeći.

**SLAĐANA KRAJINA – sekretar Gradskog vijeća Tuzla**

XII amandman vijećnika Berbića:

Sa stavke Transfer za rad parlamentarnih grupa-klubovi vijećnika u Gradskom vijeću Tuzla ekonomski kod 0101001111614323, prebaciti sredstva u iznosu od 30.000 konvertibilnih maraka na stavku, "Projekat za online praćenje i plaćanje računa svih usluga grada, javnih ustanova i javnih preduzeća", novi ekonomski kod.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Molim vijećnike da se izjasne. Glasanje je okončano.

5 vijećnika je glasalo za, 3 protiv, 20 suzdržanih, tako da ovaj amandman nije dobio potrebnu većinu.

Molim za trinaesti.

**SLAĐANA KRAJINA – sekretar Gradskog vijeća Tuzla**

XIII amandman vijećnika Berbića:

Sa stavke "Naknade vijećnicima za rad u Gradskom vijeću" ekonomski kod 0101001111613975-1, prebaciti sredstva u iznosu od 200.000 konvertibilnih maraka na stavku, "Izgradnja poslovnih zona", ekonomski kod 0104003662821213-12.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Molim vijećnike da se izjasne. Glasanje je okončano.

6 vijećnika je glasalo za, 2 protiv, 20 suzdržanih, tako da ovaj amandman nije dobio potrebnu većinu.

Molim za četrnaesti.

**SLAĐANA KRAJINA – sekretar Gradskog vijeća Tuzla**

XIV amandman vijećnika Berbića:

Sa stavke Transfer za rad-Javno preduzeće "RTV7 Tuzla" ekonomski kod 0104001831614329-10, prebaciti sredstva u iznosu od 60.000 konvertibilnih maraka na stavku Javno komunalno preduzeće Saobraćaj i komunikacije, novi ekonomski kod.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Molim vijećnike da se izjasne. Glasanje je okončano.

4 vijećnika su glasala za, 6 protiv, 18 suzdržanih, tako da ovaj amandman nije dobio potrebnu većinu.

Molim sekretara za poslednji.

**SLAĐANA KRAJINA – sekretar Gradskog vijeća Tuzla**

XV amandman vijećnika Berbića:

Sa stavke Transfer za rad-Javno preduzeće "RTV7 Tuzla" ekonomski kod 0104001831614329-10, prebaciti sredstva u iznosu od 70.000 konvertibilnih maraka na stavku, "Nabavka zemljišta za Dom kulture u Šićkom Brodu" novi ekonomski kod.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Molim vijećnike da se izjasne. Glasanje je okončano.

5 vijećnika su glasala za, 3 protiv i 21 suzdržan, tako da ni petnesti amandman vijećnika Berbića nije dobio potrebnu većinu.

I iscrpili smo mislim amandmane.

Prelazimo na glasanje i stavljam na izjašnjanje BUDŽET GRADA TUZLE ZA PERIOD 01. 01. DO 31. 12. 2023. GODINE i pozivam vijećnike da aktiviraju uređaje za elektronsko glasanje i da glasamo. Glasanje je okončano.

Konstatujem da je sa 29 glasova za, bez suzdržanih i bez glasova protiv jednoglasno USVOJEN BUDŽET GRADA TUZLE ZA PERIOD 01. 01. 2023. DO 31. 12. 2023. GODINE.(Aplauz.)

(NATAŠA PERIĆ – Čekaj ima još.)

Sada stavljam na izjašnjanje ODLUKU O IZVRŠAVANJU BUDŽETA GRADA ZA PERIOD OD 01. 01. DO 31. 12. 2023. GODINE i pozivam vijećnike da aktiviraju uređaje za elektronsko glasanje i da glasamo za ovu odluku. Molio bi samo za malo tišine. Glasanje je okončano.

Konstatujem da je ODLUKA O IZVRŠAVANJU BUDŽETA GRADA TUZLA ZA PERIOD 01. 01. DO 31. 12. 2023. GODINE usvojena jednoglasno sa 28 glasova za.

Sada stavljam na izjašnjanje ODLUKU O IMENOVANJU INVESTICIJSKOG MENADŽERA ZA GRAD TUZLA i pozivam vijećnike da glasaju. Glasanje je okončano.

Konstatujem da je ODLUKA O IMENOVANJU INVESTICIJSKOG MENADŽERA ZA GRAD TUZLA usvojena sa, 29 glasova za jednoglasno, bez suzdržanih i bez glasova protiv.

Sada stavljam na izjašnjanje PRIJEDLOG POLITIKA INVESTIRANJA RASPOLOŽIVIH NOVČANIH SREDSTAVA GRADA TUZLA ZA 2023. GODINU i pozivam vijećnike da glasaju. Glasanje je okončano.

Konstatujem da je PRIJEDLOG POLITIKA INVESTIRANJA RASPOLOŽIVIH NOVČANIH SREDSTAVA GRADA TUZLA ZA 2023. GODINU usvojen jednoglasno sa 29 glasova.

Sad pozivam sekretara Gradskog vijeća da pročita zaključke koji su proizašli iz rasprave i diskusije.

**SLAĐANA KRAJINA – sekretar Gradskog vijeća Tuzla**

Prvi zaključak:

- Gradsko vijeće Tuzla sugeriše gradonačelniku i resornim službama da se, ukoliko Javno komunalno preduzeće Saobraćaj i komunikacije Tuzla okonča sve aktivnosti oko nabavke i ugradnje LED rasvjete sa planiranim sredstvima, predvide veća sredstva u narednom

periodu, kako bi se ovaj projekat ubrzao te kako bi se sredstva mogla preusmjeriti u druge značajne projekte za građane Tuzle.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Pozivam vijećnike da se izjasne. Glasanje je okončano.

Konstatujem da je zaključak koji je pročitala sekretar Gradskog vijeća usvojen sa, 27 glasova za, bez glasova protiv i suzdržanih.

Sljedeći.

**SLADANA KRAJINA – sekretar Gradskog vijeća Tuzla**

I drugi zaključak:

- Gradsko vijeće Tuzla, imajući u vidu zabrinjavajuće podatke o broju novorođene djece i broju umrlih u gradu Tuzli, sugeriše gradonačelniku Grada Tuzle da održi sastanak sa resornim gradskim službama te da se uradi demografska analiza i predlože adekvatne mjere pronatalitetne politike.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Pozivam vijećnike da se izjasne. Glasanje je okončano.

Konstatujem da je pročitani zaključak dobio potrebnu većinu, 29 glasova za, bez suzdržanih i bez glasova protiv.

Dajem pauzu 30 minuta.

**NATAŠA PERIĆ**

Hej samo malo. Gradonačelnik je htio samo minutu da se obrati. Evo sekunda. Minuta. Samo molim vas tišina. Samo malo još.

**ZIJAD LUGAVIĆ - novoizabrani vršilac dužnosti  
gradonačelnika Grada Tuzle**

Ja ću stvarno kratko. Od srca vam se svima zahvaljujem svim vijećnicama i vijećnicima Gradskog vijeća što smo na zajednički način usvojili ovaj Budžet. Ja vam obećavam da će Službe Gradske uprave Grada Tuzle već od sutra početi sa planovima za realizaciju ovog Budžeta, a shodno Odluci o izvršenju Budžeta i nastojat ćemo da u tome budemo što efikasniji. Hvala vam od srca jel ovo je još jednom dokaz da svi zajedno kao jedan tim i uz međusobno uvažavanje sigurno možemo daleko i dosta toga zajedno da napravimo. Hvala vam lijepo. (Hvala.)

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Zahvaljujem gradonačelniku. (Aplauz i pauza.)

## **NATAŠA PERIĆ**

Nastavljamo sa radom.

Prelazimo na drugu tačku Dnevnog reda:

### **RAZMATRANJE I USVAJANJE PROGRAMA RADA GRADSKOG VIJEĆA ZA 2023.**

Predlagač je Kolegij Gradskog vijeća.

Obrađivač: Stručna služba Gradskog vijeća.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za prostorno uređenje i zaštitu okoline, Komisija za komunalne poslove i pitanja mjesnih zajednica, Komisija za mlade, obrazovanje i sport, Komisija za odlikovanja i priznanja, Komisija za predstavke i prijedloge, Komisija za saradnju sa jedinicama lokalne uprave i samouprave, Komisija za zaštitu prava nacionalnih manjina, Komisija za jednakopravnost polova i klubovi vijećnika.

Ima li potrebe za uvodnim izlaganjem? (Nema.)

Ima li potrebe da se pročita izvještaji komisija? Nema.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Stavljam na izjašnjavanje PROGRAM RADA GRADSKOG VIJEĆA ZA 2023. Molim vijećnike da se izjasne. Glasanje je okončano.

Konstatujem da je PROGRAM RADA GRADSKOG VIJEĆA TUZLA ZA 2023. usvojen sa, 17 glasova za, niko nije bio protiv i nije bilo suzdržanih.

Prelazimo na treću tačku Dnevnog reda pod a):

#### **RAZMATRANJE I USVAJANJE POD:**

**a) ZONING PLANA REKREACIONE ZONE „ŠIĆKI BROD“ U TUZLI**

**b) ODLUKE O PROVOĐENJU ZONING PLANA REKREACIONE ZONE „ŠIĆKI BROD“ U TUZLI I**

**c) ODLUKE O USVAJANJU ZONING PLANA REKREACIONE ZONE „ŠIĆKI BROD“ U TUZLI**

Predlagač je gradonačelnik.

Obrađivač: Služba za prostorno uređenje i zaštitu okoline i Upravna organizacija Zavod za urbanizam.

Materijal su razmatrali: Komisija za statutarna pitanja i propise, Komisija za prostorno uređenje i zaštitu okoline i klubovi vijećnika.

Ima li potrebe za uvodnim izlaganjem?

Ima li potrebe da se pročita izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Stavljam na izjašnjavanje pod a) Može li u paketu? (Može.) Pod a) ZONING PLANA REKREACIONE ZONE „ŠIĆKI BROD“ U TUZLI

b) ODLUKE O PROVOĐENJU ZONING PLANA REKREACIONE ZONE „ŠIČKI BIOD“ I

ODLUKE O USVAJANJU ZONING PLANA REKREACIONE ZONE. Molim vijećnike da se izjasne. Glasanje je okončano.

Konstatujem da su odluke o ZONING PLANU REKREACIONE ZONE „ŠIČKI BIOD“

ODLUKE O PROVOĐENJU ZONING PLANA REKREACIONE ZONE „ŠIČKI BIOD“ I

ODLUKA O USVAJANJU ZONING PLANA REKREACIONE ZONE usvojeni sa, 18 glasova za, niko nije bio protiv i nije bilo suzdržanih.

Prelazimo na četvrtu tačku:

### **RAZMATRANJE I USVAJANJE ODLUKE O DAVANJU PRETHODNE SAGLASNOSTI NADZORNOM ODBORU TUZLA-INKUBATOR TUZLA “D.O.O. TUZLA, ZA IMENOVANJE DIREKTORA DRUŠTVA**

Predlagač je: Nadzorni odbor Javnog preduzeća Razvojno-poduzetnički centar Tuzla - Inkubator „Lipnica“.

Obrađivač: Nadzorni odbor ovog preduzeća a materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Imal potrebe za uvodnim izlaganjem?

Imal potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu raspravu vijećnika. Vijećnik Damir Muratović. Izvolite.

### **DAMIR MURATOVIĆ**

Žao mi je al da ne prođe ispod radara samo pitanje imam. Ovo je prvi put kako sam ja u Gradskom vijeću da imamo slučaj da, gdje su, gdje je većina hvalila izvještaj direktora kada smo ga usvajali a sada taj direktor ima ma-nje bodova od neke druge kandidatkinje u čije kompetenciju uopšte ne ulazim znači. To mi malo nije jasno. Možete mi odgovorit a i ne morate. Znači, ovdje ispada ko da je (NATAŠA PERIĆ – Nećemo odgovorit.) ta druga gledala negdje krišom kroz trstiku i šaš i došla tu na red ali eto u svakom slučaju ako većina smatra da je ona kompatentna i ja ću podržat. Hvala.

### **NATAŠA PERIĆ**

Hvala.

Stavljam na izjašnjanje ODLUKU O DAVANJU PRETHODNE SAGLASNOSTI NADZORNOM ODBORU RAZVOJNO PODUZETNIČKI CENTAR TUZLA-INKUBATOR ZA IMENOVANJE DIREKTORA DRUŠTVA. Molim vijećnike da se izjasne. Glasanje je okončano.

Konstatujem da je ODLUKA O DAVANJU PRETHODNE SAGLASNOSTI NADZORNOM ODBORU JAVNOG PREDUZEĆA RAZVOJNO PODUZETNIČKI CENTAR TUZLA-INKUBATOR “LIPNICA” D.O.O. TUZLA, ZA IMENOVANJE DIREKTORA DRUŠTVA usvojena sa, 19 glasova za, niko nije bio protiv i nije bilo suzdržanih.



Prelazimo na petu tačku:

## **RAZMATRANJE I USVAJANJE ODLUKE O PRIVREMENOM OSLOBAĐANJU PLAĆANJA ADMINISTRATIVNE TAKSE ZA IZDAVANJE ODOBRENJA ZA REGISTRACIJU SVIH VRSTA SAMOSTALNIH DJELATNOSTI NA PODRUČJU GRADA TUZLA ZA 2023.**

Predlagač je gradonačelnik Grada Tuzla.

Obradivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Imal potrebe za uvodnim izlaganjem?

Imal potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. Omer Berbić. Izvolite.

### **OMER BERBIĆ**

Ja ću samo kratko da ne bi i ova tačka prošla bez da se iko javio, a smatram da je jako bitna tačka. Želim da dam punu podršku apsolutnu za ove i ovakve projekte i nadam se da će ih biti još više i da će biti još masovniji i da će ovaj grad Tuzla ojačat svoju privredu evo pa ovim putem i za male ove proizvođače od kojih će nekada neko postat i veći, tako da puna podrška ovome i hvala gradonačelniku što je to predložio. Hvala ljepo.

### **NATAŠA PERIĆ**

U redu. Hvala. Vijećnik Anel Ibeljić pa vijećnik Mensur Alić.

### **ANEL IBELJIĆ**

Hvala predsjedavajuća. Ova odluka predstavlja jednu u nizu odluka koja je donesena radi unapređenja ambijenta poslovanja i smanjenja nezaposlenosti, odnosno stvaranja što povoljnijih uslova za privredno poslovanje te davanje podsticaja za pokretanje samostalnog biznisa na području grada Tuzle. Ovu odluku smatram izuzeto pozitivnom te proizašlom usljed globalne ekonomske krize prouzrokovane pandemijom virusa kovid -19 što se najviše odrazilo na privredno poslovanje ali i rast cijena životnih namirnica i svih drugih cijena života i rada te ona predstavlja jedan vid motivacije ne zaposlenih građana da kroz samostalnu djelatnost privređuju i da sebi i svojoj porodici ostvare prihod za egzistenciju. Podržavam ovakvu i sve u buduće slične odluke. Hvala.

### **NATAŠA PERIĆ**

U redu. Hvala. Vijećnik Mensur Alić. Izvolite.

### **MENSUR ALIĆ**

Pa evo pokazuje već na prvoj sjednici Vijeća da (NATAŠA PERIĆ – Molim vas malo tišine i pažnje.) novi gradonačelnik a nadam se i budući da će bit donosi mjere upravo ono o čemu sam ja čitavo vrijeme govorio razvoj ekonomije, razvoj ekonomije ali smo evo imali i

prezentaciju jako dobru od gradonačelnika kada su u pitanju parametri o ekonomiji što se tiče grada, grada Tuzla poređenjem sa drugim gradovima na kantonu. I ja ovu odluku ovakvu podržavam naravno i zahvaljujem se što je ona došla na, kao tačka dnevnog reda i nadam se...i predložit ću jedan zaključak usput neka to bude da razmotri još gradonačelnik gdje postoji prostora da bi se neke takse ukinule koje ne bi toliko Budžet oštetile, ali da te ma-le takse neke koje postoje kad su u pitanju poslodavci da se ukine pogotovo ovi manji ovaj privrednici koji tek osnivaju nova, nova preduzeća. Evo toliko. Hvala.

## **NATAŠA PERIĆ**

Dobro. Hvala. Da li se još neko javlja?

Zaključujem raspravu vijećnika i stavljam na izjašnjavaње ODLUKU O PRIVREMENOM OSLOBAĐANJU PLAĆANJA ADMINISTRATIVNE TAKSE ZA IZDAVANJE ODOBRENJA ZA REGISTRACIJU SVIH VRSTA SAMOSTALNIH DJELATNOSTI NA PODRUČJU GRADA TUZLA ZA 2023. Molim vijećnike da se izjasne. Glasanje je okončano.

Konstatujem da je Odluka o davanju saglasnosti na statutarnu odluku o izmjeni i dopuni Statuta. U izvinite.

Da je ODLUKA O PRIVREMENOM OSLOBAĐANJU PLAĆANJA ADMINISTRATIVNE TAKSE ZA IZDAVANJE ODOBRENJA ZA REGISTRACIJU SVIH VRSTA SAMOSTALNIH DJELATNOSTI NA PODRUČJU GRADA TUZLA ZA 2023. usvojena sa, 23 glasa za, niko nije bio protiv i nije bilo suzdržanih.

Molim Slađanu da pročita zaključak proistekao iz rasprave.

## **SLAĐANA KRAJINA – sekretar Gradskog vijeća Tuzla**

- Gradsko vijeće Tuzla sugerise gradonačelniku da, u saradnji sa resornim službama, razmotri gdje postoje zakonske i faktičke mogućnosti za ukidanje taksi, pogotovo kada su u pitanju mali privrednici koji tek otvaraju preduzeća.

## **NATAŠA PERIĆ**

U redu. Molim da se izjasnite o pročitanoj zaključku. Glasanje je okončano.

Konstatujem da je pročitani zaključak usvojen sa, 23 glasa za, niko nije bio protiv i nije bilo suzdržanih.

Prelazimo na šestu tačku Dnevnog reda:

## **RAZMATRANJE I USVAJANJE ODLUKE O DAVANJU SAGLASNOSTI NA STATUTARNU ODLUKU O IZMJENI I DOPUNI STATUTA JAVNE ZDRAVSTVENO-NASTAVNE USTANOVE DOM ZDRAVLJA „DR. MUSTAFA ŠHOVIĆ“ TUZLA (PREČIŠĆENI TEKST)**

Predlagač je gradonačelnik.

Obradivač: Upravni odbor Doma zdravlja Tuzla i Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise i klubovi vijećnika.

Ima potrebe za uvodnim izlaganjem? (Nema.) Ima? Dobro.

(vijećnik Omer Berbić govori bez uključenog mikrofona op.a.)

U redu. Evo molim samo nekog ispred Službe ili ispred Upravnog odbora. Dijana? (Dijana Dizdarević Radovanović govori sa mjesta bez mikrofona op.a.) Pa evo nek Upravni odbor možda? Pa da napravimo pauzu? (SLAĐANA KRAJINA – Hajmo 5 minuta samo...) Hajmo pauzu 10 minuta i mi na sastanak. (SLAĐANA KRAJINA – Hajde.) Ne može, ne može napraviti ćemo pauzu 10 minuta. (Pauza.)

Pozivam vijećnike da uđu u salu.

Pozivam vijećnike da uđu u salu i molim predstavnike Doma zdravlja i Službe za ekonomski razvoj i poduzetništvo da uđu u salu. Sabiha de ih zovi. Reci im molim te.

Molim gospođu Jasminku ispred Upravnog odbora Doma zdravlja dr. Mustafa Šehović da da uvodno izlaganje – Pravna služba Doma zdravlja. Izvolite. Izvolite.

**JASMINKA MUJKIĆ - šef Pravne službe**  
**Doma zdravlja dr. Mustafa Šehović Tuzla**

Evo ovako. Dobar dan. Pozdravljam sve prisutne Gradske vijećnike, predsjedavajućeg. Javna zdravstveno nastavna ustanova Dom zdravlja Tuzla ima važeći Statut koji je donesen 2012. godine. Nakon toga došlo je do izmjene određenih zakonskih propisa i to je jedan od osnovnih razloga zašto smo pristupili donošenju Statutarne odluke o izmjenama i dopunama Statuta Javne zdravstveno nastavne ustanove Dom zdravlja Tuzla.

Statut je osnovni i opći akt svake ustanove i zbog toga ga je i trebalo uskladiti sa Odlukom o postupku izbora i konačnog imenovanja članova organa upravljanja u javnim preduzećima, Javnim Komunalnim preduzećima, javnim ustanovama, Javnim ustanovama za predškolski odgoj i zdravstvenim ustanovama čiji je osnivač i suosnivač Grad Tuzla, Pravilnikom o uvjetima u pogledu vrste završenog fakulteta zdravstvenog usmjerenja koje moraju ispuniti osobe koje konkurišu za direktora zdravstvene ustanove koji je donesen 2017. godine.

Mi evo ovom prilikom, evo vidjeli ste i dobili ste i obrazloženje nismo vršili neke drastične promjene jer su ostali dijelovi teksta Statuta, prečišćenog teksta usvojeni, usklađeni sa ostalim zakonskim propisima u ovoj predloženoj odluci, statutarnoj odluci. Predložila bih da...Uočili smo sad jednu tehničku grešku. E sad je moja statutarna odluka ostala kod Dijane. U članu, pa evo predlažem da se ovom prilikom ta tehnička greška ispravi. E hvala.

U članu 12. Statutarne odluke o izmjenama i dopunama Statuta Javne zdravstveno nastavne ustanove Dom zdravlja Tuzla stav 2. umjesto teksta lice koje nije dobilo saglasnost gradonačelnika ne može biti imenovano za direktora ustanove niti može biti, niti se može ponovno kandidovati, treba da stoji lice koje nije dobilo saglasnost ne može biti imenovano po ponovnom javnom oglasu.

Toliko. Mislim dobili ste u obrazloženju sve šta je promjenjeno, šta je sa čim usklađeno pa ne znam. Evo toliko.

**NATAŠA PERIĆ**

Dobro. U redu hvala.

Imal potrebe da se pročitaju izvještaji komisija? (Nema.)

Otvaram raspravu klubova vijećnika. Vijećnik Omer Berbić. Izvolite.

## OMER BERBIĆ

Hvala ljepo. Pa ja bih vas prije svega zamolio da ovako bitne odluke i ovako bitne stvari kao što je mijenjanje Statuta ne dobijamo tik pred Vijeće, nego da dobijamo u materijalima jer ja ovo nisam mogao viditi u materijalima a rado bi poslao u svoju pravnu službu da mi oni provjere da li su ove stvari u skladu sa zakonom je rupravo evo ovaj dio član 12. iako se možda sada mijenja tekst on mi je ovdje najsporniji. I činjenica je znači ako se ne dobije saglasnost gradonačelnika osoba je prošla cijelu proceduru on, ta osoba ne može biti direktor niti se može kasnije kandidovat opet. Mene baš zanima da li je ovo u skladu sa zakonom? Znači, moram, ja barem moram to sa svojim pravnim timom vidjeti, jer se ovdje defakto gradonačelniku daje moć koja je jača od konkursne procedure ukoliko ja to dobro shvatam. Ako ja to dobro ne shvatam onda neka me neko ovdje ispravi. Ali ako ja to dobro shvatam znači, defakto gradonačelnik je jači od konkursne procedure i ja za ovakvu stvar ne mogu glasati i predlažem da ovo odgodimo za idući puta kada ćemo imati ovaj materijal da možemo i mi malo provjeriti. Jer dobiti ovako bitnu tačku, a pazite govorimo o Domu zdravlja ne govorimo mi o uz dužno poštovanje prema svemu o BIT-Inkubatoru ili, ili nekoj drugoj ustanovi. Dom zdravlja je osnovna ćelija ovoga grada. Mislim da bi bilo korektno da ovo za, za iduće Vijeće ostavimo jer nije nešto što gori. Nije nešto što je jako bitno da se sada usvoji, a s druge strane još jednom da pročistimo i pogledamo ovaj tekst.

Evo član 18. ovdje se nove organizacione cjeline prave. Ovdje me zanima da li ovo znači nova zapošljavanja ili na koji način će se ove cjeline praviti? Zbog čega se član 37. Statuta briše? A član 37. Statuta kaže javni oglas za izbor i imenovanje direktora u skladu sa zakonom raspisuje se najkasnije 3 mjeseca prije isteka mandata. Dobro. Dobro to. To je okej. Ovaj član 40. Statuta se briše koji kaže: Direktora ustanove imenuje i razrješava upravni odbor na osnovu jednog Javnog oglasa a uz prethodno obavljenu saglasnost Općinskog vijećnika i to me zanima. Općinskog načelnika. (NATAŠA PERIĆ – Molim vas malo tišine.) i da vam budem iskren nisam imao dovoljno vremena. Evo imali smo Budžet, imali smo rasprave. Slušali smo, bili smo aktivni i nismo imali vremena baš da prođemo detaljno kroz ovaj materijal a smatram da je jako bitan. Iz tog razloga evo ja predlažem da ga mi za iduće Vijeće ostavimo i na idućem Vijeću da ga usvajamo, jer ja zaista ne mogu za ovo glasati bez da se konsultujem s pravnim timom. Ja nisam pravnik, a uz dužno poštovanje pravници koji ovdje sjede su u, u poziciji tako da i njihovo tumačenje može biti subjektivno. Evo iz tog, iz tog razloga ja ukoliko se baš bude insistiralo da se ide sa glasanjem ja ću biti suzdržan ili ću biti protiv, jer nemam apsolutno nikakve informacije da li je ovo što mi sada donosimo u skladu, u skladu sa zakonom ili su ovo neke procjene da bi ovo trebalo ovako da bude. Jer zaista ne mogu da prihvatim kao osoba da, da gradonačelnik, odnosno njegova saglasnost može biti jača od cijele konkursne procedure, a onda se ukoliko gradonačelniku pa ko god on bio ne sviđa osoba, onda se ta osoba ne može kandidovat opet na Javnom pozivu. Zamislite sutra da nam dođe neki gradonačelnik podršku Vijeća ili x-y nekih stvari. Da dođe gradonačelnik koji, koji nema dobre intencije. Pa dobro ne kažem. Možemo doći u pat poziciju, u vrlo nezgodnu situaciju da mi faktički po subjektivnom nekom osjećaju biramo direktora javne ustanove, a mislim da to nije, nije u cilju ni ovom Gradskom vijeću ni Gradu Tuzla. Hvala ljepo.

## NATAŠA PERIĆ

Hvala. Replika. Anel Ibeljić.

## **ANEL IBELJIĆ**

Ma evo ja ću samo kratko replicirat kolegi pošto je on rekao da smo mi pravnici iz većine subjektivni. Tu imamo predstavnike Službe predlagače koji su predložili ovu odluku pa evo neka oni odgovore mislim ukoliko su tu da, da li je ovo u skladu sa zakonom. A meni koliko je poznato gradonačelnik daje saglasnost za izbor direktora javnih ustanova ali evo oni su tu pa nek potvrde ili negiraju moje tumačenje. Hvala.

## **NATAŠA PERIĆ**

Da li se još neko javlja ispred klubova vijećnika?

Zatvaram raspravu klubova vijećnika.

Otvaram raspravu vijećnika. Vijećnik Zijah Rifatbegović. Izvolite.

## **ZIJAH RIFATBEGOVIĆ – vijećnik Stranke demokratske akcije**

E hvala vam. Ja ću najprije pohvaliti službu ovaj pravnu službu Doma zdravlja jer mislim da su oni pristupili ovom ozbiljno. O ovom svemu što sam ja mogao da vidim, a razumijem se u ovo obzirom da sam dugo godina obavljao funkciju, odgovornu funkciju sa posebnim ovlaštenjem jel lice sa posebnim ovlaštenjima, mislim da prijedlog gospodina Omera treba svatit ozbiljno i razjasnit neke stvari koje su ovdje u najmanju ruku da kažem je li sažete općenito.

Evo ja ću se referirat najprije na, na sastav upravnog odbora. Ko može biti u sastavu upravnog odbora to određuje Zakon o zdravstvenoj zaštiti i ovdje se referira na zakon od 2013. godine koji kaže da: Javne zdravstvene ustanove, odnosno domovi zdravlja imaju tri člana upravnog odbora od kojih je jedan član upravnog odbora iz reda uposlenika. Taj iz reda uposlenika njega, imenuje se jel konkursnom procedurom, a poznato mi je da je bio prijedlog i da je govoreno da ipak sindikati koji postoje u domovima zdravlja i sindikat radnika u zdravstvu i sindikat doktora treba da ima određeno učešće u imenovanju onih koji su ispred zdravstvene ustanove. Mi, ovdje kaže da mi iz reda osnivača dajemo saglasnost za imenovanje onih koji dolaze iz reda uposlenika.

Ja lično mogu dat, glasat je li na osnovu povjerenja koje dobijem od, od onih koji su u Komisiji, ali mislim da bi iz reda uposlenika, odnosno prvenstveno sindikati trebali bit involvirani u ovo ko će bit ispred reda uposlenika. To je jedna stvar koja mi onako je zapala za oko.

Druga stvar: Tri člana. Da li Zakon o zdravstvenoj zaštiti definiše za domove zdravlja tri člana? Da li postoji mogućnost da se to proširi? Ili ukoliko se ne može proširit po Zakonu o zdravstvenoj zaštiti da li je dozvoljeno da svim Sjednicama upravnog odbora prisustvu-je predstavnik sindikata ili po potrebi predstavnik iz neke druge službe? Poznato je po zakonu da nema pravo odlučivanja upravnom odboru direktor ustanove, ali direktor ustanove ima neke druge ingerencije koje ovdje takođe bi trebalo, trebalo dodatno obraditi i razjasniti.

Član 26. Statuta koji se mijenja u članu 3. u prečišćenom tekstu kaže: Da isto lice može biti imenovano za člana upravnog odbora vi-še puta bez ograničenja. Da li je i to u skladu sa zakonom? Iz razloga jeli direktor javne ustanove može biti dva mandata ne više od toga bar po Federalnom zakonu o zdravstvenoj zaštiti ako se nije nešto mijenjalo. Zašto bi neko iz upravnog odbora mogao biti imenovan nekoliko, u stvari bez ograničenja kako ovdje piše ili to treba ograničit na dva mandata?

Ono što još želim kratko referirat se ovdje a to je: Izbor direktora ustanove, odnosno izbor vršioca dužnosti ustanove. Član 15. Član 45. Statuta u prečišćenom tekstu. Ako po isteku mandata nije imenovan direktor funkcija prestaje prije toga, imenuje se vršilac dužnosti. Mislim

da treba naglasiti, što je u skladu sa Zakonom o zdravstvenoj zaštiti da vršilac dužnosti mora imati is-ta ovlaštenja kao generalni, odnosno kao direktor, odnosno da mora ispunjavati sve kriterije koji važe i za imenovanje direktora u jasnoj konkursnoj proceduri. Znači, vršilac dužnosti po Zakonu o zdravstvenoj zaštiti ne može biti niko drugi ako ne ispunjava zakonom predviđene uslove. Znači, ne možemo mi sad imenovati vršioca dužnosti direktora Doma zdravlja nekoga ko, kome fali jedan od kriterija koji su ovdje navedeni za izbor direktora.

Ono što želim pohvaliti. (NATAŠA PERIĆ – Privodite samo kraju molim vas.) Evo privodim kraju. Ono što želim još napomenuti. U djelatnosti ustanove član 14. saglasno Zakonu djelatnosti ustanove kako slijedi kaže: Specijalističko konsultativna djelatnost. Koje su to djelatnosti? Meni je poznato da Dom zdravlja u Tuzli nema hirurga, nema hirurga, a po, po nekim da kažem je li normativima bi trebao da postoji uposlenik iz oblasti hirurške hirurgije u Domu zdravlja u Tuzli.

I vrlo kratko još ću se referirati na, ovdje na službe koje su u ustanovi. Pomoćnik direktora za medicinske poslove, pomoćnik direktora za ekonomske poslove to je u prečišćenom tekstu. Mislim da je to puno pravilniji naziv nego pomoćnik direktora za ne-medicinske poslove. I još jedna stvar mislim da treba to razdvojiti. Član 53. kaže. Možel malo tiše molim vas. Ja ne mogu se naglašavati s vama. (NATAŠA PERIĆ – Molim vas malo tišine.) Član 53. zaposlenici koji u ustanov obavlja poslove sa posebnim ovlaštenjima. Pomoćnik direktora za poboljšanje kvaliteta i sigurnosti, nastavni i naučno istraživački rad i edukacije. To ne može biti jedna služba. To moraju biti odvojene službe. Nastavni i naučno istraživački rad i edukacije spadaju pod sasvim drugi vid, vid kvalifikacije i to ne može biti jedna služba. Može biti pomoćnik direktora za poboljšanje kvaliteta i sigurnosti i pomoćnik direktora ili kako već se odredi naziv za nastavni i naučno istraživački rad i edukacije jer to traži posebne kriterije koji se odnose na naučno nastavna zvanja i zbor (NATAŠA PERIĆ – Hvala.) Nije isto biti u izboru iz zdravstvenih nauka molim vas što se ovdje miješa i izboru iz medicinskih nauka. To nije isto. (NATAŠA PERIĆ- Dobro.) Izbori iz zdravstvenih nauka treba odvojiti od izbora iz medicinskih nauka. E to je to.

## **NATAŠA PERIĆ**

Dobro. Hvala.

Zaključujem raspravu vijećnika.

Dajem pauzu 10 minuta. Molim većinu da se sastane. (Pauza.)

Nastavljamo sa radom.

Zamoliti ću gospođu Dijanu Dizdarević samo da da prije glasanja obrazloženje. Molim vas malo tišine.

## **DIJANA DIZDAREVIĆ RADOVANOVIĆ - šef Odjeljenja za lokalni ekonomski razvoj**

Dakle, nakon ove rasprave koja je provedena vezano za predmetnu Odluku o davanju saglasnosti na statutarnu Odluku o izmjeni i dopuni Statuta Javne zdravstvene ustanove Dom zdravlja dr. Mustafa Šehović Tuzla smatram da je potrebno istaknuti sljedeće: Dakle, predmetnom odlukom daje se saglasnost Gradskog vijeća kao osnivača zdravstvene ustanove na izmjene Statuta važećeg ove ustanove. Ove izmjene u stvari vezane su za usklađivanje i odnose se na usklađivanje određena usklađivanja odredbi postojećeg Statuta važećeg sa Zakonom o zdravstvenoj zaštiti kao posebnim zakonom koji uređuje oblast zdravstvene djelatnosti sa našom odlukom o postupku izbora i konačnog imenovanja u regulirane organe u javnim preduzećima, Javnim Komunalnim preduzećima i javnim

ustanovama. Dakle, ta usklađivanja su sadržana u predmetnoj statutarnoj odluci i u tom smislu znači data je i, daje se saglasnost na te izmjene koje su, koje se u stvari i odnose samo na usklađivanje.

Kao što se i vidi iz odredbi, odnosno članova ove Odluke statutarne zdravstvene ustanove uglavnom se radi znači o postupku imenovanja u upravni odbor i to je opet sve usklađeno sa zakonom, odnosno sa našom Odlukom o postupku ili izbora i imenovanja kao i izbor direktora, davanje saglasnosti na akta. U tom smislu recimo u dosadašnjem Statutu pisalo je da saglasnost na iz-mjenu Statuta daje gradonačelnik, a prema Zakonu o zdravstvenoj zaštiti saglasnost na izmjenu Statuta daje osnivač i u tom smislu je i pripremljena predmetna odluka na te izmjene (NATAŠA PERIĆ – Dobro. Hvala vam) tako da u tom smislu je da kažem ova odluka je... (NATAŠA PERIĆ – Hvala Dijana. Hvala vam Dijana.) (SLAĐANA KRAJINA – Tehnička greška treba reći.) Aha. U izlaganju gospođe Jasminke predstavnice Doma zdravlja znači, ustanove Dom zdravlja spomenuto je da je u članu 12. Statutarne odluke napravljena tehnička greška ali u tom smislu znači, ostajemo pri ovim odredbama kako su i navedene jel je to opet da kažem usklađivanje jer pisalo je općinskog načelnika za, u Zakonu o zdravstvenoj zaštiti a u stvari radi se o gradonačelniku, tako da i u tom smislu ta izmjena i usklađivana.

## **NATAŠA PERIĆ**

Ispravka. U redu hvala.

Stavljam na izjašnjavanje ODLUKU O DAVANJU SAGLASNOSTI NA STATUTARNU ODLUKU O IZMJENI I DOPUNI STATUTA JAVNE ZDRAVSTVENO-NASTAVNE USTANOVE DOM ZDRAVLJA „DR. MUSTAFA ŠEHOVIĆ“. Molim vijećnike da se izjasne. Glasanje je okončano.

Konstatujem da je ODLUKA O DAVANJU SAGLASNOSTI NA STATUTARNU ODLUKU O IZMJENI I DOPUNI STATUTA DOMA ZDRAVLJA „DR. MUSTAFA ŠEHOVIĆ“ TUZLA usvojena sa, 20 glasova za, 2 su bila protiv i 2 suzdržana.

Prelazimo na sedmu tačku Dnevnog reda:

### **RAZMATRANJE I USVAJANJE POD:**

**a) ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM JAVNE USTANOVE ZA PREDŠKOLSKI ODGOJ I OBRAZOVANJE “NAŠE DIJETE” TUZLA**

**b) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA UDRUŽENJEM ZA POMOĆ ŽRTVAMA I PREŽIVJELIM SEKSUALNOG NASILJA U RATU “NAŠ GLAS” I**

**c) ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM JAVNOG KOMUNALNOG PREDUZEĆA “SAOBRAĆAJ I KOMUNIKACIJE TUZLA” DOO TUZLA**

Predlagač je gradonačelnik.

Obrađivač: Služba za ekonomski razvoj, poduzetništvo i poljoprivredu a materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Imal potrebe za uvodnim izlaganjem?

Imal potrebe da s epročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

I molim vijećniike da se izjasne o pomenutim odlukama u paketu ako se slažete?  
Glasanje je okončano.

Konstatujem da je ODLUKA O DODJELI U ZAKUP POSLOVNIH PROSTORIJA NEPOSREDNOM POGODBOM JAVNE USTANOVE ZA PREDŠKOLSKI ODGOJ I OBRAZOVANJE “NAŠE DIJETE” TUZLA

ODLUKA O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA UDRUŽENJEM ZA POMOĆ ŽRTVAMA I PREŽIVJELIM SEKSUALNOG NASILJA U RATU “NAŠ GLAS” I

c) ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM JAVNOG KOMUNALNOG PREDUZEĆA “SAOBRAĆAJ I KOMUNIKACIJE TUZLA” usvojena sa,

24 glasa za, niko nije bio protiv i nije bilo suzdržanih.

Prelazimo na osmu tačku:

### **RAZMATRANJE I USVAJANJE PRAVILNIKA O KRITERIJIMA I POSTUPKU ZA OSTVARIVANJE PRAVA NA JEDNOKRATNE NOVČANE POMOĆI IZ BUDŽETA GRADA TUZLE**

Predlagač je gradonačelnik.

Obrađivač: Služba za kulturu, sport, mlade i socijalnu zaštitu.

Materijal su razmatrali: Komisija za statutarna pitanja i propise, Komisija za ekonomske odnose i klubovi vijećnika.

Imal potrebe za uvodnim izlaganjem? Ima. Ima, ima. Izvolite. Asja Redžić pomoćnik gradonačelnika za kulturu, sport, mlade i socijalnu zaštitu.

#### **ASJA REDŽIĆ - pomoćnik gradonačelnika za Službu za kulturu, sport, mlade i socijalnu zaštitu**

Poštovana predsjedavajuća, dopredsjedavajući, poštovane vijećnice i vijećnici Gradskog vijeća. Ja bi prije svega da vidim da li ćete uvažiti jednu grešku koja...Naime poslali smo vam pogrešan Pravilnik o kriterijima i postupku za ostvarivanje prava na socijalne jednokratne novčane pomoći iz Budžeta Grada, odnosno greška je mijenja se, za priznavanje plaćanja dijela troškova prevoza na području grada Tuzle novi oblik socijalne jednokratne novčane pomoći. Ovdje piše za učenike i studente i penzionere, a treba za učenike osnovnih i srednjih škola. Dakle, nedostaje osnovnih škola. U članovima, u članovima 3., 6.,7. i 10. znači, nedostaje učenike osnovnih škola. Jel to problem? (NATAŠA PERIĆ – Nije. Nije, nije. ) Ako to nije problem...Dakle, koliko se sjećate u januaru 2022. godine vi ste usvojili jednoglasno Pravilnik o kriterijima i postupku za ostvarivanje prava na jednokratne novčane pomoći iz Budžeta Grada Tuzle i u toku godine u praksi se pokazalo da su potrebne neke izmjene kako bi se poboljšala i ubrzala procedura, tako da u odnosu na onaj Pravilnik koji ste vi usvojili u januaru 2022. godine mi smo promjenili naziv Pravilnika. U ovaj Pravilnik dodali smo socijalne znači, nisu jednokratne novčane pomoći, nego su socijalne jednokratne novčane pomoći i u tekstu je usklađeno to. Zatim smo dodali novi prošireni oblik socijalne jednokratne pomoći. To je plaćanje dijela troškova Gradskog i prigradskog prevoza za učenike osnovnih i srednjih škola, studente, penzionere i osobe starije od 65 godina korisnike stalne novčane pomoći 100 maraka jednokratno. Dakle to je pored, pored plaćanja dijelova troškova dženaze i sahrane za umrlog člana porodice, plaćanje dijela troškova sahrane i dženaze Komemorativnom preduzeću za osobe koje nemaju bližih srodnika, nabavka ortotičko- protetičkih pomagala, plaćanje troškova



za opremu za novorođenčad, plaćanje osnovnih životnih potreba, plaćanje troškova školovanja djece u osnovnoj i srednjoj školi i fakultetu. Dodali smo još ovaj oblik za plaćanje Gradskog i prigradskog saobraćaja.

Takođe prilikom dodjele interventnih novčanih pomoći vidjeli smo dio postupka vodi Centar za socijalni rad dakle, Služba za kulturu, sport, mlade i socijalnu zaštitu šalje predmete u Centar za socijalni rad na obradu i socijalnu anamnezu i tu je nastao problem. Predmeti su u Centru za socijalni rad čekali i po nekoliko mjeseci s obzirom da Centar za socijalni rad nema ljudske kapacitete da bi mogao brzo rješavati te predmete, tako da stranke čekaju. Odlučili smo da, ovim Pravilnikom smo odnosno izmjenili da cijeli postupak dodjele interventne novčane pomoći da vodi Služba za kulturu, sport, mlade i socijalnu zaštitu.

Takođe smo povećali procenat sa 45% na 55% ukupno, ukupne, ukupnog primanja po članu domaćinstva 55% prosječne plate Federacije po članu domaćinstva kako bi što veći broj građana dobio tu pomoć.

I ima još jedna izmjena za teško oboljele u inostranstvu dodjelilo se 10% od ukupnog računa, a sad ćemo dodjeljivati do 10.000 konvertibilnih maraka za teško oboljele. Za bolest koje se ne može liječiti u Bosni i Hercegovini.

To je, to je ukratko, to su izmjene Pravilnika i problemi koje smo mi vidjeli u toku, u toku samog postupka. (NATAŠA PERIĆ – U redu. Hvala vam.) Ako ima nekih pitanja? Ja mislim...(NATAŠA PERIĆ – Na kraju.) I htjela bih samo ako, ako smijem da iskoristim ovu priliku da se zahvalim ovom Sazivu općinskog vijeća svim vijećnicima i vijećnicama koji su imali senzibiliteta za socijalno ugrožene građane. U 2019-toj 1157 građana i građanki dobili su socijalnu jednokratnu pomoć a taj broj se povećao u 2022. godini, tako da mi sad do novembra smo imali oko 1700 zahtjeva koji smo odobrili, koje smo pozitivno riješili a vi ste upravo povećali iznos, taj iznos za socijalne, socijalnu zdravstvenu zaštitu, u Službi za kulturu, sport, mlade i socijalnu zaštitu u 2019. godini iznosio je 716.660 konvertibilnih maraka, a u 2022. godini milion i 428 dakle, hvala vam što imate razumijevanja za socijalno ugrožene građane.

## **NATAŠA PERIĆ**

Hvala vam.

Ima potrebe da se pročitaju izvješ...Možete tu asja sjest pa ako bude nekih pitanja.

Ima potrebe da se pročitaju izvještaji komisija? Ne.

Otvaram raspravu klubova vijećnika. Vijećnik Nedžad Jusić.

## **NEDŽAD JUSIĆ**

Hvala. Ma samo sam htjeo da iskoristim priliku da se iskreno zahvalim Službi za vođenje računa o socijalno ugroženim građanima grada Tuzle i ovo je pravi način rada kada se sluša na kraj krajeva potrebe samih građana i samim tim usklađujemo određene pravila kako bi građani grada Tuzle ostvarili svoja prava i mislim da je ovo za svaku pohvalu, a ne da idemo na neki drugi način da zakomplikujemo građanima da ne ostvaruju svoja prava, baš nasuprot ova Služba radi na tome da građanima olakša prava i što je vrlo važno a to je da sus dostu-ona socijalna prava svim građanima grada Tuzle da ogu ostvariti na najjednostavniji način i još jednom hvala.

## **NATAŠA PERIĆ**

U redu. Hvala. Vijećnik Anel Ibeljić, neka se pripremi vijećnik Berbić.

## **ANEL IBELJIĆ**

Hvala predsjedavajuća. Ja ću samo kratko pošto sam se već djelimično dotakao ovog Pravilnika kada sam govorio o Budžetu Grada Tuzla, pa ne bih stvarno da se ponavljam već je pola pet, vrijeme nam je da polako privodimo ovo kraju.

Želio bih stvarno da pohvalim drugaricu Asju. Stvarno radi briljantan posao na čelu ove Službe, kao što je i sama rekla sredstva za rad ove Službe se značajno povećala, a to je prvenstveno zbog njenog odličnog rada, ali evo takođe ipak i moram tu biti i neskroman pa reći i našega rada koji smo otprilike pokazali spremnost da pomognemo socijalno ugroženi osobama. Veoma me raduje činjenica što se i evo našlo prije svega načina da se i pomogne najugroženijim kategorijama stanovništva kada je riječ o finansiranju gradskog i prigradskog prevoza pa tako će Grad ubuduće djelimično evo sufinansirati cijenu autobuskih karata. Hvala vam puno.

## **NATAŠA PERIĆ**

U redu. Hvala. Vam. Vijećnik Omer Berbić, neka se pripremi vijećnik Ćerim Rastoder.

## **OMER BERBIĆ**

Hvala ljepo. Evo i ja ću kratko. Evo prvo da kažem nadam se da ću jednom dobit ove super moći da prvi dignem ruku pošto uvijek nekako prvi dignem, šesti pričam ali nebitno. Nije bitno uopšte koji pričam na ovakvim odlukama. Ovo, ovo je pohvalna odluka, dobra odluka. Evo ta tema koju smo svi nekako zajedno pokrenuli a na kojoj sam ja dosta dugo insistirao oko GIPS-a, odnosno Gradskog i prigradskog saobraćaja. Napokon je došla u neku formu i evo nadam se da će ovo barem malo pomoći roditeljima koji zaista imaju velike probleme oko, oko školovanja djece radi GIPS-a.

Mene ovdje zanima jedna druga stvar, pošto nisam sad pogledao Budžet. Iz koje Budžetske stavke se crpi ova odluka, odnosno hipotetički da se desi da se sve pare potroše na ove druge stvari da li će biti dovoljno novca da se sva djeca koja su u stanju socijalne potrebe dobiju tu pomoć jednokratnu od 100 maraka za GIPS? Znači to mene zanima da ovo ne bude samo ona odluka eto na papiru mi ćemo to objaviti, mi smo nešto uradili, nego da vidimo koliko tu ima para i da vidimo imal, imal mogućnosti eventualno na rebalansu da nekim zaključkom to još povećavamo ukoliko je, ukoliko je to, ukoliko je to malo para. Evo po procjenama službe, služba to najbolje zna koliko su oni imali prošle ili pretprošle godine u prosjeku tih nekih davanja. Da li se ova, da li se ova budžetska stavka iscrpi u prvih par mjeseci ili ona bude cijelu godinu pa se i ovih 100 maraka, pa će se i ovih 100 maraka moći, moći isplatiti. Hvala ljepo.

## **NATAŠA PERIĆ**

Hvala vama. Vijećnik Ćerim Rastoder. Izvolite.

## **ĆERIM RASTODER**

Hvala. Bit ću i ja vrlo kratak vezano za ovaj Pravilnik. Drago mi je što ćemo danas pretpostavljam jednoglasno usvojiti ovaj Pravilnik i hoću da kažem da smo ja i Klub na čelu sa predsjednikom Muminovićem započeli ovu priču konkretno prije jedno 2 mjeseca sa starim gradonačelnikom a nastavili sa novom, sa novim uz prisustvo šefice Službe i na neki način smo možda hajde da kažemo najzaslužniji za ovu tačku devet vezano za ove prevoze al mi to ne

smatramo našom pobjedom nego pobjedom svih nas i zaista drago mi je da, da evo napredujemo i da idemo korak po korak i da ćemo usvojiti to. Hvala. Prijatno.

## **NATAŠA PERIĆ**

U redu. Hvala vam.

Zaključujem raspravu vijećnika.

Otvaram raspravu vijećnika.

Zatvaram raspravu vijećnika.

Zamoliti ću samo Asju da odgovori na pitanje vijećniku Berbiću. Molim vas samo malo tišine. Omere evo odgovor.

## **ASJA REDŽIĆ - pomoćnik gradonačelnika za Službu za kulturu, sport, mlade i socijalnu zaštitu**

Pa na ovoj poziciji planirano je 620.000 konvertibilnih maraka. To su grantovi pojedincima za socijalne jednokratne novčane pomoći. Upravo i kad sam se zahvalila vama vijećnicima u 2019. godini je planirano na toj poziciji, odnosno utrošeno je 344.000 konvertibilnih maraka, a sad za tri godine kasnije utrošeno je 620.000 konvertibilnih maraka.

Dakle, Služba prati i ukoliko postoji potreba za povećanjem mi svake godine smo tražili na rebalansu sredstva, nikad nismo imali problema. Gradsko vijeće je uvijek izašlo u susret i vodilo računa o socijalno ugroženim građanima, tako da ne vidim da će biti problem i ove godine. (vijećnik Omer Berbić govori bez uključenog mikrofona op.a.) (NATAŠA PERIĆ – Bit će Pravilnik.) Nije ništa komplikovano dakle, procedura je sva ovdje. Služba za kulturu, sport, mlade i socijalnu zaštitu na web stranici, na zvaničnoj internet stranici Grada Tuzle ima prijavne obrazce sa svaki ovaj vid socijalne jednokratne pomoći gdje piše tačno koja dokumentacija je potrebna. Kad predaju dokumentaciju ukoliko je dokumentacija nepotpuna službenici Službe, nadležne Službe zovu telefonom, tako da nije uopšte komplikovana procedura. (NATAŠA PERIĆ – Dobro.) Kao što je vijećnik Jusić rekao u Službi se stvarno trudimo da budemo državni službenici u službi građana i da im izađemo u susret, da se javljamo na telefon, da, da im budemo dostupni u svakom trenutku tako da ne vidim razloga. Neće biti komplikovana procedura.

## **NATAŠA PERIĆ**

Hvala Asja.

Stavljam na izjašnjavanje PRAVILNIK O KRITERIJIMA I POSTUPKU ZA OSTVARIVANJE PRAVA NA JEDNOKRATNE NOVČANE POMOĆI IZ BUDŽETA GRADA i molim vijećnike da se izjasne. Glasanje je okončano.

Konstatujem da je PRAVILNIK O KRITERIJIMA I POSTUPKU ZA OSTVARIVANJE PRAVA NA JEDNOKRATNE NOVČANE POMOĆI IZ BUDŽETA GRADA TUZLE usvojen sa, 22 glasa za, niko nije bio protiv i nije bilo suzdržanih.

Ima zaključak.

## **SLADANA KRAJINA – sekretar Gradskog vijeća Tuzla**

- Gradsko vijeće Tuzla prihvata obrazloženje obrađivača da se prilikom izrade prijedloga Pravilnika o kriterijima i postupku za ostvarivanje prava na jednokratne novčane pomoći iz Budžeta Grada Tuzle potkrala tehnička greška u članovima 3., 6, 7. i 10. te da u

navedenim članovima Pravilnika, umjesto riječi „učenici srednjih škola“ treba da stoji „učenici osnovnih i srednjih škola“ u odgovarajućim padežima.

Traži se od obrađivača materijala da, prije potpisivanja i objavljivanja Pravilnika u „Službenom glasniku Grada Tuzle“ ispravi navedenu tehničku grešku.

## **NATAŠA PERIĆ**

Molim vijećnike da se izasne o pročitanoj zaključku. Glasanje je okončano.

Konstatujem da su pročitani zaključci usvojeni sa, 22 glasa za, niko nije bio protiv i nije bilo suzdržanih.

Zamoliti ću kolegu Bijedića da nastavi pošto imam problema sa glasom.

## **ELVIR BIJEDIĆ - zamjenik predsjedavajućeg Gradskog vijeća Tuzla, - vijećnik Socijaldemokratske partije**

Prelazimo na devetu tačku Dnevnog reda:

### **RAZMATANJE I USVAJANJE ODLUKE O VISINI ZAKUPNINE ZA STANOVE U VLASNIŠTVU GRADA TUZLE I STANOVE NA KOJIMA GRAD TUZLA IMA PRAVO RASPOLAGANJA**

Predlagatelj je gradonačelnik Grada Tuzle.

Obrađivač: Služba za boračko-invalidsku zaštitu, stambene poslove i integraciju rasejanih lica.

Materijal su razmatrali: Komisija za statutarna pitanja i propise, Komisija za ekonomske odnose, Komisija za stambena pitanja i klubovi vijećnika.

Pitam da li ima potrebe da, u skladu sa članom 68. Poslovnika predlagatelj ili obrađivač daju uvodno izlaganje? (Nema.)

Ima li potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Stavljam na izjašnjavaње tačku 9 RAZMATANJE I USVAJANJE ODLUKE O VISINI ZAKUPNINE ZA STANOVE U VLASNIŠTVU GRADA TUZLE I STANOVE NA KOJIMA GRAD TUZLA IMA PRAVO RASPOLAGANJA. Molim vijećnike da se izjasne. Glasanje je okončano.

Konstatujem da je 20 vijećnika u sali glasalo za, nije bilo protiv i nije bilo suzdržanih tako da konstatujem da je ODLUKA O VISINI ZAKUPNINE ZA STANOVE U VLASNIŠTVU GRADA TUZLE usvojena.

Prelazimo na desetu tačku Dnevnoga reda:

### **RAZMATANJE I USVAJANJE ODLUKE O ZAMJENI NEKRETNINA UZ NADOKNADU**

Predlagatelj: gradonačelnik Grada Tuzla.

Obrađivač: Služba za geodetske i imovinsko-pravne poslove a materijal su razmatrali: Komisija za statutarna pitanja i propise, Komisija za ekonomske odnose, Komisija za stambena pitanja i klubovi vijećnika.

Ima li potrebe za uvodnim izlaganjem?  
Ima li potrebe da se pročitaju izvještaji Komisija?  
Otvaram raspravu klubova vijećnika. Omer Berbić. Izvolite.

## **OMER BERBIĆ**

Hvala ljepo. Evo nije trebalo uvodno izlaganje al mene samo zanima znači, jedna je koliko vidim 46 m<sup>2</sup>, druga je 51 faktički 5 m<sup>2</sup> je ovdje razlika, a samo se vodi da je razlika 130 maraka procjena nekretnina. E sada mene zanima znači, mislim objektivno kvadrat stana u Tuzli je minimalno 2000 kako smo mi evo u ovoj zamjeni, možda je lokacija možda nešto drugo u toj procjeni ali evo 5 kvadrata faktički za 130 maraka mijenjamo? Ali evo volio, volio bi da mi se samo taj dio objasni.

## **ELVIR BIJEDIĆ - zamjenik predsjedavajućeg Gradskog vijeća Tuzla, - vijećnik Socijaldemokratske partije**

Hvala kolegi Berbiću. Ima li još ispred kluba vijećnika?

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i evo pozvat ću šeficu Službe samo gospođu Hadžiefendić Šimleša da nam da pojašnjenje.

## **JASMINA HADŽIEFENDIĆ – ŠIMLEŠA - pomoćnik gradonačelnika za Službu za geodetske i imovinsko – pravne poslove**

Poštovana predsjedavajuća, dopredsjedavajući, poštovane vijećnice i vijećnici sve vas pozdravljam. Dakle, stanovi su na različitoj lokaciji ali na to pitanje je dao odgovor sudski vještak koji je i vještačio i čiju odluku smo mi zapravo, odnosno nalaz i mišljenje čeka-li. Nakon odluke Gradskog vijeća kojom se dozvoljava zamjena neposrednom pogodbom čeka se nalaz stručnog dakle lica, ovlaštenog sudskog vještaka putem kojeg su vještačen ecijene ovih stanova.

Ja moram reći da se radi o stanovima koji su u jako lošem stanju. Dakle taj argument 2000 da košta kvadrat ne bi dolazio u ovom slučaju u obzir, obzirom da se stanovi nalaze u stvarno ne tako sjajnom stanju. Ali taj odgovor nam je dakle, dao nalaz ovlaštenog sudskog vještaka.

## **ELVIR BIJEDIĆ - zamjenik predsjedavajućeg Gradskog vijeća Tuzla, - vijećnik Socijaldemokratske partije**

Zahvaljujemo se.

Sada stavljam na izjašnjavanje ODLUKU O ZAMJENI NEKRETNINA UZ NADOKNADU i pozivam vijećnike da se izjasne. Glasanje je okončano.

Konstatujem da je ODLUKA O ZAMJENI NEKRETNINA UZ NADOKNADU usvojena sa, 21 glasom za, nije bilo protiv i nije bilo suzdržanih.

Prelazimo na sljedeću tačku dnevnoga reda:

## **RAZMATRANJE INFORMACIJE O AKTUELNIM PITANJIMA U OBLASTI BORAČKO-INVALIDSKE ZAŠTITE I REALIZACIJI PRAVA PRIPADNIKA BORAČKE POPULACIJE**

Predlagatelj je gradonačelnik Grada Tuzla.

Obrađivač: Služba za boračko-invalidsku zaštitu, stambene poslove i integraciju raseljenih lica.

Materijal su razmatrali: klubovi vijećnika.

Da li ima potrebe za uvodnim izlaganjem? (Nema.)

Ima li potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i stavljam na izjašnjavanje pomenutu tačku Dnevnog reda **RAZMATRANJE INFORMACIJE O AKTUELNIM PITANJIMA U OBLASTI BORAČKO-INVALIDSKE ZAŠTITE I REALIZACIJI PRAVA PRIPADNIKA BORAČKE POPULACIJE**. Izvolite.

Stavljam na...O izvinjavam se. Informacija.

Konstatujemo da je Gradsko vijeće primilo k znanju **INFORMACIJU O AKTUELNIM PITANJIMA U OBLASTI BORAČKO-INVALIDSKE ZAŠTITE I REALIZACIJI PRAVA PRIPADNIKA BORAČKE POPULACIJE**.

Prije tačke dvanaest ćemo napraviti pauzu 10 minuta i samo ću zamolit malo da se prozračí prostorija i većinu samo da dođemo u salu za sastanke. (Pauza.)

Pozivam vijećnike da uđu u salu.

Molim vas samo da zauzmemo svoja mjesta.

Prelazimo na dvanaestu tačku Dnevnoga reda:

### **RAZMATRANJE INFORMACIJE O REALIZACIJI AKTIVNOSTI NA RJEŠAVANJU STAMBENIH PROBLEMA RASELJENIH LICA I SOCIJALNE KATEGORIJE STANOVNIŠTVA**

Predlagatelj: gradonačelnik Grada Tuzla.

Obrađivač: Služba za boračko-invalidsku zaštitu, stambene poslove i integraciju raseljenih lica.

Materijal su razmatrali: Komisija za stambena pitanja i klubovi vijećnika.

Ima li potrebe da predlagatelj ili obrađivač daju uvodno izlaganje?

Ima li potrebe da se pročitaju izvještaji komisija?

Otvaram raspravu klubova vijećnika. Nedžad Jusić. Izvolite.

### **NEDŽAD JUSIĆ**

Evo imamo **INFORMACIJU O REALIZACIJI AKTIVNOSTI NA RJEŠAVANJU STAMBENIH PROBLEMA RASELJENIH LICA I SOCIJALNIH KATEGORIJA STANOVNIKA U GRADU TUZLA** vidimo da su se prihvatile određene sugestije od prošle godine da informacija sadrži one, sadržava one aktivnosti koje su realizovane u toku 2022. godine i to je i za pohvaliti i na kraj krajeva iz bog toga je ovakvo, ovakva informacija da možemo vidjeti aktivnosti koje su rađene u 2022. godini.

Naime, dobro j ešto je Služba pokrenula aktivnosti na osnovu zaključaka koje smo usvojili na prošle godine a to je da se uradi revizija svih korisnika koji koriste socijalne stanove na području grada Tuzle i to je dobro i evo vidimo da to će donijeti rezultat u narednom periodu

i svi smo zato sigurno da ove stanove trebaju da koriste lica kojima je stvarno potrebna pomoć, odnosno lica koji su u stanju socijalne potrebe kao i druga lica kome i pripada pomenuti stanovi. Između ostalog, ne bi sada konkretno što se tiče ove informacije ali evo ima da su određeni aktivnosti pokrenute vezaano za utvrđivanje, utvrđivanje toga da li imamo lica koja koriste pomenute stanove a nepripadaju him i između ostalog Služba je uputila jedan dopis Elektroprivredi Federacije Bosne i Hercegovine da se izvrši uvid da li lica koja su korisnici ovih stanova imaju dodatno brojilo u nekoj drugoj općini. Samim tim je i za povjerovati da imaju i drugi objekat i ja s obzirom, pošto nemamo u ovoj informaciji tu informaciju od elektroprivrede ja predlažem između ostalog i jedan zaključak da Gradsko vijeće Tuzla urgira Elektroprivredi Federacije Bosne i Hercegovine da u što kraćem roku odgovori Službi na upućen zahtjev.

Takođe evo ovdje vidimo da je između ostalog pet porodica u proceduri da se dokaže, odnosno da se vidi da li legalno i u skladu sa odlukom koriste pomenute stanove, ali s druge strane ja bi i takođe predložio jedan zaključak s obzirom pošto imamo 156 ako se ja ne varam pomenutih stanova, ja bi predložio jedan zaključak pošto imam nezvanične i nepotpune informacije, a to je da su neka lica već po nekom drugom osnovu ostvarili pravo na određene, određenu pomoć za kupovinu, izgradnju, sanaciju svojih stambenih objekata, da se uradi u narednom periodu. Znači, predlažem zaključak Službi za boračko-invalidsku zaštitu, stambene poslove i integraciju raseljenih lica znači, Gradsko vijeće Tuzla traži od Službe za boračko-invalidsku zaštitu, stambene poslove i integraciju raseljenih lica da provjeri svih 156 korisnika, odnosno porodica koji koriste socijalne stanove da li su i kada su ko-ristili određena finansijska sredstva za rješavanje svog stambenog pitanja? Da li su i koliko finansijskih sredstava su dobili? To je vrlo važno da znamo da li je neka porodica, odnosno lice dobilo finansijska sredstva po neko drugom osnovu da riješi svoje stambeno pitanje, a s druge strane nije riješio svoje stambeno pitanje nego je dobio socijalni stan. Evo ova dva zaključka predlažem Gradskom vijeću da usvoji. Hvala.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Hvala kolegi Jusiću.

Još neko ispred kluba vijećnika?

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i zaključujem diskusiju i konstatujem da je Gradsko vijeće primilo k znanju INFORMACIJU O REALIZACIJI AKTIVNOSTI NA RJEŠAVANJU STAMBENIH PROBLEMA RASELJENIH LICA I SOCIJALNE KATEGORIJE STANOVNIŠTVA.

Sada kada sekretar završi sa zaključkom da nam pročita zaključke proizašle iz rasprave.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla urgira kod Elektroprivrede Federacije Bosne i Hercegovine da u što kraćem roku odgovori Službi za boračko-invalidsku zaštitu, (ELVIR BIJEDIĆ – Malo tiše molim vas.) stambene poslove i integraciju raseljenih lica na zahtjev koji se tiče korištenja brojila na nivou Federacije na nekoj drugoj adresi, što bi uputilo na postojanje imovine na nekoj drugoj lokaciji.

I drugi zaključak.

- Gradsko vijeće Tuzla traži od Službe za boračko-invalidsku zaštitu, stambene poslove i integraciju raseljenih lica da provjeri svih 156 korisnika neprofitnog socijalnog stanovanja, da li su i kada koristili određena finansijska sredstva za rješavanje svog stambenog pitanja, da li su i koliko finansijskih sredstava dobili, kako bi se utvrdilo da li su neka lica koja koriste stanove neprofitnog socijalnog stanovanja dobila pomoć da riješe svoje stambeno pitanje a i dalje koriste stan neprofitnog socijalnog stanovanja.

Jel tako bilo? (To je to.)

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Predlažem da glasamo oba, oba, oba zaključka, za oba zaključka. Izvolite. Glasanje je okončano.

Konstatujem da su zaključci koje je pročitala sekretar Gradskog vijeća usvojeni sa, 19 glasova za, nije bilo protiv i 2 suzdržana.

Prelazimo na sljedeću tačku Dnevnog reda:

### **RAZMATRANJE INFORMACIJE O OPREMLJENOSTI SLUŽBI ZAŠTITE I SPAŠAVANJA FORMIRANIH NA PODRUČJU GRADA TUZLA**

Predlagač: gradonačelnik Grada Tuzla.

Obrađivač: Služba civilne zaštite.

Materijal su razmatrali: klubovi vijećnika.

Da li ima potrebe za uvodnim izlaganjem? (Nema.)

Da li imaju potrebe da se pročitaju izvještaji komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. (Nema.)

Zatvaram raspravu vijećnika i konstatujem da je Gradsko vijeće Tuzla primilo k znanju INFORMACIJU O OPREMLJENOSTI SLUŽBI ZAŠTITE I SPAŠAVANJA FORMIRANIH NA PODRUČJU GRADA TUZLA.

Četrnaesta tačka Dnevnoga reda:

### **RAZMATRANJE INFORMACIJE O PROVEDENIM INTERVENTNIM MJERAMA NA SANACIJI KLIZIŠTA NA PODRUČJU GRADA TUZLA U 2022. GODINI**

Predlagač: gradonačelnik Grada Tuzla.

Obrađivač: Služba civilne zaštite.

Materijal su razmatrali: Komisija za prostorno uređenje i zaštitu okoline i klubovi vijećnika.

Ima li potrebe za uvodnim izlaganjem? (Nema.)

Ima li potrebe da se pročitaju izvještaji komisija?

Otvaram raspravu klubova vijećnika. Omer Berbić. Izvolite.



## **OMER BERBIĆ**

Evo neću onaj dugo. Mene zanima samo par stvari. Jedna stvar je če-sto i redovno mi se javljaju građani sa nekim informacijama da nisu obeštećeni oko klizišta koje im je bilo a gdje su imali građevinske dozvole itd., da nisu obeštećeni. Pa evo zanima me kako taj ide proces da li imaju stvarno građani koji nisu obeštećeni i od one dviječetneste itd. na ovamo i ko bi taj proces trebao da vodi, trebao da radi? A i ja sam i za jedno klizište bio intervenisao gore u Kuli. U pitanju je kuća koja se spušta na drugu kuću. (ELVIR BIJEDIĆ – Molim samo tiše.) Zanima me može li se taj proces na neki način ubrzati il napraviti jednostavnijim? I evo da li je u pitanju Budžet, Budžetska stavka koja je mala, da li je u pitanju nešto drugo što se tiče samog ovog obeštećenja i što se tiče sadašnjih sanacija koje se ne mogu na vrijeme, na vrijeme napraviti? Hvala ljepo.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Zahvaljujem vijećniku Berbiću.  
Zatvaram raspravu klubova vijećnika.  
Otvaram raspravu vijećnika.  
Zatvaram raspravu vijećnika.  
Pozivam šefa samo kratko gospodine Stjepiću.

**SLAVKO STJEPIĆ - pomoćnik gradonačelnika  
za Službu civilne zaštite**

Sve vas pozdravljam. Evo odgovorit ću na ova pitanja. Znači, kad se desi klizište ili par hiljada klizišta što smo mi imali nažalost situaciju 2014. godine kad je u pitanju vrlo često postoji nedoumica i dobro je ovo pitanje od našeg uvaženog mladog vijećnika. Znači, kad se dešavaju prirodne nesreće ne postoji pravo na obeštećenje. Prirodne nesreće kad se dese u skladu sa raspoloživim sredstvima bilo kojih nivoa vlasti se pruža pomoć onima koji su doživili određene, određena oštećenja bilo svojih imanja, bilo svojih objekata, bilo ostalih stvari. Znači, interventne sanacije klizišta ni-su obeštećenje.

Kad je u pitanju...Oni koji imaju urednu dokumentaciju za svoje izgrađene objekte itd. ukoliko dođe do oštećenja tih objekata djelovanjem u situacijama kad je proglašeno stanje prirodne nesreće ni tu nema obeštećenja. Svako svoja prava može pokušati ostvariti putem suda, jer nije dovoljno, nije dovoljno imati građevinsku dozvolu pa da kažete da imate osiguranje od svih mogućih nesreća. Znači, potrebno je imati upotrebnu dozvolu. To je dokument koji kaže da ste vi svoj objekat izgradili u skla-du sa odobrenjem za građenje i pravilima struke.

Kad su u pitanju ove interventne sanacije mi ih radimo svake godine i radimo ih na način da tamo gdje se prijavi pokretanje terena. Znači, sve prijave Služba sublimira i na Gradskom štabu Civilne zaštite utvrdimo prioritete na prijedlog ljudi iz struke. Naravno, nikad nema dovoljno sredstava da se otklone sve posljedice zato se i utvrđuju prioriteti i mi to permanentno radimo svake godine.

Nije potrebno i neophodno sanirati svako klizište. Bilo je kliziša i u šumama i na zemljištu koje nije uopšte pogodno za gradnju itd. Znači, zato se utvrđuju prioriteti da se saniraju tereni tamo gdje su ugroženi. Bilo komunalna infrastruktura, bilo objekti, bilo cestovna infrastruktura itd.

Ako na nešto nisam odgovorio reci? Hvala ljepo.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Hvala. Hvala gospodine Stjepiću. Hvala gospodine Stjepiću. Nadam se da je kolega Berbić zadovoljan odgovorom.

Prelazimo na sljedeću tačku Dnevnog reda:

#### **RAZMATRANJE IZVJEŠTAJA KOMISIJE ZA IZBOR I IMENOVANJA**

Zamoliti ću sekretara Gradskog vijeća da pročita izvještaj komisije za izbor i imenovanje.

**SLAĐANA KRAJINA – sekretar Gradskog vijeća Tuzla**

Komisija za izbor i imenovanja je razmatrala prijedlog Kluba Platforme za progres za izmjenu člana Komisije za ljudska prava i slobode, nakon čega je usvojen sljedeći zaključak:

Komisija za izbor i imenovanja je razmotrila te Gradskom vijeću Tuzla na izjašnjanje upućuje prijedlog Kluba vijećnika Platforme za progres da se:

- Selma Catibušić razrješi dužnosti člana Komisije za ljudska prava i slobode,
- a da se na dužnost člana Komisije za ljudska prava i slobode izabere Esana Kavazbašić Huskanović.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Molim vijećnike da se izjasne. Glasanje je okončano.

Konstatujem da je pročitani zaključak dobio većinu sa, 19 glasova za, nije bilo protiv i nije bilo suzdržanih.

Molim sekretara Gradskog vijeća da pročita sljedeći zaključak.

**SLAĐANA KRAJINA – sekretar Gradskog vijeća Tuzla**

Komisija za izbor i imenovanja je razmatrala prijedlog Kluba vijećnika Tuzlanske alternative za izmjenu člana Savjeta mjesne zajednice Bukinje, nakon čega je usvojen sljedeći zaključak:

Komisija za izbor i imenovanja je razmotrila te Gradskom vijeću Tuzla na izjašnjanje upućuje prijedlog Kluba vijećnika Tuzlanske alternative da se:

- Jasmin Katanić razrješi dužnosti člana Savjeta mjesne zajednice Bukinje,
- a da se na dužnost člana Savjeta mjesne zajednice Bukinje izabere Šemsudin Katanić.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Molim vijećnike da se izjasne. Mogu li vas zamoliti da glasate Measure? Glasanje je okončano.

Konstatujem da je sa, 19 glasova za, bez glasova protiv i suzdržanih usvojen pročitani zaključak.

Molim sekretara Gradskog vijeća da pročita sljedeći.

## **SLADANA KRAJINA – sekretar Gradskog vijeća Tuzla**

Komisija za izbor i imenovanja je razmatrala prijedlog Kluba samostalnih vijećnika za izmjenu predsjednika i članova radnih tijela Gradskog vijeća, te je usvojila sljedeći zaključak:

Komisija za izbor i imenovanja je razmotrila, te Gradskom vijeću Tuzla na izjašnjavaње upućuje prijedlog Kluba samostalnih vijećnika da se:

- Amela Zaimović razrješi dužnosti predsjednika Komisije za stambena pitanja,
- a da se na dužnost predsjednika Komisije za stambena pitanja izabere Jasmin Brkić,
- Nermina Muratović razrješi dužnosti člana Komisije za saradnju sa jedinicama lokalne uprave i samouprave,
- a da se na dužnost člana Komisije za saradnju sa jedinicama lokalne uprave i samouprave izabere Osman Bajrić,
- Kenan Hadžihasanović razrješi dužnosti člana Komisije za mlade, obrazovanje i sport,
- a da se na dužnost člana Komisije za mlade, obrazovanje i sport izabere Emina Beširević,
- Mirza Kabil razrješi dužnosti člana Komisije za kulturu i očuvanje kulturno historijskog i prirodnog nasljeđa,
- a da se na dužnost člana Komisije za kulturu i očuvanje kulturno historijskog i prirodnog nasljeđa izabere Nezira Mujanović,
- Kerim Isović razrješi dužnosti člana Komisije za prostorno uređenje i zaštitu okoline,
- a da se na dužnost člana Komisije za prostorno uređenje i zaštitu okoline izabere Damir Džafić,
- Alija Jusufi razrješi dužnosti člana Komisije za komunalne poslove i pitanja mjesnih zajednica,
- a da se na dužnost člana Komisije za komunalne poslove i pitanja mjesnih zajednica izabere Kemal Kurtić.

## **ELVIR BIJEDIĆ - zamjenik predsjedavajućeg Gradskog vijeća Tuzla, - vijećnik Socijaldemokratske partije**

Molim vijećnike da se izjasne. Glasanje je okončano.

Konstatujem da pročitani prijedlog zaključka nije dobio potrebnu većinu, 3 vijećnika su bila za, nije bilo protiv i 15 je bilo suzdržanih.

Molim sekretara Gradskog vijeća da pročita sljedeći prijedlog.

## **SLADANA KRAJINA – sekretar Gradskog vijeća Tuzla**

Komisija za izbor i imenovanja je razmatrala prijedlog Kluba samostalnih vijećnika za izmjenu članova Savjeta mjesnih zajednica te usvojila sljedeći zaključak:

Komisija za izbor i imenovanja je razmotrila, te Gradskom vijeću Tuzla na izjašnjavaње upućuje prijedlog Kluba samostalnih vijećnika da se:

- Damir Tucaković razrješi dužnosti člana Savjeta mjesne zajednice Brčanska Malta,
- a da se na dužnost člana Savjeta mjesne zajednice Brčanska Malta izabere Mensur Kamber,
- Emir Hujdur razrješi dužnosti člana Savjeta mjesne zajednice Kreka,
- a da se na dužnosti člana Savjeta mjesne zajednice Kreka izabere Ada Osmanović,
- Ifat Mumić razrješi dužnosti člana Savjeta mjesne zajednice Ši Selo,
- a da se na dužnost člana Savjeta mjesne zajednice Ši Selo izabere Alma Šehanović,
- Bajazit Bašić razrješi dužnosti člana Savjeta mjesne zajednice Šićki Brod,
- a da se na dužnost člana Savjeta mjesne zajednice Šićki Brod izabere Anadin Džinić,

- Nedžad Selimović razrješi dužnosti člana Savjeta mjesne zajednice Sjenjak,
- a da se na dužnost člana Savjeta mjesne zajednice Sjenjak izabere Hasan Jahić,
- Šefik Halilović razrješi dužnosti člana Savjeta mjesne zajednice Slavinovići,
- a da se na dužnost člana Savjeta mjesne zajednice Slavinovići izabere Mirsad Fejzić,
- Ramo Husagić razrješi dužnosti člana Savjeta mjesne zajednice Lipnica,
- a da se na dužnost člana Savjeta mjesne zajednice Lipnica izabere Sadržmir Djedović,
- Medin Bečić razrješi dužnosti člana Savjeta mjesne zajednice Dobrnja,
- a da se na dužnosti člana Savjeta mjesne zajednice Dobrnja izabere Zehrudin Bečić.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Molim vijećnike da se izjasne. Glasanje je okončano.

Konstatujem da pomenuti prijedlog zaključka nije dobio potrebnu većinu, 3 vijećnika su bila za, nije bilo protiv i 14 suzdržanih.

Molim sekretara Gradskog vijeća da pročita posljednji zaključak.

**SLADANA KRAJINA – sekretar Gradskog vijeća Tuzla**

Komisija za izbor i imenovanja je razmatrala prijedlog Kluba vijećnika Socijaldemokratske partije Bosne i Hercegovine za izmjene u komisijama Gradskog vijeća, te je usvojila sljedeći zaključak:

Komisija za izbor i imenovanja je razmotrila, te Gradskom vijeću Tuzla na izjašnjanje upućuje prijedlog Kluba Socijaldemokratske partije Bosne i Hercegovine da se:

- Rejhana Dervišević razrješi dužnosti člana Komisije za jednakopravnost polova,
- a da se na dužnost člana Komisije za jednakopravnost polova izabere Alen Kapidžić,
- Anel Ibeljić razrješi dužnosti člana Komisije za statutarna pitanja i propise,
- a da se na dužnost člana Komisije za statutarna pitanja i propise izabere Nedim Salibegović.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Molim vijećnike da se izjasne. Glasanje je okončano.

Konstatujem da je pročitani zaključak dobio potrebnu većinu sa, 18 glasova za, nije bilo protiv i nije bilo suzdržanih.

Ja vas molim samo za još malo strpljenja.

Kako pod šesnaestom tačkom Dnevnoga reda:

**TEKUĆA PITANJA**

Nije bilo prijedloga koji bi se razmatrali u okviru pomenute tačke, prelazimo, prelazimo na:

Sedamnaestu tačku Dnevnoga reda:

## **VIJEĆNIČKA PITANJA I INICIJATIVE**

Ja sad evo mogu li vas zamolit samo da u pismenoj formi smo to dostavili da tako i ostane, da ih ne čitamo i da ukoliko ste saglasni da zaključimo današnju, današnju sjednicu Gradskog vijeća (Jesmo. Jesmo.) uz, uz, uz želju dakle, da naredne Božićne praznike i blagdane i Novu godinu dočekate u dobrom raspoloženju i u punoj sreći sa svojim obiteljima i porodicama. Hvala vam. (Hvala takođe.) Hvala.

(S obzirom da je Dnevni red iscrpljen i 22. redovna sjednica Gradskog vijeća Tuzla zaključena ista je završena u 17:23 sati.)

### **STENOGRAM SAČINILI:**

**Selma Šehić**

**Jasminka Delalić**

### **P R E D S J E D A V A J U Ć I**

**Nataša Perić, prof. s.r.**